

O Le Liahona



**Faalogo i le Valaau
a le Perofeta ia
Laveai, i. 14, 20, 32**

**Pe Faapefea ona
Fesoasoani i Tamaiti
ia Lagona le Saogalemu,
i. 16**

**Pe o Ave Oe e Au Uo
ia Keriso? i. 52**

**Auauna atu e pei o
Amona, i. 70, 72**




MEALOFA A LE AVALON FOUNDATION, FAALOLOGA A LE NATIONAL GALLERY OF ART, LOSIGITONE, D.C., ISA

O Le Toe Foi Mai o le Atalii Faamaumau Oa, saunia e Bartolomé Esteban Murillo

Ina ua iloa e le atalii faamaumau oa ua agasala o ia, sa toe foi atu o ia ma le faamaualalo i lona tama ma faapea atu, "Lo'u tama e, ua ou agasala i Le o i le lagi, atoa ma ou luma, ua ou le toe aoga ona taua o lou atalii" (Luka 15:21).

Ae peitai na talia o ia e lona tama ma faapea atu ma le fiafia, "Aua o lo'u atalii lenei, na ot, ua toe ola mai; na le iloa foi o ia, a ua maua" (fuaipu 24). E faapena foi, e i ai le olioli i le lagi pe a tatou salamo.



8

SAVALI

- 4** Savali a le Au Peresitene Sili:
Faauta i le Tele O Lo Outou
Olioli

Saunia e Peresitene Henry B.
Eyring

- 7** Savali a Faiaoga Asiasi: O se
Toefuataiga o Mea Uma

TALA FAAALIA

- 14** Mai le Laveaiina i le Avea ma
Tagata Laveai

Saunia e Betsy Doane

*Na pulea e le tiga ma mea ua
fai ma vaisu lo'u olaga seia oo
ina ou feiloai i se tagata na fesili
mai ia te au pe na ou faalogo i
Mamona.*

- 24** Aoao e Faalogo ma
Malamalamā i le Agaga

Saunia e David M. McConkie

*Auala e faalogo ai pe a tautala
mai le Agaga.*

- 28** Faaaliga: O Iea Mataua
i Iea Mataua

*Na fesoasoani le faaaliga i le
molimau a se alti talavou e oo
atu i le lagi mai itnei.*

- 30** Faaaliga: Liligi Ifo mai le Lagi
*E vave ona liligi ifo le malama-
lama pe a tatou saunia.*

- 32** Faataoto o le Leiloa ma
Toe Maua

*O le a le laveai? O le faamagalo
atu, aapa atu, ma le toe taliaina.*

MATAGALUEGA

- 8** O Mea Faatauvaa ma
Faavalea

- 11** Tatou te Talanoa e Uiga
ia Keriso: Ua Lava Lona
Alofa Tunoa

Saunia e Kimberlee B. Garrett

- 12** O Le Mea Tatou Te Talitonu I
Ai: O Le Togiola ua Mafai ai
Ona Salamo

- 16** O Tatou Aiga, O Tatou Auaiga:
Fesoasoani atu i Tamaiti ia
Lagona le Saogalemu

Saunia e Shawn Evans

- 20** Tala Faamamai o le Talalelei:
Faamalolosia o Tagata ua Le
Ttoaaga Mai

Saunia e Peresitene Boyd K. Packer

- 38** O Leo o le Au Paia o Aso e
Gata Ai

- 74** Tala Fou o le Ekalesia

- 79** Manatu mo Afiafi Faaleaiga

- 80** Seia Tatou Toe Feiloi: O Se
Nofoa i le Tausamaaga a le
Faatoafaiava

Saunia e Melissa Merrill



I LE FAAVAA

Luma: Atalii
Faamaumau Oa,
saunia e Liz Lemon
Swindle, Foundation
Arts, e le mafai ona
kopiina. Tua: *Tupe na*
Leiloa, saunia e J. Kirk
Richards.

AUTALAVOU MATUTUA



42

42 Autalavou Matutua ma Afiafi Faaleaiga

Ua faamatalaina e ni autalavou matutua faamanuiaga e vave oo mai faapea ma le lumana'i ona o le auai i afiafi faaleaiga.



54

AUTALAVOU

46 Fesili & Tali

"E lagona lava le tuua na o a'u i le lotu. E faapefea ona ou aoao ia lagona lo'u aofia?"

48 O Le Auala Na Ou Iloa Ai: Sa Manaia le Tofo o le Savali

Saunia e Anthony X. Diaz

51 O se Sefuluai Faamaoni, o se Faamanuiaga Maoae

Saunia e Oscar Alfredo Benavides
Sa ou galue ma sefe mo la'u misiona, ae peitai o le a le lava lo'u totogi laitiit.

52 O Fea o Le a Ave I ai Oe e Au Uo?

Saunia e John Bytheway
O uo lelei e taitaia i tatou ia Iesu Keriso.

54 O Le Talalelei E mo Tagata Uma

Saunia e Elder Carlos A. Godoy
E mafai ona pai atu le Agaga i soo se tagata; e leai se faatulagaga o ituaiga tagata e tatau ona avea ma tagata o le Ekalesia.

57 Pepa Lautele o I Ai se Savali: Mafaufau i le Faavavau

58 Ina ua Lē Vaaia A'u

Taofia le igoa
O le taimi tonu lava lea na ou manaomia ai le lagolago mai a au uo, ae sa latou le amaina au.

48

THE BOOK OF MORMON

TAMAITI



64

60 E Tatau ona Fefaaosoai ia Uso

Saunia e Adam C. Olson

Ua faasoai mai mai e ni tuafafine se toalua i Peru mea e sili ona taua.

62 O Le a Matou Fafaina Oe

Saunia e Peresitene Thomas S. Monson

Ina ua ma'i tele Jami e alu i le savaliga sopo, o le a se mea e mafai e ana uo ona fai?

64 Taimi o Fetufaaiga: Ua Aoao Mai e Tusitusiga Paia le Fuafuaga a le Tama Faalelagi

Saunia e Ana Marie Coburn ma Cristina Franco

66 O La Tatou Itulau

68 O Le Apogaleveleve ma le Leo Lemu, ma le Itiiti

Saunia e Joshua W. Hawkins

I le faafesagai ai ma se apogaleveleve, ua faafetai ai Britton mo se leo o le lapataiga.

70 Mo Tamaiti Laiti

O Le Lomiga Faamaonia Faa-Samoa a le Ekalesia a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson, Henry B. Eyring, Dieter F. Uchtdorf

O Le Korama a Apostolo e Toasefululuua:

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

Faatonu: Paul B. Pieper

Fautua: Stanley G. Ellis, Christoffel Golden Jr., Yoshihiko Kikuchi

Pule Faatonusili: David L. Frischknecht

Faatonusili e Fuafuaina ma Faatonutonu:

Vincent A. Vaughn

Faatonu o Karafi: Allan R. Loboyng

Pule Faatonutonu: R. Val Johnson

Pule Faatonutonu Lagolago: Jenifer L. Greenwood, Adam C. Olson

Faatonutonu Fesoasoani: Ryan Carr

Faatonu Fesoasoani: Susan Barrett

Aufaigaluega Faatonutonu: David A. Edwards, Matthew D. Flitton, LaRene Porter Gaunt, Carrie Kasten, Larry Hiller, Jennifer Maddy, Melissa Merrill, Michael R. Morris, Sally J. Odekkirk, Joshua J. Perkey, Chad E. Phares, Jan Pinborough, Richard M. Romney, Janet Thomas, Paul VanDenBerghe, Julie Wardell

Failautusi Siniā: Laurel Teuschler

Pule Faatonusili o Faatufugaga: J. Scott Knudsen

Faatonusili Tusiati: Scott Van Kampen

Pule i le Gaosiga: Jane Ann Peters

Aufaigaluega e Mamanuina ma Gaosia: Cali R. Arroyo, Collette Nebeker Aune, Howard G. Brown, Julie Burdett, Thomas S. Child, Reginald J. Christensen, Kim Fenstermaker, Kathleen Howard, Eric P. Johnsen, Denise Kirby, Scott M. Mooy, Ginny J. Nilson

Tailolomi: Jeff L. Martin

Faatonusili Lolomiga: Craig K. Sedgwick

Faatonusili o le Tufufufaga: Evan Larsen

Faatonu & Faaliliutusi O Le Liahona: Aliatasi Talataina
O le loioloia: Suvania Toleafoa

Mo O le okaina o mekasini, ia faafesootai le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) i le kopi. Totogi mo le Tausaga Atao \$6.60 (Samoa).

Auina atu tusitusiga ma faafesili i le Liahona,

Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le "tapasa" po o se "faatonuala") e lomia i le faa-Alepania, Aminia (Sasae), Pisilama, Palekeria, Kemupotia, Sepuanu, Saina, Kalaoia, Siekisolvakia, Tenimaka, Take, Igilisi, Esitonua, Fiti, Finelani, Farani, Siamani, Eleni, Hanikeri, Initu, Iselani, Intonesia, Italia, Iapani, Kiripati, Korea, Latvia, Lituna, Malakasa, Masela, Monokolia, Nouei, Polani, Potukale, Romania, Rusia, Samoa, Silovenia, Sipaniolo, Suetena, Tagaloka, Tahiti, Tai, Toga, Lukureini, ma Urutu, ma Viatename. (E eseese lava gagana.)

© 2010 Puletaofia e the Intellectual Reserve, Inc. Ua taofia aia tatau uma. Lomia i le lunate Setete o Amerika.


E mafai ona kopi tala ma ata o le Liahona mo le toe faaaogaina i lotu po o le aiga ae ia le faia ai ni pisinisi. E le tatau ona kopii ni talo po o ni ata po afai o faasa mai i le laina o loo ta'au ai le e ona lea faatufugaga. Auina atu fesili e uiga i le puletaofia i le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

For Readers in the United States and Canada:

February 2011 Vol. 35 No. 2. O LE LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send address changes to Salt Lake Distribution Center, Church Magazines, PO Box 26368, Salt Lake City, UT 84126-0368.

Faaopoopoga o loo maua i le Initoneti Liahona.lds.org



MO TAGATA MATUTUA

A o lei auai o ia i le Ekalesia, na avea fualau faasaina ma le alakoholo ma vaisu ia Betsy Doane. I le avea ai nei o ia ma se faifeau faamisiona fesoasoani a le Ekalesia, o loo ia fesoasoani atu i isi ia mulimuli i laasaga e 12 o le **Polokalama a le Ekalesia o le Toe Faaleleia o Olaga mai le Tagofia o Mausa** (tagai i le itulau e 14).

O loo maua tusi o galuega a le polokalama i le tele o gagana i le www.recoveryworkbook.lds.org.

MO LE AUTALAVOU



E mafai ona aoaoina i tatou e **āna ma āfu i Honitura** e uiga i le mauaina o faaaliga e ala mai i le Agaga Paia (tagai i itulau 28, 30). Ina ia matamata i nisi ata mai Honitura, asiasi ane i le www.liahona.lds.org.



MO TAMAITI

Vaai pe fia mamoe a le tupu e mafai ona e maua i le itulau e 72. Ona taalo lea i se taaloga faapena i le www.liahona.lds.org.

I LAU GAGANA

E maua le Liahona ma isi mea e faaaogaina e le Ekalesia i le tele o gagana i le www.languages.lds.org.

AUTU I LENEI LOMIGA

O numera o loo tau mai ai le itulau muamua o le tusiga.

Afiafi faaleiga, 42,
79

Agaga Paia, 24

Aiga, 16, 60

Alofa tunoa, 11

Ata o le faaolataga,
64

Aualofa, 7

Auaunaga, 62, 70

Faaaliga, 24, 28, 30,
40, 68

Faaaumeaina, 46

Faamagaloga, 12, 39

Faaugoa, 46, 52, 58
Faiaoga asiasi, 7, 32,

38

Faiaga o aiga, 40

Foafoga, 73

Galuega faafaifeauta-i,
lai, 4, 14

Iesu Keriso, 11, 12, 73

Liua, 14, 48, 54

Maliu, 58

Musika, 8, 9

Puapuaga, 16

Salamo, 11, 12, 14, 48

Sefuluai, 41, 51

Suesueina o tusitusiga paia, 64, 80

Taitaiga, 20

Tamaiti, 16

Tatalo, 30, 38, 60

Toefaato'aga mai, 20,
32, 40

Tulaga faamātua, 16

Uelefea, 10

Upu o le Poto, 14

Usitai, 24, 80

**Saunia e Peresitene
Henry B. Eyring**

Fesoasoani Muamua i le
Au Peresitene Sili



FAAUTA I LE TELE O LO OUTOU



E ititi lava ni nai fiafiaga i le olaga e sili atu le sua-malie ma umi ona tumau nai lo le iloaina, na e fesoasoani i isi e tuuina atu le talalelei toefuataiina a Iesu Keriso i o latou loto. O le mauaina o lena olioli o le avanoa lea mo tagata uma o le Ekalesia. Ina ua tatou papato, sa tatou faia se folafolaga o le a tatou "laulaututu e fai ma molimau a le Atua i aso uma ma mea uma, atoa ma nuu uma [tatou] te i ai e oo lava i le oti, ina ia togiolaina i [tatou] e le Atua, ma faitauina faatasi ma i latou i le uluati toe tu, ina ia [tatou] maua le ola faavavau" (Mosaea 18:9).

Ua taliaina e tagata uma o le ekalesia se vaega o le tiute ua tuuina atu i le Ekalesia ina ia avatu le talalelei a Iesu Keriso i le lalolagi, i soo se nofoaga ma e po o le a lava le umi o lo latou soifua. Na manino lava le fetalaiga a le Alii: "Faauta, na ou auina atu outou e molimau ma lapatai atu i tagata, e tatau foi i tagata uma ua uma ona lapataiina, ona lapatai i lona tua'oi" (MFF 88:81). E tatau ona i ai i faifeatalai le mana e aoao atu ai i latou e le'i auai i le Ekalesia. E tatau i tagata o le Ekalesia ona i ai le mana e saili ai i latou ua saunia e le Alii e aoao atu e faifeatalai.

E tatau ona faaaoga lo tatou faatuatua faapea ua saunia e le Alii tagata o loo siomia i tatou ina ia aoaoina. E silafia e Ia po o ai i latou ma po o afea e saunia ai i latou, ma e mafai ona Ia taitaiina i tatou ia i latou e ala mai i le mana o le Agaga Paia ma tuuina mai ia i tatou upu e valaaulia ai i latou ina ia aoaoina. O le folafolaga na tuuina atu e le Alii i se faifeatalai i le 1832 o le folafolaga foi lena ua Ia tuuina mai ia i tatou i lo tatou tiute ina ia saili tagata ua saunia mo le aoaoina e faifeatalai: "Ou te auina atu foi ia te ia le Fesoasoani, o lē aoao atu ia te ia le upu moni ma le ala na

te alu atu ai; afai foi e faamaoni o ia, ou te toe faaee atu ia te ia fusi saito" (MFF 79:2–3).

Ma o le folafolaga o le olioli sili mo le faifeatalai faamaoni o le folafolaga foi lena mo i tatou o tagata faamaoni o le ekalesia o e ua tuuina atu o tatou loto i le galuega faafaifeatalai:

"Ma o lenei, afai o le a tele lo outou olioli faatasi ma se agaga e toatas i ua oulu aumaia ia te au i le malo o lo'u Tama, faauta i le sili atu o lo outou olioli pe afai lua te aumaia ni agaga e toatele ia te au!

"Faauta, ua i o oulu luma la'u talalelei, ma la'u papa, ma la'u faaolataga.

"Ia ole atu i le Tama i lo'u igoa, i le faatuatua ma le talitonu lua te maua, ma o le a oulu maua le Agaga Paia o lē faaalia mea uma e tatau mo le fanau a tagata" (MFF 18:16–18).

I se faaopoopoga i le fesoasoani mai a le Agaga Paia ina ia tatou iloa ma valaaulia i latou ua saunia e aoaoina, ua valaauinai ai e le Alii ma aoaoina taitai e tialainai i tatou. I se tusi na tusia i le aso 28 o Fepuari, 2002, na tuuina atu ai e le Au Peresitene Sili se faaopoopoga i tiutetauave mo le galuega faafaifeatalai i epikopo ma uarota.¹ Faatasi ai ma le fesoasoani a le aufono a le uarota po o le paranesi, o le a atiina ae e le komiti faafroe a le perisitua se fuafuaga faafaifeatalai mo le iunite. Ua i ai i lena fuafuaga fautuaga i le auala e mafai ai e tagata o le au paia ona saili i latou ua saunia e aoao e faifeatalai. E i ai se tagata ua tofia e avea ma se taitai misiona a le uarota po o le paranesi. E galulue vavalalata lena taitai misiona



ma faifeautalai ma a latou tagata sailili.

O le tele ia o auala e mafai ai ona e faataunuina lelei ou lava tiute ma fesoasoani ai i le sailiga o tagata e aoaoina e faifeautalai. O le auala e sili ona faigofie, o le ala sili lea.

Tatalo ina ia taialaina e le Agaga Paia. Talanoa i taitai o le lotoifale ma faifeautalai, ma fesili atu mo sa latou fautuaga ma folafola atu lau fesoasoani ia i latou. Faamalosiau atu ia i latou o loo outou galulue faatasi i lenei galuega. Ma ia avea ma se molimau i taimi uma i au upu ma mea e fai, o Iesu o le Keriso ma e tali mai le Atua i tatalo.

Ou te molimau atu o le a taitaiae oe e le Agaga Paia ia i latou o loo saili le upu moni ao e tatalo ma galue mo lena taitaiga. Ma ua ou iloa mai aafiaiga o le a faavavau ai pea lou olioli ma i latou o e filifili e talia le talalelei i totonu o o latou loto ma tumau ai i le faatuatua. ■

FAAMATALAGA

1. Tagai “Tala Fou o le Eklesia: Ua Faamamafaina le Galuega Faafaifeautalai i Uarota ma Paranesi,” *Liahona*, Aok. 2002, 4.

AOAO ATU MAI LENEI SAVALI

- *I le Aoao Atu, E Leai se Isi Valaauga e Sili Ai ua faatonuina ai i tatou ina ia faamalosiau atu ia i latou tatou te aoaoina ina ia faatutu ni sini e fesoasoani ai ia i latou e ola ai i matapu faavae ua latou aoaoina (tagai i le itulau e 167). Faatasi ai ma le aiga, mafaufau ia iloa faamannuiga o le galuega faafaifeautalai e pei ona taua e Peresitene Eyring ma, afai e uunaia, valaaulia le aiga e faatutu ni sini mo le faasoaina atu o le talalelei.*
- *Mafaufau i le faaaogaina o manatu palepalealuga faatasi ma le aiga i auala e faasoat atu ai le talalelei, i le manatuaina o le fautuaga a Peresitene Eyring o “le auala e sili ona faigofie, o le ala sili lea.” Ina ia aoao atili i le manatu palepalealuga, tagai i le Aoao Atu, e Leai se Isi Valaauga e Sili Ai, itulau e 168.*

AUTALAVOU

O Faifeautalai e
Toatele i Lo'u Olaga

Saunia e Elizabeth S. Stiles

Ole Aso Sa muamua na matou o ai i le lotu ma faifeautalai, na ou iloa ai ni tagata na matou ola ae faatasi ma masani ai mai le alalafaga. Na ou vaaia se tasi o au uo mamae mai le aoga, o failautusi o le aoga maulalalo ma le aoga mauluga, se tamaitai sa ou matua agaleaga i ai i taimi ua tuanai, e oo lava i se alii talavou sa ou faateine lava i ai i se taimi.

O nei tagata uma lava na i ai se aafiaga tumau ia te au. O la'u uo mamae o se tamaitai talavou e faamaoni aiai, ma o ia le mafuaaga na ou filifili ai e faaauau ona sailiili i le Eklesia. Na fesoasoani mai fai-lautusi ia te au, o e na manatuaina a'u mai le aoga, ina ia ou iloa lo'u taua. Na ou aoao e uiga i le alofa faaleatua ma le alofa mama mai le tamaitai talavou lea na talaina au e ui lava i ou uiga le lelei ia te ia i taimi ua tuanai. O le alii lea na ou faateine i ai a o ou talavou lava, na ia faia se faataitaiga lelei, ma na ou iloina lona malamalama susulu ma ou manao ai ina ia ou latalata pea ia te ia.

O nei aafiaga na fesoasoani ia te au e iloa ai, ae lei taitai ona ou feiloai atu i faifeautalai, na saunia au e le Tama Faalelagi ina ia maua le talalelei e ala mai i tagata na la tuu e siosiomia au. Na ou aoao mai ia i latou o mea laiti tatou te faia e mafai ona oo ai i se taunuuga maoae. O le mea e sili ona taua, na ou iloa ai o le galuega faafaifeautalai e amata ia te au.

TAMA ITI

O Le Talalelei—o se Meaalofa e Faasoa atu

Ole upu *talalelei* o lona uiga o aoaoga uma ma sauniga ua tuuina mai ia i tatou e lesu Keriso ma Ana perofeta. O le talalelei e pei o se ato ua faatumuina i meaalofa mai le Tama Faalelagi. E mafai ona e fesoasoani e tuuina atu nei meaalofa i isi tagata. O ai e mafai ona e faasoa atu i ai le meaalofa o le talalelei?

Faafetaui mau ma ata o nisi o meaalofa o loo maua i le talalelei. Tusi i luga o ata taitasi le numera o le mau e fetaui i ai.

1. Iakopo 5:14–15
2. Mosaea 16:6–7
3. 3 Nifae 18:1–10
4. MFF 20:72–73
5. MFF 33:16
6. MFF 89:4, 18–21
7. MFF 132:46
8. MFF 137:10
9. MFF 138:32–34



O se Toefuataiga o Mea Uma



Na faatulagaina e le Perofeta o Iosefa Samita le Aualofa e avea ma se vaega taua o le Ekalesia. I le avea ai ma au peresitene, matou te faamoe-moe o le a mafai ona matou fesoasoani ia te oe ia malamalama pe aisea e manaomia ai le Aualofa i lou olaga.

Matou te iloa na faaalia e tamaitai i le Feagaiga Fou le faatuatua ia Iesu Keriso ma auai i Lana galuega. O loo faamatala mai i le Luka 10:39 ia Maria, o lē, na “nofo i tafatifa o vae o Iesu, ma faalogo i lana fetalaiga.” I le Ioane 11:27 o loo molimau mai ai Maretia ia Keriso: “Ua faapea mai o ia ia te ia, Ioe le Alii e: ua ou talitonu lava o oe o le Keriso, le Alo o le Atua, o lē maliu mai i le lalolagi.” I le Galuega 9:36, 39 o loo talanoa mai e uiga i “le tasi soo fafine o Tapita le igoa, . . . ua tele ana galuega lelei. . . . Ua tutu mai foi fafine uma lava ua oti a latou tane . . . ma faaali mai ofu tino ma ofu tetele sa faia e [ia].” O Fipe, i le Roma 16:1–2, o “se auauna o le ekalesia” ma “e toatele ua ia fesoasoani i ai.”

O nei mamanu o le faatuatua, molimau, ma auaunaga na faaaauauina i le Ekalesia o aso e gata ai ma na aloaiaina ma faatulagaina o le Aualofa. Na aoao mai Julie B. Beck, le peresitene aoao o le Aualofa: “E pei lava ona valaaulia e le Faaola Maria ma Maretia i le taimi o le Feagaiga Fou e auai i le faatinoina o Lana galuega, ua i ai foi i tamaitai o lenei tisipenisione se tofiga aloaia ina ia auai i le faatinoina o le galuega a le Alii. . . . O le faatulagaina o le Aualofa i le 1842 na tuufaatasia ai le mana o tamaitai ma o latou valaauga faapitoa ina ia fausia le malo o le Atua.”¹

Tatou te faataunuina a tatou galuega a o tatou tulimatai atu i faamoemoega o le Aualofa: ia faateleina le faatuatua ma le amiontonu patino, faamalolosia auaiga ma aiga, ma saili ma fesoasoani atu i ē le tagolima.

Ou te molimau atu na faatulagaina ma le paia le Aualofa ina ia fesoasoani i le galuega o le faaolataga. E tofu uma tamaitai taitoatasi o le Aualofa ma se matafaioi taua e faatino i le faatuuina o lenei galuega paia.

Silvia H. Allred, fesoasoani muamua i le au peresitene aoao o le Aualofa.

Suesue i mea nei, ma pe a talafeagai ai, ta talanoaina faatasai ai ma uso e te asia. Faaooga fesili e fesoasoani ia ia te oe e faamalosia ai ou uso ma avea ai le Aulofa ma se vaega ola o lou lava olaga.

Faatuatua • Aiga • Toomaga

O Le a se Mea e Mafai ona Ou Faia?

1. O le a se fesoasoani o le a ou saunia mo o'u uso i lenei masina e faaalia ai le faatuatua o soo tamaitai o lesu Keriso?

2. O le a le ao-aoga o le talalelei toefuataiina o le a ou suesueina e faamalosia ai la'u molimau i lenei masina?

Mo nisi faamatalaga, alu i le www.relfief-society.lds.org.

Mai lo Tatou Talafaasolopito

Na aoao mai Sister Julie B. Beck “ua tatou niloa e ala mai i le Perofeta o Iosefa Samita o le Aualofa o se vaega aloaia o le Toefuataiga.”² O le faagasologa o le toefuataiga na amata mai i le Uluai Faaaliga i le 1820 ma faaaauau ai “o lea fuaiupu ma lea fuaiupu, o lea mataupu ma lea mataupu” (MFF 98:12). Ina ua faatulaga aloaia le Aualofa i le aso 17 o Mati, 1842, na aoao e le Perofeta ia tamaitai e uiga i o latou tulaga taua i le Ekalesia toefuataina. Na ia faapea atu, “E lei atoatoa lava ona faatulagaina le Ekalesia seia tusa ai ona faatulagaina tamaitai.”³

FAAMATALAGA

1. Julie B. Beck, “Faataunuina o le Faamoemoega o le Aualofa,” *Liahona*, Nov. 2008, 108.
2. Julie B. Beck, “Faataunuina o le Faamoemoega o le Aualofa,” 108.
3. *Aoaoga a Peresitene o le Ekalesia: Iosefa Samita* (2007), 480.

Mai Tusitusiga Paia

Ioelu 2:28–29; Luka 10:38–42;
Efeso 1:10



O Mea Faatauvaa ma Faavalea

"O mea faatauvaa ma mea faavalea ua faataunuina ai mea tetele" (Alema 37:6).

TALAFASOLOPITO O LE EKALESIA I LE LALOLAGI

Pasila

Ina ua siitia ese atu Max Richard Zapf mai Siamani i Pasila i le 1913, faatoa lima tausaga talu ona avea o ia ma tagata o le eklesia ma na avea ai loa o ia ma uluai tagata o le Eklesia i Pasila. Ina ua mavae ona talosagaina e se aiga Pasila ni mea e faaaogaina mai le laumua o le Eklesia, na asiasi atu loa le peresitene o le Misiona o Amerika i Saute i Pasila i le 1927 ma auina atu faifeautalai i le 1928. Na amataina le uluai misiona i São Paulo i le 1935, ma e oo atu i le 1939 ua lomia le Tusi a Mamona i le faaPotukale.

O le malumalu muamua i Amerika i Saute na faapaiaina i São Paulo i le 1978, ina ua faatoa mavae le faaaliga e uiiga i le faasafua atu o le perisitua i alii agavaa uma lava. O le nofoaga tutotonu mo le aoaoina o faifeautalai e lona-lua le tele a le Eklesia, o loo i São Paulo, na faapaiaina i le 1997.

O Pasila o le atunu lona tolu lea (e sosoo ma le Iunaite Setete ma Mekisiko) ua ausia le tasi miliona o tagata auai i le eklesia.



O LE EKALESIA I PASILA

Tagata auai	1,102,428
Misiona	27
Siteki	230
Uarota ma Paranesi	1,884
Malumalu	7, e aofia ai Malumalu o Manau ma Fortaleza i Pasila, ua faalauiloaina po o o loo fausia nei

Aisea e Pese ai?

O le lagiina o viiga e mafai ona valaaulia ai le Agaga ia tatou sauniga o le Eklesia, i o tatou aiga, ma aso uma o o tatou olaga. Na aoao mai Peresitene J. Reuben Clark Jr. (1871–1961) o le Au Peresitene Sili, "Tatou te latalata atili atu i le Alii e ala i musika nai lo se isi lava mea sei vagana ai le tatalo."¹

Ua saunia e le Eklesia se Uepi saite mo le faaaogaina o viiga (e maua i gagana Peretania, Farani, Potukale, ma le Sipaniolo). E aofia ai i le Music.Lds.org ni faatonuga mo le tai-taiina o musika ma le taina o viiga e faaaoga ai piano feaveai ma o loo i ai foi ni fautuaga mo le filifiliina o viiga talafeagai mo sauniga faamanatuga.

E mafai ona faitauina, sii mai, po o le taina sao mai le Uepi

saite ia musika ma fatuga, lea e matua faapitoa lava le aoga mo tagata o le eklesia e leai se piano po o se piano feaveai.

E mafai ona faaaoga le musika i le aiga faapea foi ma le lotu. Na fautua mai le Au Peresitene Sili: "Aoao a outou fanau ia fiafia i viiga. Pepese ai i le Sapati, i afiafi faale[aiga], i le taimi o aoaoga i tusitusiga paia, ma taimi o talosaga. Pepese ao outou galulue, ao outou taaalo, ma ao outou malaga faatasi."² O viiga e mafai ona aumaia le agaga o le alofa ma le lotogatasi i totonus o le aiga.

FAAMATALAGA

1. J. Reuben Clark Jr., i le Conference Report, Oke. 1936, 111.

2. Viiga, x.

Faamalosia e se Viiga



Na ou filifili ou te tauva i se mala foni ma ni uo matou te galulue faatasi i Western Cape, Aferika i Saute. Sa ou matua koleni ma galue malosi e tapenapena mo le tuuga.

I le aso o le tuuga, sa ou ala ae i luga, faitau au tusitusiga paia, ma tatalo. Sa ou popole, ae na ou lagona foi le manaomia ona ou faatuatua i le Alii. Na ou iloa afai ou te [faatuatua], o le a Ia tausia ma lagolago mai.

Sa manaomia lo matou savavali pe tamomoe i le 40 kilomita (25 maila). Na matou amata i le 8:00 i le taeao. Na malu le tau ma na i ai ni nai timuga laiti, o lea na ou fiafia ai i le savaliga ma na sologa lelei

mea uma i le amataga. Peitai, pe toe 10 kilomita mai le laina faaiu ua oo i ai, na amata ai ona matua faigata lava le tuuga mo au. Na se'i le maso o le tasi vae, ma ua i ai nai tamai fulafula i o'u vae. Sa ou le fia i ai. Ona amata lea ona ou usuina se viiga:

*Ia aua le fefe, ou te i ai ia te oe,
O A'u lou Atua e fesoasoani pea.
Ou te faamalosi, faamanuia
oe, ...*

*Lo'u aao amiontonu, mamana
naua.*

(“Le Faavae Malosi,” *Viiga*, nu. 45)

Na saputu mai pea lava pea upu o le viiga i lo'u mafaufau ma sii a'e

ai i luga ou vae, ma ou faaiuina ai le tuuga i le malosi o le viiga a le Alii.

Na aoaoina au i lenei aafiaga, o le talalelei a Iesu Keriso e faatau lea i le tumau e oo i le iuga. E pei o le savavali po o le tamomoe i se tuuga. Tatou te le lavava i nisi taimi, malolo, ma toe savavali. E le tuulafoaia lava i tatou e le Tama Faalelagi e tusa lava pe faafia ona tatou pauu; o le mea e taulia ia te Ia o le faafia lea ona tatou tutu i luga ma toe savavali. O Lana talalelei e faatatau lea i le faamaeaina o le tuuga.

Khetiwe Ratsoma, Aferika i Saute

I SAUNOAGA A TAITAI O LE EKALESIA

Tausia o e Matitiva



“Ile talafaasolopito atoa, ua fuaina e le Alii ia faapotopotoga ma tagata taitoatasi i le lelei sa latou tausia ai tagata matitiva. Na fetalai o la:


“Aua o loo tumu le lalolagi, ua lava foi ma totoe mea o i ai; ioe,

na ou saunia mea uma, ma ua tuuina atu i le fanau a tagata latou te fai ma o latou lava taitai.

“O lea, afai e tago soo se tagata i mea e tele ua ou faia a e le tuuina atu lona vaega, i e matitiva ma e le tagolima, e tusa ma le tulafono o la'u talalelei, o le a ia sii ae ona mata faatasi ma e amioleaga i seoli, o loo puapuagatia’ (MFF 104:17–18; tagai foi i le MFF 56:16–17).

“Ma lea foi, ua la folafola mai, ‘la tutusa outou ia outou mea tau le tino, e aunoa ma le faaloloto, a le faia faapea o le a taofia le tele o faaaliga a le Agaga’ (MFF 70:14; tagai foi i le MFF 49:20; 78:5–7).

“Tatou te pulea le faaaluina o a tatou tupe ma punaoa, ae tatou te tali atu i le Atua mo lenei tiute o le tausimea i mea o le olaga nei. E matagofie naua le molimauina o lo outou agalelei a o outou foai atu i taulaga anapogi ma galugea fesoasoani alofa. Mai le tele o tausaga, o le puapuagatia



o le fia miliona o tagata ua fai ifo, ma e anoanoai isi tagata ua mafai ona fesoasoani ia i latou lava e ala i le agalelei o le Au Paia. E ui lava i lea, a o tatou tulitulimatagauina le faamoemoe o Siona, e tatau ia i tatou taitoatasi ona manatunatu ma le agaga tatalo po o tatou faia mea e tatau ona tatou faia ma mea uma ua faamoemoe le Alii e tatau ona tatou faia mo e matitiva ma e le tagolima.”

Elder D. Todd Christofferson o le Korama a Apostololo e Toasefululu, “O Mai i Siona,” *Liahona*, Nov. 2008, 39.

FAAMANUIAINA AUAUNAGA FAALEUELEFEA A LE EKALESIA

Oloo taumafai le polokalama lauiloa a Le Ekalesia a lesu Keriso o le Au Paia o Aso e Gata Ai e faaleleia olaga o e le tagolima i le sauniaina o taumafa, vai mama, tausiga o mata, nofoafaataavalevale, tui puipui, ma le tali atu i faalavelave faafuasei. Mai amataga faigofie, ua faalauteleina le polokalama i le aluga o tausaga ina ia fesoasoani i le faitau miliona i le lalolagi atoa.

Faaiuga o le vaitausaga o le 1920: Ua faatulaga faatoaga o le Uelefea. Ua teuina fua o faatoaga i faleteuoloa.



1932: Ua faatuina le uluai fale o meaai tuuapa.



1936: Ua faavaeina le Komiti Aoao o le Uelefea a le Ekalesia. Faatulaga ni risone se sefulufa o le uelefea e faafoeina gaoioiga faaleuelefea i le salafa o le lalolagi.

1936: Faatulaga le uluai nofoaga tutotonu aloaia mo galuega.

1936-1940: Amata galuega faatino gaosi oloa, e aofia ai se ili laupapa, fale gaosi pa'u manu, fale gaosi makaroni, tuuapaina o samani, tuuapaina o le pata pinati, gaosiga o fasimoli, ma le tuufaguina o le susu.

1937: Faatuina le uluai fale teuoloa o le risone i le Aai o Sate Leki.



1938: Amata galuega mo le fausiaina o le Lotoa o le Uelefea, e aofia ai se masini faamama saito ma se fale teuoloa tutotonu.

1938: Tatala le uluai faleoloa a le Deseret Industries mo oloa taugofie i le Aai o Sate Leki.



1940: Mae'a le fausiaina o le Lotoa o le Uelefea.

1945: Auina atu e le Ekalesia i vaa le tele o meaai, lava lava, ma isi sapalai mo tagata o le ekalesia o loo pagatia i Europa i le faaiuga o le Taua Lona II a le Lalolagi.

1960: Mae'a i fale tuuapa fou ma le fale gaosi susu i le Lotoa o le Uelefea.

1970: Ua faalautele atu galuega faatino faale-uelefea ma le gaosiga o oloa i Mekisiko, Egelani, ma atumotu o le Pasefika.

1973: Ua faatulaga le Auaunaga Faalauaitele a le AAG (lea ua ta'ua nei o le Tautua a le AAG mo Aiga) e avea o se faalapotopotoga aloaia a le Ekalesia.

1976: Amata faalauteleina e le Ekalesia ia faleteuoloa i itu uma o Kanata ma le lunaite Setete. Ua faalauiolinaa foi le faalauteleina o fale tuuapa ma le gaosiga o oloa.

1982: Asiasi atu le peresitene o le I.S. o Ronald Reagan i le Lotoa o le Uelefea.



1985: Amata ona saunia e le Ekalesia vai eli mama i Aferika, ma faailogaina ai le amataga o le faalauteleina i le lalolagi atoa o taumafaiga o auaunaga agaalofa a le Ekalesia.



Vaitausaga o le 1990: Ua faavaeina le Nofoaga Autu mo Auaunaga Agaalofa a le Au Paia o Aso e Gata Ai ina ia faavasega ai lavalava ma isi mea ua tele, e aofia ai sapalai faafomai, mo le auina atu o uta i le lalolagi atoa e tali atu ai i le mativa ma mala.

2002: Ua amata ona tuuina atu e le Auaunaga Lima Foa'i a le AAG nofoa faataavalevale, vai mama, ma galuega faatino mo le faamanavaina o pepe faatoa fananau mai.



2003: Ua faatasi atu le Auaunaga Lima Foa'i a le AAG i polokalama a le lalolagi atoa e faatatau i le misela ma tautino atu le tasi miliona tala I.S. i tausaga taitasi e lagolago ai lenei taumafaiga. E faapena foi, ona amataina se polokalama o togafitiga o mata i le lalolagi atoa.

2010: Ua amata e le Auaunaga Lima Foa'i a le AAG se polokalama o mea taumafa ina ia faateleina ai le gaosiga o meaai ma ia lelei mea taumafa i nisi o atunu sili ona matitiva i le lalolagi. Ua suatia le eleele mo se Faleteuoloa Tutotonu fou a le Epikopo e 600,000-futu-faatafafa ($56,000 \text{ m}^2$) i le Aai o Sate Leki.

UA LAVA LONA ALOFA TUNOA

Saunia e Kimberlee B. Garrett


E pei o le tele o tagata, sa ou tauivi mo le tele lava o mea i lo'u olaga ina ia iloa ai lo'u taura patino. Na ou tau ma ni faafitauli e uiga i lo'u mamafa i le tele o tau-saga, lena ua saofaga i o'u lagona le lelei. E ui lava ua tele ni o'u pauna ua pau, ma ua ola nei i se olaga soifua maloloina, ae e i ai lava taimi ou te tauivi ai a au ia ina ia tetee ese na mafaufauga ma lagona le lelei.

I se tasi taeao na faapitoa lava lo'u lagonaina o le faatauvaa ma na ou tau mafaufau pe faapefeea ona faaleleia lea tulaga. Na amata ona ou tatalo ma aioi atu i le Tama Faalelagi mo se fesoasoani ina ia faatoilalo ai nei lagona o le lotovai-vai. A o ou tatalo, na oo mai i lo'u mafaufau lenei mau: "Afai foi e le ia te outou le faamoemoe, ua faatoilaloina o outou manatu; e oo mai le faatoilaloina o le manatu ona o le amioletonu" (Moronae 10:22).

O le *amioletonu* na foliga mai o se upu mamafa tele, sa matua mamafa lava na ou le amanaia ai i le taimi muamua lea manatu, ona ou te le manatua se mea sese matuia na ou faia. Ae peitai, na faaauau pea ona i ai lea mafaufauga, o lea na ou tatalo ai, e pei foi ona faatonuina mai e Moronae, ina ia faailoa mai e le Tama Faalelagi lo'u vaivaiga ina ia faamalo-sia ai a'u (tagai i le Eteru 12:27).

Na ou manatuaina e au lava ia ni mea se tolu i aso e lua ua tuanai ina ua le mafai ona ou faaalia le onosai i

la'u fanau. Na ou faamuamua ina o'u lava lagona ma manaoga na i lo o latou manaoga ma ou te lei nofouta foi i o latou lagona. Sa ou lagona le ta'usalaina ma tonu ai o le a faia le mea e sili atu. Na ou faatoeise i la'u fanau ma tatalo mo se faamagaloga. O le taimi lava na ou tatalo ai, na ave-eise atu ai o'u lagona o le le agavaa



E pei foi o le Apo-setolo o Paulo, o le a ou faia le mea sili ina ia ou salamo ma tausi poloaiga ina ia "tumau i o'u luga le mana o Keriso."

ae ou lagonaina le filemu lena na tuua au.

E pei lava o se ki o se moli ua kiina i lo'u mafaufau, ma na faatoa ou malamalamā ai lava i se mataupu faigofie lea na ou misia i nei mau tau-saga. Pe a i ai sa'u agasala e lei foiaina i lo'u olaga, e tusa lava pe laitiiti, ua ou tuuina ia Satani le mana e faatosaina ai au. Ua ia iloa o'u vaivaiga, ma ua ia iloa upu e "faaososo ai au" ma "taitaia au i le malaia" (tagai i le MFF 10:22). O le mea moni lava, ou te le ita ia te au lava ia, ae o Satani e ita ia te au ma o le a ia faaaogaina soo se mailei o i ai e liliuese ai au mai le malamalamā.

Ae peitai, pe a ou salamo, ou te faalagolago i le mana o Iesu Keriso. Aua e Na te silafia lelei lava le auala e fesoasoani ai ia te au i o'u vaivaiga (tagai i le Alema 7:11–12), o Lona mana e siitaina au i luga ma faamalosiau ia te au i ala e le mafai ona ou faia na o au.

E oo lava i le Aposetolo o Paulo, sa matua toa lava i le talaiga o le talalelei, ae na puapuagatia i vaivaiga ma na pagatia ai i aafiaga. Ae ui i lea, ina ua ia tatalo e aveesea ia vaivaiga, na tali mai le Alii, "O lo'u nei alofa tunoa e lava lea e fesoasoani ia te oe: aua o le vaivai e faaatoaina ai lo'u mana." Ona faaauau lea ona faamalamalama mai Paulo, "O lea ua tele ai lava lo'u fiafia i le mitamita i mea ua ou vaivai ai, ina ia tumau i o'u luga le mana o Keriso" (2 Korinito 12:9).

E faapena foi, o le a ou faia le mea sili ina ia ou salamo ma tausi polo-aiga ina ia "tumau i ou luga le mana o Keriso" ma mafai ai ona faatumuina au i le filemu ma le alofa. ■

O LE TOGIOLA UA MAFAI AI Ona Salamo

Ua tatou o mai i le lalolagi mo le faamoemoe ia tatou tupupu ae ma alualu i luma. E telegese lo tatou alualu i luma pe a tatou agasala. Vagana ai lava Iesu Keriso, le na soifua i se soifuaga atoatoa, a o tagata uma lava na ola i le lalolagi ua agasala (tagai i le Failauga 7:20; Roma 3:23; 1 Ioane 1:8).

O le agasala o le solia lea o poloaiga a le Atua. O nisi taimi tatou te agasala i le faia lea o se mea ua tatou iloa e sese, ae o nisi taimi tatou te agasala i le le faia lea o le mea ua tatou iloa e sa'o (tagai i le Iakopo 4:17).

O poloaiga uma mai le Atua e faamanuiaina ai i tatou pe afai tatou te usitai i ai (tagai i le MFF 130:20–21). Ae peitai, afai tatou te solia, e i ai se faasalaga e oo mai ai (tagai i le Alema 42:22). O lenei faasafuaina atu o faamanuiaiga po o faasalaga ua faaigoaina o le faamsinoga tonu.


Ona e alofa le Tama Faalelagi ia i tatou, o lea ua Ia faia ai ina ia mafai ona tatou salamo: ia ta'uta'u atu ma lafoai a tatou agasala ona mafai ai lea ona manumalo i o latou aafiaga faapitoa. Na Ia auina mai Lona Alo e

Toatasi na Fanaua, o Iesu Keriso, e puapuagatia mo a tatou agasala. O lona uiga, na totogi e Iesu le sala na manaomia e le tulafono o le faamsinoga tonu mo le solia o poloaiga a le Atua. Ona sa puapuagatia le Faaola mo a tatou agasala, o le a tatou le puapuagatia ai i le faasalaga atoa mo na soligatulafono pe afai tatou te salamo (tagai MFF 19:16). O Lana Togiola “ua faamalie ai poloaiga a le faamsinoga” (Mosaea 15:9), ma faatagaina ai le alofa tunoa o le Tama Faalelagi ina ia faamagaloina i tatou ma taofia ai le faasalaga.

O le salamo o le meaalofa lea a le Atua mo i tatou. E manaomia mo lo tatou fiafia i lenei olaga. O le salamo o le a mafai ai ona tatou toe mama, ma mafai ai ona tatou toe foi atu i lo tatou Tama Faalelagi (tagai i le Mose 6:57).

O le faagasologa o le salamo e aofia ai mea nei:

la i ai le faatuatua i lo tatou Tama Faalelagi ma lesu Keriso (tagai i le Alema 34:17).



“O lē ua salamo i ana agasala, e faamagaloina o ia, ma o a'u, le Alii, ou te le toe manatua lava.

“Tou te iloa faapea se ua salamo i ana agasala—faauta, na te ta'uta'u atu ma lafoaia” (MFF 58:42–43).

*Ia iloa a tatou agasala
ma lagona le faanoa
(tagai i le Luka 16:15;
Alema 42:29–30).*



*Ta'uta'u atu a tatou aga-
sala i le Tama Faalelagi ma,
afai e manaomia, ta'uta'u
i lo tatou epikopo po o le
peresitene o le paranesi
(tagai i le MFF 61:2).*



*Lafoai a tatou agasala
(tagai i le MFF 58:43).*



*Ia toe totogi pe a mafai
(tagai i le Esekielu
33:15–16).*



*Faamagalo atu i isi ua aga-
sala ia i tatou (tagai i le MFF
64:9; 3 Nifae 13:14–15).*



Ola amiontonu (tagai i le MFF 1:32). ■

*Na totogi e Iesu Keriso le tau mo a tatou aga-
sala i le Faatoaga i Ketesemane ma luga o le
satauro. Na Ia fetalai mai e uiga i Ona pua-
puaga, “[O le tiga] lea na faagateteina ai au
lava, o le Atua, le silisilise i mea uma, ona o le
tiga, ma na maligi ai le toto mai pu laiti uma
lava o le tino, ma na tiga le tino atoa ma le
agaga” (MFF 19:18).*

Mo nisi faamatalaga, tagai i le Mataupu Faavae o le Talalelei (2009), “Salamo,” 115–22; ma le Faamaoni i le Faatuatua (2004), “Togiola a lesu Keriso,” 180–84; “Faamasinoga Tonu,” 50–52; “Alofa Mutimutivale,” 16–18; “Salamo,” 146–50; ma le “Agasala,” 9–10.





MAI LE Laveaiina I LE Tagata Laveai AVEA MA

Sa pei lo'u olaga o se tavi'ovi'oga agai i lalo pe ana ou le feiloai atu i se alii o lē na faailoa mai o loo i ai le vaifofo mo o'u faafitauli.

Saunia e Betsy Doane

Le tasi afiafi i le 1978, sa ou i ai i le Malae Vaalele o Logan i Boston, Massachusetts, ISA, e faatali a'u uo e taunu mai. Sa amata talanoa mai se alii ia te au, ona ma talatalanoa teisi ai lea e uiga i o ma olaga. Na ou ta'u atu ia te ia e tolu masina na vave ai ona ou toe foi mai mai se malaga i Amerika Tutotonu.

Sa ou ta'u atu ia te ia, na ou alu e solaese mai mafatiaga moni o lo'u olaga. O le iva tausaga talu ai na oti ai lo'u tuagane. O le tausaga na sosoo ai na maliliu ai o'u matua i se faalavelave tau taavale. Na atoa i lena aso le tausaga, talu ona maliu lo'u tina matua. I se vaitaimi puupuu lava, na maliliu ai le tele o tagata e sili ona taua i lo'u olaga. Sa ou matuai faavauvau lava.

Na ou mauaina se tinoitupe tele lava na tuufaasolo mai ona o le maliliu o o'u matua, ma na ou faaaogaina e taumafai ai e solaese mai lo'u faanoanoa. Na ou faaaluina i ofu taugata,

taavale, fualau faasaina, ma malaga i nofoaga mamaao.

I la'u malaga talu ai nei lava na ou aea ai se nofoaga tafatolu maualuga i Tikal, Kuatemala. O iina, e ui lava na ou i ai faaletino i se nofoaga maualugā, ae sa ou lagonaina lava le tulaga maualalo lea sa ou lagonaina mo se taimi umi lava. Na le mafai ona ou toe ola i le auala sa ou ola ai. Na ou faapea atu, "Le Atua e, afai o E i ai iina, ou te manaomia Oe e suia lo'u olaga." Na ou tu ai iina mo se taimi umi, ma augani lē leoa atu mo se fesoasoani mai se tasi ou te lei mautinoa e moni. Ina ua ou alu ifo i lalo mai le tafatolu, na ou lagona le filemu. E le'i i ai se mea na suia i lo'u olaga, ae peitai na ou lagonaina o le a lelei mea uma.

Ma o lea la i le tolu masina mulimuli ane o loo ou faamatalaina lenei mea i se alii i le malae vaalele. Na ia faalogo ma le onosai ona fesili mai lea pe ou te iloa na

asiasi mai Iesu Keriso i Amerika.

I lena taimi ou te lei mafaufau tele e uiga i le Atua. O le a lea ituiga Atua e aveesea lo'u aiga? Na ou faamatala atu i le alii le tele o na mea, ma na ia tali mai o le Atua e na te talitonu i ai ua uma ona faia se auala ou te toe faatasi ai ma lo'u aiga. *O le taimi lea ua alu atu i ai lo'u mafaufau.*

"O le a le uiga o lau tala?" o la'u fesili lea.

"Na e faalogo i Mamona?" E le tele so'u iloa e uiga ia i latou, ae na faauau ona faamatala mai e le alii le ata o le faaolataga ia te au. Ma e ui ou te le'i talitonu muamua, ae sa i ai se mea na ia faasoa mai sa tatagi mai e moni.

Na ma faafesuiai ma la'u uo fou numera o a ma telefonu, ma i le aluga o masina na sosoo ai, na ma tafafao faamasani ai. Na ma talatalanoa foi e uiga i le talalelei. Na ia tuu mai ia te au se kopi o le Tusi a Mamona, ma sa ma talatalanoa e uiga i ai faatasi



ai ma isi tusitusiga paia mo le tele o itula i luga le telefoni. Na ia ta'u mai ia te au e uiga ia Iosefa Samita lea na toefuataiina le Ekalesia a Iesu Keriso. O se taimi ofoofogia o le faamoemoe ma le tuputupu ae.

Na faasolo ina mou atu le ma faigaau, ae ina ua mavae le tele o vайaso, na fai mai la'u uo e na te fia auina mai nisi o ana uo matou te talatalanoa. O uo na ia auina mai, ioe, o faifeautalai. Ma na o mai faatasi faifeautalai ma Bruce Doane, le faifeautalai o le siteki lea na avea mulimuli ane ma o'u toalua.

Ina ua mavae ni nai vайaso o talanoaga aloaia, na fesili mai faifeautalai pe ua ou lotomalie e papatiso. Na ou tali atu ioe. Ona latou fai mai lea ia te au e tatau ona ou tausaga le Upu o le Poto, ae ou te le'i papatiso.

Ou te lei toe inu pe faaaogaina tele fualau faasaina e pei o le taimi ua tuanai. Ua i ai nai suiga i lo'u olaga; na ou lagona le i ai o se faamoemoega sili atu nai lo le tele o tausaga—ae peitai e moni lava o na mausa o le a

faigata ona taofia *atoatoa*. Ae maise foi, ua uma ona ou lafoaia le tele o mea i le taliaina o le talalelei—e aofia ai ni nai uo o e na manatu ua ou valea i le faaalia o le naunau i le Ekalesia Mamona. Sa ou finau ona sa ou lagona e moni le talalelei. Ae pe mafai ona ou lafoaia atoatoa ni mea ua leva ona fai ma vaisu?

Na ofo mai faifeautalai e tuuina mai ia te au se faamanuiaga faaleperisitua e fesoasoani ia te au. O le taimi lava na mae'a ai, na ou tia'ieseina uma ai fualaau faasaina ma meainu malolosi sa ia te au. Ma o lena po, na aluese ai mai ia te au le manao e tagofia soo se mea e faasagatau i le Upu o le Poto. O se vasega moni lava.

Na ou papatiso ia Iuni 1978. E sili laitiiti atu ma le tausaga mulimuli ane, na ma faaipoipo ai ma Bruce i le Malumalu o Uosigitone D. C.

Na laveaiina moni lava au e le talalelei mai le faavauvau. O le taimi muamua, sa ou le iloaina le uiga moni lava o le upu. Na leai o'u matua ma lo'u tuagane ma lo'u tina matua,

ae na ou lagona e pei ua leai foi ma au ia. Ina ua maliliu i latou na ou le toe iloa po o ai au. O lea ua ou maua lo'u faasinomaga. Ou te iloa o au o se afafine o le Atua ma e Na te silafia au ma alofa ia te au. Ina ua faamuina au i ou matua, tina matua ma lo'u tuagane, na liua lo'u faanoanoa i le fiafia faatasi ai ma le mautinoe a mafai ona matou faatasi faavavau.

Na laveaiina foi au e le talalelei a Iesu Keriso mai mea sa fai ma vaisu. Ua mavae nei ni nai tausaga talu ona ma auauna atu ma lo'u toalua o ni faifeautalai i le Tautua a le AAG mo Aiga mo le faaleleia o le tagofia o masaniga, e galulue ai ma tagata o la matou siteki o loo tauivi ma itu-aiga o mea eseese ua fai ma vaisu. Ou te matua faafetai ua mafai ona ou fesoasoani atu i nei tuagane ma uso. Ou te lagona le faamanuiaina o au i le mafai ona ou faasoa atu o la'u tala ia i latou ina ia fesoasoani ia i latou e malamalamai ai pe mafai faapefea ona laveaiina i tatou uma e le talalelei. ■

Fesoasoani i Tamaiti ia Lagona le Saogalemu

Saunia e Shawn Evans

Tagata Faigaluega mo le Manua o Tagata ua Aloaia Faalelulafono, Tautua a le AAG mo Alga

Ua tatou ola i se vaitaimi ua lamatia ai e faafitauli faigata—e pei o le tatala o faaipoipoga, ma'i, maliu, faalavelave faafuasei, faalavelave faalenatura, taua, leai o ni galuega—le lagona o le saogalemu i totonu o le aiga. Ae peitai, e tele mea e mafai e matua ona fai e fesoasoani ai i tamaiti ia maua se lagona mautu, sulufaiga, ma le saogalemu e ui lava i nei uunaiga le manuia.

Auala e Tali Atu ai Tamaiti

Ina ia mafai ona fesoasoani i tamaiti ia taulimaina ia tulaga faaletonu, o le mea muamua e tatau ona tatou malamalamama i le auala latou te tali atu ai. O nei tali e mafua mai i le tulaga mautu o le aiga ma le matua o le tamaiti ma le matua ona lagona.

Mai le Faatoa Fanau mai e oo i le Ono Tausaga le Matua

E mafai e se alualutoto ona faaalia le le mautonu i ni mea faaletonu e tutupu e ala i le faiaso, tagi, ma le manao e sii o ia. O le tele o taimi, e pau lava le mea e manaomia e pepe o le sii lea o i latou e se matua po o le fafaga o i latou. E sili atu le matutua o mafaufau o tamaiti laiti nai lo pepe. E ui i lea, o le motusia o se amioga masani a se tamaiti i ono lagonaina



O le malamalamama i le ala e tali atu ai tamaiti i tulaga o mea matautia e tutupu, e mafai ai e matua ona fesoasoani i a latou fanau i taimi o faigata.

ai e se tamaiti i ono tausaga le matua le leai o se mea e mafai ona ia faia. Mo se faataitaiga, atonu na te lagonaina le matuai atuatuvalo ona o le valavala mai matua i le taimi o se faalavelave faalenatura po o ni masina e sosoo ai ma le tatalaina o se faaipoipoga. E mafai e matua ona fesoasoani i tamaiti laiti i tulaga faapena e ala i le faia o ni aga masani se tele e mafai ona fai. E mafai ona faaaauau pea ona fai tatalo faaleaiga, aai faatasai o se aiga, ma isi faiga sa masani ona latou faia a o lei tulai mai lenei suiga ogaoga. O lenei faaaauauina pea o faiga masani, e tuuina atu ai i tamaiti se lagona o le mafanafana, to'a, ma le mautu.

Fitu i le Sefulu Tausaga le Matua

O tamaiti e matutua atu e mafai ona malamalamama pe afai ua i ai se mea po o se isi foi ua aveese mai mo se taimi tumau, a lē o le aluese mai se aiga po o le taulimaina foi o le maliu o se tasi o matua. O le tau-nuuga, latou te ono popole ai ona o le faalavelave ua tupu. Ua matuui le mautonu ai lava lo latou iloa e uiga i le olaga. Atonu latou te talanoa soo i le mea matautia ua tupu a o latou taumafai ia malamalamama i le ala e taulima ai le faafitauli. Atonu foi latou te manaomia le fesoasoani i le

“Ua tele lava ni suiga i lo’u olaga. O nisi o mea sa le’i suia o le suesue i tusitusiga ma tatalo faaleaiga. Ou te fiafia lava i tusitusiga paia, ma o loo ou taumafai nei e faitauina e a’u lava i aso uma. Ou te fiafia i le lagona toofilemu ou te maua pe a ou faitauina.”

Michael H., o ona matua ua tetea ma sa toe faaipoipo lona tina i se taimi mulimuli ane.

faamalamalamaina po o le faaalia foi o o latou lagona e uiga i le aafiaga. Ia manatua, o o latou tomai e faamatala ai se mea e le tutusa ma tomai o se tagata matua. Mo se faataitaiga, e le o se mea e le masani ai ona mafaufau tamaiti o i latou e tuuaia i le tetea o o latou matua. E mafai e matua ona fesoasoani atu i ai e ala i le iloa o mafaufauga ma lagona o tamaiti ona faasa’o lea o se manatu sese o nonofo ma i latou.

Sefulutasi i le Sefuluvalu Tausaga le Matua

O tamaiti o le vaitausaga e 11 i le 18 e ono popole i mea e tutupu i le lotoifale, faaleatunu, po o atunu i fafo. O le tupulaga matutua atu e amata ona latou iloa ua latou uia se suiga mai le nonofo i le aiga i le feagai o i latou lava ma le lalolagi faigata. Atonu latou te lagonaina le lofituina i faalogoga loloto ma lē iloa ai pe faapefea ona talanoa e uiga i ai.

E mafai e matua ona fesoasoani i a latou fanau matutua i le faia faatasi ma i latou o gaoioiga e fiafia i ai a latou fanau, e pei o le gaseseina o se taumafataga o le afiafi, taaalo i le mu, po o ni taaloga. E mafai foi e matua ona talanoaina ni aafiaga luitauina sa latou oo i ai a o talavou i latou. A o faasoa atu e matua o latou manatu ma lagona, o le a lagona e fanau le sili atu ona mafanafana e faasoa atu mea o latou manatu i ai ma o latou lagona. O le faiga lea e atina ae ai le vavalalata faalelagona. E tusa lava pe le iloa gofie le faaalia e le tamaitiiti matua o lona fiafia, ae o le a faalogo lava.

O Mea e Mafai Ona Fai e Matua

O le mea muamua e ao ona iloa e matua, o loo atuatuvale a latou fanau.¹ Atonu e faaalia e tamaiti ni faafitauli o amioga sa le masani ai, e pei o le faaumiumi o le faanoanoa po o le ita, faateleina po o le faaititia o le fiaai, o le lē lelei o se moe, o le lē



ATA NA PUEINA E ADAM C. OLISON

“Sa aoaoina a’u e lo’u tina mai tusitusiga paia e faapea, e mafai ona ou faatuatua i le Tama Faalelagi e tusa lava pe le mafai ona ou vaai ia te Ia. Ina ua uma le mafui, ina ua ou le maua lo’u tina, sa ou iloaina o le a taialaina a’u e le Atua, ma sa Ia faia lava. Ma e ui ina maliu lo’u uso, sa ou iloa lava o le a ou toe vaai ia te ia.”

Anny A., i ni nai masina talu ona mavae atu le mafui e 8.0 le malosi i Peru i le 2007.



“Ou te iloa e talanoa tagata matutua e uiga i mea leaga o le olaga ina ia lapataia ai au ma fesoasoani ai ia ou malamalamama i mea. Ae e fesoasoani foi pe a ou faalogo i mea lelei o le lalolagi faapea ma o latou olaga. E fesoasoani ou te manatua ai le manaia o le olaga.”

Erica M., o lē sa maliliu ni tagata se toalima o lona aiga ma ni ana uo i totonu o le 18 masina ua mavae.




mafai ona gauai atoa atu i se mea, po o se suiga lē lelei sa le masani ai i le aoga. O tamaiti e matutua atu e ono amata ona faia amioga le taupulea e pei o le ola soonafai, faaaoga o fua-laau faasaina, amata ona aafia i feusu-aiga, po o le o ese mai le aiga, uo, ma tulaga faaagafesootai.

E mafai ona e fesoasoani atu i le iloa lea o le auala e fafailele ai lau lava fanau. Mo se faataitaiga, e mafai ona e aoaoina lau fanau, aemaise lava a o laiti, i upu faamatala e faailoa ai lagona latou te lagonaina. O nisi o nei upu e aofia ai le *faanoanoa, ita, le fiafia, fefe, popole*, ma le *atuatuvale*.

Afai e amata ona faaalia ni uiga le mafaufau o lau tama talavou ina ua mavae se tulaga faaletonu, ia e faalogo totoia i ana tala *ma* lagona. E pei foi o lau fanau laiti ifo, ia e fesoasoani i lau tama talavou e faailoa sa'o atu ona lagona. Ma ia e maua le loto malamalamama, ma iloa atonu ua afua nei amioga faalēmafaufau ona o le faaletonu ua tupu.

A o e amataina nei talanoaga ma lau fanau, ia e taumafai e aloese mai le taumafai e ta'u atu o oe e sa'o ma faaali atu le ita, faitio, po o upu faatiga. Ia e iloa le manua po o le tiga o loo lagona e lau tama ma ia faaali atu le agaga malamalamama. E mafai ona



“E sue e lo’u tama le taimi ma te faatasi ai, e masani lava pe a ma faia se au-aunaga mo se isi tagata. Na te faaaluina le taimi e talanoa mai ai i soo se mea e uiga i le olaga. Ma a e tautala, e te lagonaina lava le filemu i totonu.”

Ryan P., o lona tamā sa toeitiiti atoa le tausaga e le'i toe faigaluega.

amata lau faamatalaga i le faapea atu, “Ou te iloa o loo e faanoanoa ona ua oti lau uo. Ou te iloa lelei lava le faigata o lena mea. Ua ou popole ona ua amata ona e inu pia ona o le tau-nuuga o lena tiga.” O le amataina o se talanoaga i se faiga inainā e seāseā oo atu i ni taunuuga lelei.

Faalogo ma se Agaga Malamalamama

O nisi taimi atonu e faaosoosoina ai oe e aloese mai se talanoaga ma se tamaitiiti ua le fiafia. Ae peitai, o le tele o tulaga faapea, o le a le mafai e se tamaitiiti ona taulima ona lagona popole e aunoa ma se fesoasoani. A o e faalogo atu ma se agaga malamalamama a o faamatala e lau fanau o latou popolega, o le a latou lagona le alofaina ma le faamafanafanaina.

O se tasi auala aoga o le faalogo ma se agaga malamalamama e aofia ai lou toe ta'ua o lagona o se tamaitiiti, e mautinoa ai ua e malamalamama ia i latou. Atonu e manaomia lou fesoasoani ia latou iloa o latou lagona. Atonu e te faapea atu, “E pei e te faanoanoa ma atuatuvale pe a ou fesili atu e uiga i lau uo lea ua tetea ona matua.” Faatalitali mo se tali; ona tuu lea i lau tama e faaauau le talanoaga. O tamaiti e matele lava ina talanoa pe a latou manatu o loo latou taulamua i le faiga o se talanoaga.

Fesoasoani i Tamaiti e Faailoa Mai Lagona

E mafai ona faateleina le lagona o le taulamua o se tamaitiiti e ala i le fesoasoani i le tamaitiiti e faailoa mai ni lagona le lelei. E masani lava, a e faalogo ma le agaga malamalamama, o le a mafai e oulu ma lau tama ona iloa le pogai o na lagona. E te ono fesili atu, “Aisea e te manatu ai o ou lagona na?” Faatali mo tali ma faalogo lelei i tali. Atonu e le fai atu i le taimi lava lena.

O nisi taimi e te manaomia ai le manatu palepalealuga i ni tali e ese

"O loo i ai i le lalolagi ni tagata taufaafefe ma leaga. Ae e fesoasoani mai lo'u tama ia ou lagona le fiafia. E valaaau mai o ia i se taimi o le aso ma ta'u mai e alofa ia te a'u."

Ally V., o lona tama o se leoleo.



mai. E mafai ona e fesili pe o a ni auala o le a aafia ai isi tagata o loo ta'ua ai i le tali o loo mafaufau i ai lau tama. Pe mata o le a faaalaoalogia ai lou aiga po o uo i le tali o loo faamoemoeina? Mata e talafeagai? O le a se lagona o le a oo i le tamaititi? Atonu o le a le vave ona maua e le tamaititi se tali i le taimi lena. Ia faamautinoa atu i lau tama e te alofa ia te ia ma e le afaina le le maua o sana tali i le taimi lea.

Tali Atu ma le Faatuatua


A e iloaina mamanu o amioga e le masani ai lau fanau, ona fesoasoani lea ia i latou e faaali atu ma malamalama i o latou manatu ma lagona i totonu o se siosiomaga o le alofa, o le a faapea ona maua e lau fanau se lagona o le malupuipuia ma le saogalemu.

O le mea aupito sili ona taua e mafai ona e faia e atiina ae ai lenei lagona o le malupuipuia ma le saogalemu i totonu o le aiga, o le atiina ae lea i luga o mataupu faavae o le talalelei a Iesu Keriso. E mafai ona e sailia musumusuga mo auala e fesoasoani ai i lau fanau e ala i le anapogi, tatalo, suesue i tusitusiga paia, ma le auai atu i le malumalu. E mafai ona e talanoa i ou taitai perisitua. E mafai foi ona e mafaufau ia maua atu se fesoasoani a tagata tomai faapitoa, e faalagolago lea i le ogaoga o faafitauli.

A e galue ma le faatuatua i le Tama Faalelagi ma Lona Alo, o le a e maua faamanuiaga o le mafanafana ma le lagolagosua. O le a maua e le fanau se fuataga faaopoopo o le mafanafana ma le mausali a o outou ola faatasi i aoaoga a perofeta ma faaauau ai ona ola i tu ma aga e aumai ai le filemu i totonu o le aiga, e pei o tatalo faaleaiga ma tatalo faaletagata lava ia, suseina o tusitusiga paia, ma le tapuai i malumalu. ■

FAAMATALAGA

1. Tagai ia John Gottmann ma Joan DeClaire, *The Heart of Parenting: Raising an Emotionally Intelligent Child* (1997).



O LE FAAVAE O LE FILEMU

"E faapefea ona tatou aumaia lena filemu i olaga o fanau o loo ola ae i taimi faigata ma le le mautonu? . . . O punaoa e sili ona lelei ma aoga o loo maua i totonu o aiga o loo i ai ni matua tuuto faamaoni ma ni uso ma ni tuafafine e felagolagoma'i ma fealofani, ma aoao e le tasi le isi e uiga i o latou natura paia."

Elder M. Russell Ballard o le Korama a Apostolo e Toasefululu, "Great Shall Be the Peace of Thy Children," *Ensign*, Ap. 1994, 60.

FAAMALOLOSIA OTAGATA UA LE TOAAGA MAI

O i tatou uma o e o loo taitai i uarota ma siteki e ao ona tatalaina le faitotoa i mamoe leiloloa; ia faatafa ese ae faaavanoa le auala e o mai ai i latou i totonu.

Saunia e Peresitene Boyd K. Packer

Peresitene o le Korama a Aposetolo e Toasefululua



Gaoioiga—o le avanoa e auauna atu ai ma tuuina atu le molimau—e pei lava o se vailaau. O le a faamaloloina ai le gasegase faaleagaga. O le a faamalosia ai i latou e vaivai faaleagaga. O se vaega e sili ona manaomia i le faaolataga o le mamoe ua leiloa. Peitai o loo i ai se faiga ua matele i ai, ua toeitiit lava o se tulaga ua faapolokalamina, e tuuina atu avanoa mo le tuputupu ae o i latou ua matuai ova gaoioiga ua tuu i ai. O lenei ituaiga mamanu, o loo iloa gofie lava i totonu o a tatou siteki ma uarota, e ono taofia ai i fafo mamoe leiloloa.


A aumai e se faiaoga o aiga se mamoe na leiloa i sauniga, ua na o se amataga lena o lona toe maua mai. O fea tonu se vaega e mafai ona faaaogaina ai o ia mo lona manuia faaleagaga? O le mea moni, e le tele ni avanoa e mafai ona faaaoga ai e se taitai se tagata o loo tauivi mo le agavaa. Ae o le mea e faanoanoa ai, e foliga mai o na avanoa laiti e mafai ona tatou faaaogaina ai i latou—e faia se tatalo, tuuina mai ni tali pupuu, pe tuuina atu

foi se molimau—e toetoe lava o taimi uma ua faasaosao ai mo tagata malolosi i le ekalesia: mo le au peresitene o le siteki, mo le fautua maualuga, mo le au epikopo, mo le peteriaka, mo taitai o ausilali. O le mea moni, o nisi taimi tatou te tau o mamao ai lava e aumai ni failauga ma ni tagata e faatinoina—ae leiloloa ai o tatou tagata o loo matelaina.

I se sauniga faamanatuga sa ou auai talu ai nei, sa valaaulia ai se tuafafine e le malosi lona toalua i le Ekalesia e usu se pese. Peitai, sa i ai lona toalua i le sauniga. Sa manao le epikopo i se polokalama faapitoa lava mo lenei faamoe-moe. O lana faasilasilaga muamua lava o le: “O le uso ia Pai, o lo’u fesoasoani muamua, o le a saunia le tatalo amata.” Sa fai e lona fesoasoani lua le tatalo faaiu.

Sa ou mafaufau faapea, oka se faaletonu. Sa tauivi lava ia alii e totolau o le au epikopo ma se popolega i tagata mama’i faaleagaga, ona fetagofi lea i le vailaau tonu lava o le a manuia ai na tagata—o le auai e faatino—ma sa latou inuina i luma o i latou o loo manaomiaina!

O le a faapea mai nisi tagata: “E ao lava ona tatou faaeteete i tagata vaivai tatou te faatasi. E sili ai le aua nei tofia i latou e tatalo pe tuuina mai foi se molimau, aua o le a fefefe ma mumusu ma o le a toe o ese ai.” O se tala fatu lena mea! O se faamatallaga ua masani ai ma ua taliaina foi, ae o se tala fatu lava! Sa ou fesiligia ni epikopo—le faitau selau o i latou—pe mafai ona latou faamaonia mai se mea faapea na tupu i o latou lava aafiaga faaletagata lava ia. E ititi



lava ni tali e faamaonia ai na ou mauaina—o le mea moni, o na epikopo uma sa na o le taitasi lava pe lua ni faataitaiga na latou tauina mai. O lea la, e tau leai lava se afaina, ae e semanu o se valaaulia faapena e ono oo ai i le toe liuaina o se mamoe na leiloa.

O ni nai tausaga ua mavae, sa ou asiasi atu ai i se siteki sa pulefaamalumalu ai se tamalii e ese le mataalia ma le atamai. O mea uma lava o le konafesi faalesiteki na uma ona faatulagaina. Sa ia faia le mea masani o le fai o tofiga mo tatalo mai le li'o filifilia o le au peresitene o le siteki, o fautua maualuga, o epikopo, ma le peteriaka o le siteki. Sa le'i logoina na uso, o lea na matou suia ai tofiga mai ia i latou o e sa agavaa mo le faamamaluga, ma tuu atu ia i latou sa manaomia—matuai manaomia lava—lea aafiaga.

Sa i ai i le peresitene se faasologa auiliili mo sauniga mo tagata lautele, ma sa ia ta'ua e 20 ni minute i se tasi o sauniga sa le o i ai ni fuafuaga ua faatulagaina ai. Sa ou fai atu ia te ia e mafai ona matou valaaulia nisi e tali mai o e atonu e le maua le avanoa ma o loo manaomia le aafiaga e faamalosia ai. Sa ia teena le fautuaga e faapea ua uma ona ia logoina ni taitai agavaa, iloga, e soona sauni pea mo ni tofiga e saunia ni lauga. “O le a toatele tagata le lolotu e i ai,” o lana tala lea. “Ua matou masani i le faia o se konafesi faatulagaina lelei ma manaia. O loo i ai ni a matou tagata agavaa i le siteki. O le a latou tuua se lagona matagofie i tagata.

Na faalua ona ia toe ta'ua mai i le taimi o le matou sauniga le fuafuaga faatulagaina ma manao lava e tofi "tagata sili ona lelei" o le siteki. "Ae a pe a faasaoina lenei taimi mo e e sili ona manaomiaina?" o la'u tala lea. Sa le manuia lana tali mai, "Ia, o oe o le Pulega Aoao."

O le taeao po o le Aso Sa sa ia faamanatu mai ai o loo lava a le taimi e logo ai se tagata ma faapea ona tuua ai se lagona sili ona lelei.

Sa amataina le sauniga i le taeao e le peresitene o le siteki i se saunoaga momosi ma le faagaeetia. Sa sosoo ai ma le tofia o lona fesoasoani lua. Sa mautinoa lava lona feme-me'i. . . (Sa faailoa atu i ai muamua atonu o le a lauga ia fesoasoani e toalua i le sauniga o le afiafi. Sa tuu matou te o i lona maota matou te toonai ai. Sa ia iloa o le a lava le taimi e tilotilo ai i lana lauga, o lea sa ia tuua ai i le fale.)

Ona o lona manao i lana lauga na tusitusia, sa ia liliu atu ai i se molimau, ma tuuina mai se tala musuia i se faauuga sa ia faia i le gasologa o le vaiaso. O se uso, sa le toe aoga i ai se togafiti a fomai, sa toe faatuina mai i le vanu o le ata o le oti e le mana o le perisitua. Ou te le iloa po o a mea sa tusia i lana lauga, ae e mautinoa lava e le mafaatusalia i le musuia o le molimau sa ia tuuina atu.

Sa saofai se olomatua i le laina nofoa pito i luma, sa uulima ma se toeaina matua. Sa foliga mai na ese ai lava o ia mai le aofia o e sa laei-inna ni laei faaonaponei—e faatauvaa lava i se faatusatusaga. Sa foliga mai e tatau ona lauga o ia i le konafesi, sa tuuina atu i ai le avanoa, ma sa ia faamatala ai e uiga i lana misiona. Ua limasefulu lua tausaga talu ai, sa foi mai ai lana misiona talai, ma talu mai lena taimi e lei valaauliaina lava o ia e lauga i le lotu. Sa avea o se molimau ootia ma le faamomoiloto sa ia tuuina mai.

Sa valaaulia isi e lauga, ma i le tau faaiuga o le sauniga, sa fautua mai ai le peresitene e tatau ona ou faaaogaina le taimi na totoe. "Na e maua se isi musumusuga?" o la'u fesilea. Na fai mai o ia, sa mafaufau pea lava i le pulenuu. (Na filifilia e le au palota o lena

afioaga tele se tagata o le Ekalesia e fai ma pulenuu, ma o lea e auai mai.) Ina ua ou fai atu i ai e mafai ona matou maua se faafeiloiga mai le pulenuu, ae musumusu mai o ia, e le o toaga mai le alii i le Lotu. Ina ua ou fautuaina atu e valaau pea o ia, sa musu, ma faapea mai, sa le agavaa o ia e lauga i lona sauniga. Ae o la'u faatauanau, sa ia valaaufina ai le alii i le pulelaa.

O le tuaa o le pulenuu, o se paionia o le Ekalesia i lona itu. Sa avea o ia ma se epikopo o se tasi o uarota ma sa sosoo ai ma se tasi o ona atalii—ou te manatua, o le uso masaga o le pulenuu. O le pulenuu o le mamoe leiloa. Sa sau o ia i le pulelaa ma saunoa atu, ma sa ou te'i ai, i se lagona tiga ma le inoino. Sa amata lana tautalaga i se vaega faapenei: "Ou te le iloa pe aisea ua outou valaaufina ai a'u. Ou te le iloa pe aisea ua ou sau ai nei i le lotu. Ou te le lotu. E le fetau mo a'u. Ou te le ioe i le faiga o mea a le Ekalesia."


Ou te tautino atu sa amata ona ou popole, ae sa iu ina tu o ia ma punou i luma o le pulelaa. Ma mai i lona taimi seia uma lana tautalaga, e lei toe tepa o ia i luga. Ina ua mavae lona faatuatuai, sa ia faaaauau: "Ou te matea e sili ai ona ta'u atu ia te outou. Ua ono vaiaso talu ona ou le toe ulaula." Ona, faalala lea o lana moto i luga a'e o lona ulu e agai i le aofia, ma faapea atu, "Afai e i ai se tasi o outou e manatu sa faigofie, e te le'i pagatia i le seoli na ou mafatia ai i nai vaiaso ua tuanai atu."

Ona liusuavai ai lea o ia. "Ou te iloa e moni le talalelei," sa ia fai mai ai. "Sa ou iloaina lava e moni. Sa ou aoaoina lona mea mai lo'u tina a o ou laitiiti.

"Ou te iloa e le o faaletonu le Ekalesia," sa ia tautino mai ai. "O a'u lava o loo faaletonu, ma sa ou iloaina lava foi lona mea."

Ona ia saunoa lea, atonu mo mamoe leiloa uma ina ua ia augani: "Ou te iloa o a'u lea e sese, ma ua ou manao ou te toe foi mai. Sa ou taumafai lava ou te toe foi mai, ae tou te lei faatagaina a'u!"

Ioe o le a tatou faatagaina o ia e foi mai, ae



E ao ona tatou aoao e aua le polokaina le auala. O se auala e vaapiapi. O nisi taimi tatou te faia ai le tulaga faavalevalea o le taumafai e toso mai i latou i le faitotoa o loo tatou polokaina.

o se tasi itu tatou te lei ta'uina atu ia te ia lena mea. Ina ua uma le sauniga sa lolofi mai le aofia—e lei o mai ia i matou, ae o ia ma faapea atu, “Afio mai ia!”

A o matou o atu i le malaevaalele ina ua uma le konafesi, sa faapea mai le peresitene o le siteki ia te a'u, “Ua ou aoaoina se lesona i le asō.”

Ma le faamoemoe e faamautu mai, sa ou fai atu ai, “Ana tatou faia le mea na e manao i ai, semanu e te valaaolina le tuaa o lenei alii, a ea, po o lona uso foi, le epikopo?”

Sa lue mai lona ulu e lagolagoina ai ma fai mai: “Soo se isi o i laua, e tuu atu i ai le

5 minute, e tuuina mai se lauga faagaeetia e 15- pe 20-minute e fiafia i ai tagata uma e auai. Ae semanu e leai se mamoe leiloa e toe maua mai.”

O i tatou uma o e taitai i uarota ma siteki e tatau ona tatala atu le faitotoa i mamoe leiloloa; faatafa ese ae faavanoa le auala e o mai ai i latou i totonu. E ao ona tatou aoao e aua le polokaina le auala. O se auala e vaapiapi. O nisi taimi tatou te faia ai le tulaga faavalevalea o le taumafai e toso mai i latou i le faitotoa o loo tatou polokaina. Sei iloga tatou te maua le agaga o le siitia ae o i latou, faamuamua atu i latou i o tatou luma, vaaia ua masi'i a'e i latou i o tatou luga atu, ona faatoa tatou maua lea o lena agaga o le a fatuina ai se molimau.

Ou te mafaufau pe le o le uiga lena o le fetalaga a le Alii ina ua Ia fetalai, “E le aoga le fomai i e malolo, na o e mamai” (Mataio 9:12).

Ou te le o fai atu e tuu i lalo o tatou tulaga faatonuina. O le faafeagai. E tele atu mamoe leiloloa o le a vave tali atu i tulaga faatonuina maualuluga nai lo mamoe leiloloa e tali atu i tulaga faatonuina maualalalo. O loo i ai se fofo aoga i le aoaiga faaleagaga.

O le aoaiga o se foliga o le alofa, o se faaalia o le alofa. E manaomia ma e mamana i olaga o tagata.

A taalo se alualutoto i tafatafa o le auala, tatou te aloalo mamao ese ma le faaeteete mai ia te ia. E itiiti ni tagata e tutu ma avatu o ia i le saogalemu [ma,] afai e tatau ai, aoai o ia. Ia pe afai lena o sa tatou lava tamaititi po o se tama a sau lava tama. Afai tatou te alolofa moni ia i latou, o le a tatou faia. O le taofiofa o se aoaiga e aoga i le tuputupu ae faaleagaga, o le faamaoniga lea o le leai o se alofa ma se popole.

O le aoaiga faaleagaga e faavaaina i le alofa ma faamautuina i le molimau o le a fesoasoani e faaola ai agaga. ■

O se viaga na filifilia mai se saunoaga na tuuina atu i se fonotaga a taitai perisitua i le aso 19 o Fepuari, 1969. E mafai ona maua le savali atoa i le Boyd K. Packer, Let Not Your Heart Be Troubled (1991), 12–21. O sipelaga, faailoga, ma mataitusi tetele ua faalaugatasia.



Saunia e
David M. McConkie
Fesoasoani Muamua i le Au
Peresitene Aoao o le Aoga Sa

Aoao e Faalogo ma Malamalama i le **AGAGA**

*O se tasi o mea e aupito taua e mafai ona tatou faia o le aoao
lea e faalogo ma mulimuli i uunaiga a le Agaga.*

Sa soifua ae lo'u tama i le tau-laga laitiiti o Monticello, Iuta. Ina ua fitu ona tausaga, o se tasi o ana galuega i aso uma o le tulituli mai lea o povi a le aiga mai le fanua sa tataa ai. O lana meatotino na sili ona faapelepele i ai o lana naifi faamoe, lea sa ia feaveaia i taimi uma lava. O se tasi aso ao tietie atu i lana solofanua e tuli mai povi, sa tago ifo i lana taga mo lana naifi faamoe. Sa matuai te'i o ia ina ua iloa ua leiloa i se mea o le auala. Sa matuai faanoanoa o ia, ae sa talitonu i mea sa aoaoina ai o ia e lona tama ma lona tina: E faafogfa ma tali mai le Atua i tatalo.

Sa ia taofi i lana solofanua ma faasee ese mai i lona papatua i le eleele. O iina sa tootuli ai o ia ma ole

atu i le Tama Faalelagi e fesoasoani mai ia te ia e sue lana naifi faamoe. Sa toe oso ae o ia i lana solofanua, liliu, ma toe foi i le auala na ui mai ai. Ina ua tuanai sina vaega mamao o le ala sa tu lana solofanua. Sa oso ese Tama mai le solofanua ma autago i le pefu mafafia o le auala. O iina, sa tanumia ai i le pefu, na maua ai lana naifi faamoe faapelepele. Sa ia iloaina na faafogfa ma tali mai le Alii lana tatalo.

Ona sa ia aoao e faalogo ma gaoioi e tuna ai ma musumusuga a le Agaga, sa faamanuiaina ai lo'u tama e vaai i le aao o le Alii i le tele o mea na tutupu i lona olaga. Sa ia molimauina ni vavega se tele. Ae a ia faapotopotoina lona aiga e aoao mai ia i matou le talalelei, sa masani ona

ia faamatalaina lona aafiaga i le auala pefu i Monticello, ina ua faafogfa ma tali mai le Alii i le tatalo a se "tama-ititi foliga taelagoa e fitu tausaga le matua."

I ni tausaga na mulimuli ane, sa ia faamatalaina mai ai ia i matou sa ia aoaoina se isi mea mai lenei aafiaga a o laitiiti. Sa faaivi lona mata ma fai mai, "Sa ou iloaina ai e mafai e le Atua ona talanoa i solofanua!"

O le aafiaga o lo'u tama a o laitiiti na tuua ai se lagona tumau ia te ia ona o se amataga lea o lona aoaoina patino faaleagaga. O le taimi lea sa ia iloaina ai mo ia lava e faafogfa mai le Atua i talosaga. O le taimi lea sa ia amataina ai, e pei ona ta'ua e le Perofeta o Iosefa Samita, ona *iloa* le Agaga o le Atua.¹



O Le Meaalofa o le Agaga Paia

Sa folafola atu e le Faaola i Ana Aposetolo, a mavae ona Ia tuua i latou, o le a latou fiafia i le meaalofa o le Agaga Paia. Sa Ia fetalai, "A o le Fesoasoani, o le Agaga Paia lea, e auina mai e le Tama i lo'u igoa, o ia lava na te aoao ia te outou i mea uma lava, e faamanatu mai foi o ia ia te outou i mea uma ua ou fai atu ai ia te outou" (Ioane 14:26). Sa faataunuina lenei folafolaga i le aso o le Penetekoso.

E agavaa foi tagata O Le Ekalesia a Iesu Keriso o le Au Paia o Aso e Gata Ai i lenei lava meaalofa. A uma ona papatisoina i tatou, e tuuina mai le meaalofa o le Agaga Paia i o tatou luga i le faaeeina o lima o e ua i ai le pule e fai ai sauniga o le talalelei.

O lenei meaalofa o le aia tatau, pe a tatou agavaa mo lea meaalofa, i le mafutaga faifai pea a le sui lona tolu o le Aigaatua.

O le mafutaga a le Agaga Paia o se tasi o faamanuiaga silisili e mafai ona tatou fiafia ai i le olaga nei. Na saunoa Elder Bruce R. McConkie (1915–85) o le Korama a Apostolo e Toasefululua:

"E ao i alii—ia sili atu i lo mea uma o lenei lalolagi—ona saili mo le taitaiga a le Agaga Paia. E leai se mea e pei lona taua ma le mauaina o le mafutaga ma le Agaga Paia. . . .

"E leai se tau e sili ona maualuga, leai se galuega e sili ona mamafa, leai se tauiviga e sili ona tuga, leai se osigataulaga e maoae atu, pe afai o ia mea uma tatou te maua ai

ma fiafia ai i le meaalofa o le Agaga Paia."²

Na aoao mai le Perofeta o Iosefa Samita, o le Agaga o le Atua e mafai ona aoaoina ma "o le aoaoina o le Agaga o le Atua ma malamalama i ai, o le a outou ola ai i le mataupu faavae o faaaliga, seia oo ina faaatoatoaina outou ia Iesu Keriso."³

O se tasi o mea aupito taua e mafai ona tatou faia o le *iloa* le Agaga o le Atua—aoao e faalogo ma mulimuli i uunaiga a le Agaga. Afai tatou te mananaao i ai ma tatou agavaa, o le a aoaoina i tatou e le Alii i le mataupu faavae o faaaliga.

Aoao e Faalogo ma Faatino

Ina ia iloa le Agaga o le Atua, e tatau ona aoao e faalogo ma o tatou



SIAKI LE PA'U

Saunia e Andrew M. Wright

Ina ua 15 o'u tausaga, sa o ai le matou aiga i se tafaoga mai lo matou aiga i Arisona e agai atu i le lunaite Setete Tutotonu. E tele setete sa matou ui atu ai, e aofia ai ma Kansas, Texas, Arkansas, Misuri, ma Illinois.

Sa lelei lava le aluga o le matou tafaoga. Sa matou aoao e fiafia i le fegalegalei o le tasi ma le isi i le taimi umi e alu ai le veni mai le tasi nofoaga i le isi.

A o matou afe atu i se faleaiga i se tasi afiafi, sa matou naunau lava e maua sina meaai. A o matou feosofi ese mai le veni, sa faafuasei ona ou

maua se musumusuga filemu ae malosi na faapea mai ai ou te tilotilo i le pa'u pito i tua o le matou veni. Sa amata ona ou savali atu i le faleaiga, ae sa le mafai ona ou aveesea le lagona. Sa ou tepa mai i tua ona ou tu lea. Sa oo mai le musumusuga i lo'u mafaufau: "Siaki le pa'u pito i tua." Sa matuai malosi lava na faapea ona le mafai ai ona ou le amanaiaina.

Sa ou alu atu i le itu i tua o le veni faalogoina ai se leo pasi. E sa'o lava, sa liki le matou pa'u o le itu taumatau pito i tua, ma sa vave lava ona vaivai. Sa ou tamoe e aumai lo'u

tama, le la ua oo i totonu o le faleaiga faatasi ma le matou aiga atoa.

Sa ave e lo'u tama le veni i le pamu penisini e le mamao ese atu, a o lei papaoia le pa'u. Talu ai ona sa le'i leaga le pa'u, o lea sa le taugata ai ma sa vave foi ona lipea. Ma sa mafai ona matou toe faaleleia le pa i ni nai minute a o lei tapunia le pamu mo le po. Ou te le iloa se mea e ono tupu pe ana faapea ou te le amanaiaina le musumusuga. Ae ou te iloa ona sa ou tali atu i ai, sa mafai ai ona faaaauau la matou faigamalaga ma le saogalemu ma le faigofie.

loto. Na saunoa Peresitene Boyd K. Packer, Peresitene o le Korama a Aposetolo e Toasefululu: "O le siufogoa o le Agaga o se leo filemu ma le itiiti—o se leo e *lagonaina* nai lo le faalogoina. O se leo faaleagaga e oo mai i le mafaufau e pei o se mafaufau ua tuu i lou loto."⁴

Na aoao mai foi Peresitene Packer: "O musumusuga e faigofie ona oo mai i nofoaga filemu. O upu e pei o le *filemu*, *mālu*, *toofilemu*, *Fesoasoani* o loo ta'ua soo i tuisusiga paia: 'Ina soia, ma ia outou iloa o a'u lava o le Atua.' (Salamo 46:10; ua faaopoopo le faatusilima.) Ma le folafolaga, 'O le a e maua foi lo'u Agaga, o le Agaga Paia, o le Fesoasoani lea, o lē o le a aoaoina oe i mataupu tau le *filemu* o le malo.' (MFF 36:2; ua faaopoopo le faatusilima.)"

Sa faaopoopo mai Peresitene Packer: "A o tatou valaaulia lenei

fesootaiga, e *le* mafai lava ona *faamlosia!* Afai tatou te *taumafai* e *faamlosi*, e ono *faaseseina* ai i tatou."⁵

O le mea e aupito sili ona taua i la tatou *faagasologa* o le *aoaoina*, o lo tatou *tiutetauave* o le *faatino*, e *aunoa* ma le *faatuai*, e *tusa* ai ma le *uunaiga faaleagaga* tatou te *maua*. Na saunoa Peresitene Thomas S. Monson: "Tatou te *mata'itu*. Tatou te *faatalitali*. Tatou te *faalogologo* mo *lena* *leo* *itiiti* ma le *lemu*. A *tautala* mai, e *usiusitai* alii ma *tamaitai* *popoto*. E le *tatau* ona *tolopoina* *uunaiga* a le *Agaga*."⁶

O le aoao e *faalogo* ma *malamalama* i le *Agaga* o se *faagasologa* *faifaimalie* ma *faifai* *pea*. Na *fetalai* le *Faaola*, "O lē *talialoi* foi le *malamalama*, ma *tumau* *pea* i le *Atua*, e *faateleina* atu i ai le *malamalama*; ma e *tuputupu* *pea* le *pupula* o *lea* *malamalama* *seia* oo mai le *aso* e *atoatoa*

ona lelei" (MFF 50:24). "O lē *talialoi* ou te *foai atili* ai ia te ia" (2 Nifae 28:30).

E pei foi o Keriso "na le *maua* e ia i le *atoatoaga muamua*, a e na *maua* *lea* *amioga mama* *ma* *lea* *amioga mama*" (MFF 93:12), o lea foi la, a o tatou *tausia Ana poloaiga*, o le a tatou "maua *lea* *amioga mama* *ma* *lea* *amioga mama*" (MFF 93:20; tagai foi i le Ioane 1:16) ma le "upu ma le upu, o le *fuaiupu* *ma* le *fuaiupu*" (2 Nifae 28:30). O le *faagasologa* o lo tatou *aoaoina* e *masani* lava ona *faifaimalie* e pei o le *totō ifo* o le sau mai le *lagi* (tagai MFF 121:45; 128:19).

Na aoao mai Elder Richard G. Scott o le Korama a Aposetolo e Toasefululu "e leai se isi *fuafaatatau* *faigofie* po o se *faiga* [tatou] te *vave* *maua* ai le *tomai* e *taitaiina* ai e le *leo* o le *Agaga*." Nai lo *lena*, "ua *faamoe-moe* mai lo tatou *Tama Faalelagi*



Talu mai lena mea na tupu, o taimi uma lava ou te lagona ai le toafilemu i le mana o le Agaga Paia ma le faamanuaina moni

o i tatou o ni tagata o le Ekalesia e maua lena laina faapitoa o fesootaiga. Ou te faafetai mo lena aafiaga, aua o le a ou manatuaina pea, e faavavau

ona faamanatu mai ai ia te au e alofa, popole, ma tausia e lo tatou Tama oi le Lagi ia Ana fanau uma.

ia [tatou] aoaoina le auala tatou te maua ai lena fesoasoani faalelagi, e ala i le faaaoga o le faatuatua ia te Ia ma Lona Alo, o Iesu Keriso.”

Sa faauau le saunoaga a Elder Scott: “O se mea atonu na foliga muamua mai o se galuega lofituina, o le a matua faigofie lava ona taulima pe a mavae se taimi, a o e taumafai pea e le aunoa ia iloa ma mulimuli i lagona e uunaia e le Agaga. O lou talitonu maua’i i le taitaiga e te maua mai i le Agaga Paia, o le a malosi atu foi,” ma “o lou talitonu maua’i i uunaiga e te maua, e mafai ona mautinoa atili nai lo lou faalagolago i mea e te vaai pe faalogo foi i ai.”⁷

O se vaega o le faagasologa o lo tatou a’otauina, o le a fesoasoani ai le Alii ia tatou iloa taunuuga, i o tatou lava olaga ma olaga o isi, o lo tatou tali atu i uunaiga tatou te maua mai le Agaga. O nei aafiaga

o le a faamalolosia ai o tatou faatuatua ma tuuina mai ai ia i tatou le lototele sili atu e usitai ai i le lumanaai.

O le aoao e faalogo ma malamalamai le Agaga e manaomia ai se taumafaiga tele. Ae ua folafola mai e le Alii o e faamaoni o le a “maua lea faaaliga ma lea faaaliga, o lea poto ma lea poto, ina ia [mafai ona latou] iloa mea lilo atoa ma mataupu tau le filemu—e aumaia le olioli, e aumaia foi le ola faavavau” (MFF 42:61). ■

FAAMATALAGA


1. Tagai i le *Aoaoga a Peresitene o le Ekalesia: Iosefa Samita* [2007], 139.)
2. Bruce R. McConkie, *A New Witness for the Articles of Faith* (1985), 253.
3. *Aoaoga: Iosefa Samita*, 139.
4. Boyd K. Packer, “O Laulaufaiva Afi Peiseai Ua Vaevaeina,” *Liahona*, Julai 2000, 10.
5. Boyd K. Packer, “O Le Faaloalo Na te Valaaulia Faaaliga,” *Liahona*, Nov. 1992, 25.
6. Thomas S. Monson, “O Le Agaga E Ola Ai,” *Liahona*, Juni 1997, 8.
7. Richard G. Scott, “Ia Maua le Taitaiga Faaleagaga,” *Liahona*, Nov. 2009, 6–7.



O SE AVANOA MA SE TIUTE

“Afai e te manao i le finagalo ma le agaga o le Atua . . . , e te maua, e tutusa lava lou tofi faatasi ma soo se tasi lava o le Ekalesia ma le Malo o le Atua. O lou tofi ma le tiute o le ola ina ia e iloa pe a fetalai mai le upu a le Atua ia te oe, ma pe a faaali mai le finagalo o le Atua ia te oe. Ou te faapea atu o lou tiute le ola ina ia e iloa ma malamalama i na mea uma.”

Peresitene Polika laga (1801–77), Aoaoga a Peresitene o le Ekalesia: Polika laga (1997), 68.



Faaaliga

O LEA MATAUA MA LEA MATAUA

Sa tilotilo ma le totoa Luis Andres Varela a o faaputupu ni mataua i le siusiu o se faaputuga vai ua malo ma laumiumi na tautau ifo i totonus o Ana o Taulape i Honotura. O mataua taitasi ua tupu ai le faaputuga vai malo, o sia mataua ma sia mataua.

Ae e tele atu se mea na vaaia e Luis nai lo na o se faaputuga vai ua malo ma laumiumi—na ia vaaia ai se lesona ia te ia lava.

“O faaputuga vai ua malo e tupu i lea mataua ma lea mataua,” o lana tala lea. “E faapena foi ona tupu a tatou molimau. E aoao mai i tatou e le Agaga Paia i sia mea itiiti ma sia mea itiiti. E fesoasoani mataua taitasi e tele ai lo tatou malamalamā i le talalelei.”

(Tagai 2 Nifae 28:30.)

E manatua e Luis se mea faapena na tupu i lona olaga. I se tasi aso a o fai tau tusitusiga paia a lona aiga, sa ia maua se lagona malū, ma le mautinoa


e moni mea sa ia fai tauina.

“E na o le 14 ou tausaga, ae ou te iloa ua ou maua se faaaliga ona sa ou lagonaina na ta’u mai e le Agaga Paia ia te au e moni le Ekalesia ma o Iosefa Samita o se perofeta,” o lana tala lea. “Atonu e le tele se mea ua ou maua ina—o loo avea lava a’u ma se mataua itiiti ua malo—ae afai ou te faia le mea e tatau ona ou faia ina ia mafai ona ou maua ai faaaliga, o le a tuputupu ae lo’u iloa ma la’u molimau.”

Fai mai Luis o le alu i le lotu, auai i le seminare, suesue i tusitusiga paia, ma le anapogi ma le tatalo o ia mea uma o le a saunia ai i tatou e maua “lea faaaliga ma lea faaaliga” (MFF 42:61).

“Afai ou te faia nei mea,” na ia fai mai ai, “o le a mafai ona faalauteleina lo’u faatuatua, e pei lava o na mataua ua malo ma feilafi, mai iinei e oo i le lagi.” ■

LUGA: ATA PU'E © PHOTONONSTOP/SUPERSTOCK; TAUMATAU: ATA NA PU'EINA E ADAM C. OLSON



“Ou te tuuina atu i le fanauga a tagata le upu ma le upu, o le fuaiupu ma le fuaiupu, o sina mea itiiti iinei ma sina mea itiiti iina; amuia foi i latou o e faalogo i a'u upu, . . . aua latou te aoao i le poto; aua foi o lē talia ou te foai atili ai ia te ia” (2 Nifae 28:30).



Faaaliga

LILIGI IFO MAI LE LAGI

Ole malosi o le pisi e susū pala ai i latou e latalata tele atu i le Afu o Pulapanasako i Honotura. Ae e le afaina lea ia José Santiago Castillo. Fai mai José, o le vai e liligi ifo e tusa ia ma se folafolaga sa taua ia te ia talu ona mua'i tali mai le Tama Faalelagi i ana talosaga e uiga i le talalelei.

“Afaí tatou te fia maua le poto, e mafai ona tatou ole atu,” na fai mai ai José (tagai Iakopo 1:5). “E pei foi ona le mafai e se tagata ona taofi lenei vai, na folafola mai e le Alii o le a Ia liligi mai le malamalamā i luga o le Au Paia.” (Tagai MFF 121:33.)

O le aafiaga o José i le Ekalesia ua aoaoina ai o ia, o se molimau e tuputupu ae i lea mataupu ma lea mataupu, ae e le faapea ai e tatau ona faifai lemu. O loo i ai le anoanoai o faaaliga o loo avanoa.

Na aoao mai le Perofeta o Iosefa Samita, “O le Atua e na te le faaalia se mea ia Iosefa, ae o mea o le a Ia faailoa atu i le Toasefululua, ma e oo lava i


se aupito itiiti o le Au Paia e mafai ona ia iloa mea uma i le vave na te mafai ai ona talia ia mea.”¹

“Ae ou te le'i papatiso, sa ou ole atu i le Tama Faalelagi e faamautinoa mai e moni mea sa Ia faaalia mai ia te au: o le Tusi a Mamona, o le Upu o le Poto, ma le sefuluai,” o le tala lea a José, o loo avea nei ma se peresitene o le korama a le au toeaina. “O le ole atu ia te Ia o le auala lena tatou te maua ai tali.” (Tagai Mose 1:18.)

Ae peitai, e ao ona saunia i tatou lava ia maua faaaliga. “Afaí tatou te fia susū, e tatau ona tatou o i totonu o le vai,” o le tala lea a José. “Afaí tatou te mananao i ni faaaliga, e tatau ona tatou o i le mea o le a maua mai ai faaaliga. E tatau ona tatou i ai i le nofoaga e tatau ona tatou i ai, fai le mea e tatau ona tatou faia. E tele mea tatou te aoaoina pe afai tatou te maelega.” (Tagai 1 Nifae 15:8–11.) ■

FAAMATALAGA

1. *Aoaoga a Peresitene o le Ekalesia: Iosefa Samita* (2007), 286.



“E tusa lava pe ana faaloa atu e le tagata lona lima vaivai e taofi a'i le vaitafe o Misuri mai lona ala faatonuina, pe toe faafou a'e lona tafe, pe ana ia taumafai e taofia Le Silisili ese mai le liligiina ifo o le malamalama mai le lagi i luga o le Au Paia o Aso e Gata Ai” (MFF 121:33).

*I le avea ai ma leoleo mamoe
fesoasoani a le Faaola, ua ia i
tatou le tiutetauave e “aapa atu
ma laveai mai i latou ua o ese
mai le ala.”*

O LE LEILOA MA TOE MAUA

Le mataupu e 15 o le Tusi a Luka, o loo faaaoga ai e le Faaola ni faataoto se tolu e aoao mai ai le taua o se agaga, o loo faaali mai ai le ala e saili ma *toe faafoi* mai ai le mea na leiloa i le lafu o le faatuatua ma le aiga.

I nei faataoto, o le mamoe na se, o le tupe na leiloa, ma le atalii faamaumau oa sa faamaumauina lona tofi i le ola soonafai. Ae sa saili e le leoleo mamoe le vaomatau, sa salu e le fafine le fale, ma sa vaavaai atu le tamā loto faamagalo mo le toe foi mai o lona atalii, ma na leva ona faatalitali atu ma se opo ma se faafeiloaiga fiafia ma le manaia i le aiga.

O faataoto a le Faaola—ma ata tusi e tolu a taitai o le Ekalesia o loo mulimuli mai ai—e faamanatu mai ai ia i tatou, o le avea ai o i tatou ma Ana leoleo mamoe fesoasoani, ua ia i tatou le tiutetauave e “aapa atu ma laveai mai i latou o e ua paau ese mai le ala, ina ia leai se agaga faapelepele e tasi e leiloa”¹

FAAMATALAGA

1. Thomas S. Monson, “Ia e Tu i le Tulaga na Tofi Oe I Ai,” *Liahona*, Me 2003, 57.

LAVEAI LE TAMĀ / MAMOE NA LEILOA, NA SAUNIA E MINERVA K. TEICHERT; ATA NA TUSIA E ROBERT A. MCKAY



Laveaiina o Tamai Mamoe ua Leiloloa

Saunia e Elder Donald J. Keyes

Fitugafulu Eria, Eria a luta i Matu



Itausaga ua mavae i le amataga o le tau-totogo, sa ma maua ai ma lo'u toalua se avanoa e tietie atu ai e ui atu i le Star Valley matagofie, Wyoming, ISA. O se taeao manaia lava o le tau-totogo, ma o ona laufanua ma vaaiga sa matuai faagaeetia loto lava.

Ina ua ma oo atu ma Jackie i Star Valley, sa ma fafia ina ua ma vaaia se lafu mamoe e seāseā vaaia sa taape solo mai ni mamoe pepe. E itiit lava ni mea e sili atu ona mataina nai lo o se mamoe pepe. A o ma tietie atu i le auala pisi, sa ma vaaia ai se tamai mamoe i fafo o le pa na latalata i le auala. Sa fetamo'ea'i solo ma le le mautonu agai i le pa, e taumafai e toe foi atu i le lafu. Ou te matea ona o le laitiiti o lenei tamai mamoe na mafai ai ona faavāvā mai i se avanoa o le pa, ae o lea ua le mafai ona toe foi atu.

Sa ou talitonu ana faapea ma te le tutu e laveai lena tamai mamoe, semanu e iu lava ina savalivali atu i le auala na lata ane ma lavea ai pe mate ai foi. Sa ou taofia le taavale ma faapea atu ia Jackie ma le matou au malaga sa i le nofoa pito i tua, "Faatali atu iinei; o le a na o sina minute lava."

Sa ou faapea e aunoa ma so'u iloa tulituli mamoe, 'ai o le a fafia le tamai mamoe atuatuvale i le vaai mai

ia te a'u; ae maise, sa matuai lelei lava o'u faanaunauga. Sa ou alu e laveai lona ola!

Ae o le mea na ou faanoanoa ai, sa fefe le tamai mamoe ma sa matuai le fafia i a'u taumafaiga e laveai o ia. Ina ua ou lata atu i ai, sa alu i le atoasi mea i le pa. O le vaai mai o Jackie i lo'u faafitauli, sa sau ai e fesoasoani mai ia te a'u. Ae e oo foi ia i ma'uua e toalua sa le mafai ona ma tulia le tamai mamoe saoasaoa.

O le taimi lea, o le ulugalii sa i le nofoa pito i tua, o e sa fafia foi e matamata mai i le tuligasi'a sa faia, sa o mai ma auai i le taumafaiga e laveai le tamai mamoe. O a matou taumafaiga fai faatasi na iu ai ina matou sisioina le tamai mamoe ua fefe agai i le pa. A o ou aapa ifo e sii mai o ia i o'u lavalava mamā, sa vave ona ou matauina sa matuai manogi o ia mai le mea sa suasua ai. O le taimi lena sa amata ai ona ou mafaufau, pe sa aoga moni ea lenei taumafaiga?

A o matou sii ae le tamai mamoe ma tuu atu i totolu o le pa ma le saogalemu, sa tauivi ma feaa ona vae ma lona malosi atoa. Ae sa lei umi ae ona maua lona tina ma pipii atu ma le saogalemu i ona tafatafa. E ui ina sa maanuminumi o matou lavalava, ae sa matou lagona le matuai faamalieina ma toofilemu i lo matou faia o le filifiliga sa'o, ona matou toe malaga ai lea.

Sa ou tomanatu i lena aafiaga mo ni taimi talu mai ona tupu. Sa ou mafaufau pe o le a tatou tuuina atu lena ituaiga o taumafaiga e laveai ai se tuaoi e le talisapaiaina, pe le



toaaga i le ekalesia. Ou te faamoemoe lava o le a faapena! "E le sili lava ea le tagata i le mamoe?" na fesili ai le Faafola (Mataio 12:12). I paranesi, uarota, ma siteki uma lava, o loo i ai ni tamai mamoe ua leiloloa ma e foliga mai o le a le toe maua mai.

O le suia o le upu *galue* i le *laveai* i le viiga "Ua Ou Faia Ea se Lelei" Ou te valaaulia ai outou ia mafaufau i lona faaaogaina e laveai ai tamai mamoe ua leiloloa:

*E tele o avanoa e laveai ai,
Avanoa tau le sailia.
Aua le faamelea, fai mai, "Se'i
taumafai,"
Ae alu loa ma e fai.*¹

E ono foliga mai e le talisapaia, matatau, pe le mananao foi o tatou tuaoi i le laveaiina o i latou. Ma o a tatou taumafaiga e laveai i latou e ono umi se taimi, taumafaiga, malosi, lagolago ma le fesoasoani a isi e manaomia ai. Ae o lenei taumafaiga o le a tauia i faamanuiaga e faavavau. E pei ona folafola mai e le Alii, afai tatou te aumaia "tau lava o se agaga e toatas i ia te [Ia], faauta i le tele o lo [tatou] olioli faatasi ma ia i le malo o lo [tatou] Tama" (MFF 18:15).

FAAMATALAGA

1. Tagai "Ua Ou Faia Ea se Lelei?" Viiga, nu. 136.



E NA TE LE'I TUULAFOAIINA LAVA AU

Saunia e Sonya Konstans

Ina ua ou liliu mai i le Ekalesia i le 1990, sa faaaumeaina au e ni aiga lelei, na maua so'u valaauga, ma sa lagona le taliaina o a'u. Ae, i se tausaga mulimuli ane, ina ua ou siitia atu i se uarota fou, sa amata ona ou faapeapea atu. Na ou le toe lotu ma amata ona ou tafao faamasani i se alii e le auai i le Ekalesia.

Sa ou talitonu pea e moni le Ekalesia. Sa na o lo'u mafaufau lava ou te le o toe agavaa. Ona tofia lea o Kathy e avea ma ou' faiaoga asiasi.

Sa valaau mai Kathy i masina uma mo ni nai masina muamua e faatulaga se taimi o se feiloaiga. Ona e tele lava ina ou 'alo mai ana asiasiga, o lea na ia amata ai ona lafo mai ia te au le Savali a Faiaoga Asiasi. O masina uma e taunu mai ai le savali e pei o se tulaga e masani lelei ai. Na tumau pea lea tulaga mo le fatusaga, e oo lava ina ua uma ona ma faaipoipo ma la'u uo ma maua se ma fanau e toalua.

O nisi o masina ou te tia'ia ai le savali e aunoa ma le faitauina; o isi masina ou

Faatinoina le Agaalofa

Saunia e Elder Robert D. Hales

O Le Korama a Aposetolo e Toasefululua



Le faataoto i le mamoe na leiloa, na alu le leoleo mamoe ma saili le mamoe lea na leiloa seia iu ina maua. Na ia toe foi mai, ua fafia (tagai i le Luka 15:4-7).

I le faataoto o le tupe na leiloa, na tutu e le fafine ua oti lana tane le afi,

te faiatou i ai ona tia'i lea. Ona oo lea i se tasi aso, ua tia'i a'u e lo'u toalua. Ina ua ou iloa ua na o a'u ma se tamaitiiti laitiiti ma se pepe e tausia toatas, na vave ai lava ona ou manaomia ni tali. Ina ua toe taunu mai le Savali a Fai-aoga Asiasi faalemasina, sa tonu loa ou te toe alu i le lotu mo se taimi muamua talu mai le tele o tausaga.

Sa ou lagonaina le maasiasi, sa pei o tusia a'u agasala uma i le lima o lo'u ofu. Sa faafeiloai a'u e se uso na ou masani i ai mai le polokalama a le autalavou matutua nofofua, ma na matou nonofo faatasi. Na faafuasei lava ona sau Kathy. Sa ou tilotilo ese, ma le mā ona ou te le'i taliina se tasi o ana tusi agalelei. Na ataata mai o ia ia te au, talatalanoa ma lo'u tuaoi mo sina taimi, ona nonofo lea ma lona toalua.

Ina ua ou taunu i le fale mai le galuega i le aso na sosoo ai, sa i ai se savali i le masini tali telefoni mai ia Kathy. Na le mafai ona ou toe valaau ia te ia. Na ou iloa lava o loo ia fia ta'u maia ia te a'u le le tatau ona ou toe alu i le lotu, ua matua maoae tele a'u agasala. Sa le'i lelei la'u faalogoga i le

tau ta'u mai e Kathy o lenei savali ia te a'u, ae na ou iloa e sa'o. Sa leai so'u nofoaga faatasi ma le au amiotonu. Na le mafai ona ou toe valaau ia te ia, ae o le afiafi na sosoo ai na ia toe valaau mai ai ia te a'u.

"Ou te fia faatoese atu," o lana tala lea.

Aisea na tau faatoese mai ai Kathy ia te a'u?

"Ou te le'i iloaina oe ina ua ou vaai ia te oe i le lotu i le Aso Sa," o lana tala mai lea. "Ina ua uma le sauniga faamanatuga, sa ou fesili i le uso na lula nonofo faatasi po o ai oe. O le taimi lena ua leva ona e alu. Oka se manaia i le toe vaai atu ia te oe."

Sa ou le magagana.

"Talosia e mafai ona tatou nonofo faatasi i le isi taimi e te sau ai i le lotu," o le faaopoopo mai lea a Kathy.

"Ou te fia mana'o ai," o la'u tala lea, ma faafuasei lava ona ufitia i se lagona faagaeetia.

Na matou nonofo faatasi i le Aso Sa na sosoo ai—ma, mo le tele o Aso Sa mulimuli ane. Sa avea o ia ma uunaiga ia te a'u ina ia avea o se tina sili atu, o se tagata o le Ekalesia sili atu, ma se

ma maua ai le malamalama, ma sa tafitafi tulimanu uma ina ia maua le tipe. Na olioli o ia ina ua maua (tagai i le Luka 15:8–10).

O nei faataoto uma e lua, o ni faataitaiga o ni faatinoga na faia mo se sailiga, faamalamalamaina o le pogisa, ma tafitafi ai seja maua ma toe faafoi mai i se aiga ua olioli, le oloa taua po o se agaga na leiloa ae ua toe maua.

O se faataitaiga lelei lava o le agaalofa ma le auauna atu ma le faia o se eseesega o le faataitaiga lea a Don ma Marian Summers. A o galuue i Egelani, sa talosagaina i laua e auauna atu i le Paranesi o Swindon i

le ono masina mulimuli o le la misiona ina ia aoao atu ma fesoasoani i le faatoagaina mai o tagata o le ekalesia. Mo le 80 tausaga na avea ai Swindon ma paranesi o ni nai tagata faamaoni ma le toatele o isi tagata lelei o le paranesi ua amata ona le toaaga mai.

Na tusia e Don ma Marian faapea: "O le ma asiasiga muamua lava i le Paranesi a Swindon sa fai sina faavaivai loto a o ma feiloai atu i le Au Paia i le potu totogi faafafia malulu. O le aofaiga o le aulotu e 17, e aofia ai ma Peresitene ma Tuafafine Hales ma faifeautalai e toa 4. A o ofuina pea o matou ofu mafanafana,



faiaoga asiasi sili atu. E na te faalogo pea lava pea ma le onosai, e aunoa ma le faamasino atu, e pei lava ona ou lagonaina e faapena le Faaola.

Na saofai Kathy i o'u autafa i le aso na maua ai o'u faaeega paia ma le aso na ou faaipoipo atu ai i lo'u toalua fou i le malumalu. Sa faaauau pea ona avea o ia ma o'u faiaoga asi-asi seja oo i le taimi na matou siitia ese ai mai le eria. O ana auaunaga na faamanuiaina ai lo'u aiga i auala ou te mautinoa e na te le'i mafafau-fauina—ona e na te le'i tuulafoaiina lava a'u.



AGAGA IA LAVEA'IA

"I lau savaliga i le ala o le olaga o le a e matauina ai e le na o oe le tagata malaga. O loo i ai nisi latou te manaomia lau fesoasoani. O loo i ai vae ua tautevateva, o lima e ao ona uu mai, o mafafau ia faamalolosia, o loto ua musuia, ma agaga ia laveai'a."

Peresitene Thomas S. Monson, "Le Faavae Malosi," *Liahona*, Nov. 2006, 68.



na matou faapupuu faataamilo i se tamai masini faamafanafana, e le lava, a o matou faalogologo atu i le lesona o le Aoga Sa."

Na faaauau le tusi: "Sa sau se tagata o le paranesi ia te au i se tasi aso: 'Elder Summers, e mafai ona ou tuuina atu ia te oe sina fautuaga? Aua lava ne'i e ta'ua le upu *sefuluai* i le au paia a Swindon; latou te le talitonu i ai, na pau le mea o le a e faia o le faaitaina o i latou."

Fai mai Brother Summers: "Na matou aoao atu i ai le sefuluai ma isi mataupu faavae uma o le talalelei. Faatasi ai ma le faataitaiga ma le faamalosiau a le peresitene o le paranesi, sa i ai se suiga o le loto, ma na amata ona faateleina le faatuatua ma le faatinoga. Na uma lelei ona faafou ia pepa faamaumau a o matou asia uma fale o tagata o le eklesia. Ina ua amata ona popole alofa ia taitai, na amata ona tali mai tagata o le eklesia, ma na ulufia le paranesi e se agaga fou. Na amata ona toe fiafia tagata i le talalelei ma fesoasoani le tasi i le isi. . . .

"Na faigata i se ulugalii talavou ona faia ni suiga ona e ese a latou aga masani, uiga, ma laei. La te le'i fiafia i le fautuaina atu o ni suiga. Na tusi faalua atu le ulugalii i le epikopo [ona sa avea ma uarota i lena taimi] ma talosagaina le aveesea o o la igoa

mai pepa faamaumau a le Eklesia. I le la tusi mulimuli na la faasaina ai ona toe asia i laua e soo se tasi o le au paia, ma o lea na [matou] o ai i le faleoloa e faatau ai fugalaau ma faatau mai se laau matagofie o le italia ma auina atu i le ulugalii talavou. Ma ni nai faaupuga faigofie: '*Matou te alolofa ia te oulua, ua matou misia lava oulua, matou te manaomia oulua. Faamolemole toe foi mai.*' Sainia, e le Uarota a Swindon.

"O le Aso Sa na sosoo ai, o le sauniga anapogi ma molimau ma o le ma Aso Sa mulimuli lea i Swindon. Sa auai tagata e 103, e faatusa lea i le 17 na i ai i masina e ono ua mavae atu. Sa i ai iina le ulugalii talavou, ma i le tuuina atu o le molimau [a le tamaloa], na ia faafetai ai i le Uarota a Swindon i le le tuulafoaiina o i laua."

E tofu uma lava i tatou ma ni aa-fiaga faapenei i totolu o o tatou uarota ma paranesi i le lotoifale e ala i le galulue ma alolofa atu ia i latou o e le toaaga mai. O se fiafiaga le tuuina atu o le "alofa, ma ia faatatau" (Iuta 1:22) ia i latou o e ua sauni ina ia mauaina i latou lava ma toe fia foi mai.

Mai le "Some Have Compassion, Making a Difference," Ensign, Me 1987, 77; faalaugatasia le sipelaga.

Faafeiloaia o le Faamaumau Oa

Saunia e Elder Spencer J. Condie

Na avea o se tasi o Fitugafulu mai le 1989 i le 2010



O le faataoto i le atalii faamaumau oa ua faaalia matilatila ai tulaga eseese o uiga faatagata. Muamua,

o loo i ai le atalii faamaumau oa manatu faapitoa e le popole i soo se tasi po o soo se mea ae na o ia lava. Ae ui i lea, ina ua uma le olaga soona fai na iloa ai e ia lava ia "o le amioleaga e le o le fiafia lea" [Alema 41:10], ona "atamai ai lea o ia" (Luka 15:17). Na iu ina ia iloaina lona tama, ma ia naunau ai ina ia toe faatasia ma lona tama.

Na suia lona faamaualuga, manatu faapito i le lotomaualalo ma le loto nutimomoia ma le agaga salamo a o ia ta'uta'u atu i lona tama: "Ua ou agasala i Le o i le lagi, atoa ma ou luma, ua ou le toe aoga ona taua o lou atalii" (Luka 15:21). Ua mavae uiga faasausili faatamaitiiti, manatu faapito faatamaitiiti, ma le sailia pea o le faamalieoto, a ua suitulaga nei i se uiga ua fotua'i mai o le faia pea o le lelei. I le taimi nei, afai o loo tatou faamaoni a'ia'i ia i tatou lava, o le a tatou ta'uta'u atu o loo i ai sina vaega o le atalii faamaumau oa i totolu o i tatou taitoatasati.

Ona i ai lea o le tāma. Atonu e faitioina o ia e nisi i le soona tuusamoto o le taliaina o le talosaga a le uii ina ia "aumai ia te au lo'u tofi o le oa" (Luka 15:12). E le faapea e le'i lagolina e le tama i le faataoto le mataupu faavae paia o le faiitalia e filifili le mea tonu ma le saolotoga o fililiga, o se mataupu faavae lea na tau ai le Taua i le Lagi i le muai olaga. E le'i i ai sona faamoeoe e faamalosia lona atalii ina ia usitai.

Ae le'i faavaivai lava lenei tama alofa i lona atalii le usiusitai, ma na faamaonia le le faaitiitia o lona mataalia i le faamatalaga faamomoi loto ina "ua iloa mamao atu foi, [le atalii] e lona tama . . . ona mutimutivale lea o lona alofa, ua momoe atu ia,



VAAIA MA FAFAGA LE LAFU

"O lo tatou
tiutetauave
le vaia ma
fafaga le

lafu, aua e ao ona sailia mai
nei mamoe faapelepele, ma
nei tamai mamoe mu'am'u'a
i soo se mea-i fale o o tatou
lava aiga, o fale o o tatou aiga
lautele, ma o loo faatalitali mai
mo i tatou i o tatou valaauga i le
Ekalesia. O lesu o lo tatou Faa-
a'oa'o. Na fetalai o la, 'O Au nei
o le leoleo mamoe lelei' ua ou
iloa au mamoe' (Ioane 10:14). E
i ai so tatou tiutetauave o ni leo-
leo mamoe. Ina taitasi ia i tatou
ma laa i luga e auauna atu."

Peresitene Thomas S. Monson, "O Aiga
Faalelagi, O Aiga e Faavavau," *Liahona*,
luni 2006, 70.

ua fusi ia te ia, ma sogi atu ia te ia" (Luka 15:20). E le na o le faaalia lau-
tele o le alofa faaletino i lona atalii,
ae na faatonu e le tāma lana auauna
e faafou ia te ia i se ofu tatapuvae,
faasee i ona vae, ma se mama i lona
lima ma faatonuina i latou e fasi se
tamai povi peti, ma faailoa atu ma le
fiafia, "Na leiloa foi o ia, a ua maua" (Luka 15:24).

I le aluga o tausaga, na atiina ae
ai e lenei tama ia ituaiga uiga aga-
lelei, faamagalo, agaalofa ma ua le
mafai ai ona ia faia se isi tulaga ae

na o le alofa ma le faamagalo atu. E
fiafia tele i tatou uma i lenei faataoto
aua o loo agiagia ai le faamoemoe
mo i tatou uma, o loo tulai i le ala
se Tama o i le Lagi alofa, e pei ona
sa i ai, ma o loo faatalitali mai ma
le naunautai i le toe fo'i atu o Ana
fanau faamaumau oa taitoatasi.

Ma i le atalii matua usiusitai, lea
na faatautee i lona tama loto faama-
galo: "Faauta, o tausaga ua tele, ua
ou auauna ai ia te oe, ua leai lava
sau poloaiga ua ou solia; e te lei
au mai lava se tamai otu ma a'u,
matou te olioli ai ma a'u uo:

"Peitai o lou atalii lena, sa na
faaumatia au mea faatasi ma
fafine talitane, ua sau o ia,
ona e fasi lea o le tamai povi
peti māna" (Luka 15:29–30).

Atonu e pei lava foi o loo i
ai se vaega o le atalii faamaumau
oa i totonu o i tatou taitoatasi, ma
atonu foi o loo pisipisia uma lava
i tatou i ni uiga o le atalii ulumatua.
Na faamatatalaina e le Aposetolo o
Paulo ia fua o le Agaga e avea o le
"alofa, olioli, filemu, onosai, mata-
alofa, agalelei, faamaoni, agamalu,
[ma le] le gaoia" (Kalatia 5:22–23).
Atonu e ui ina sa usiusitai le atalii
ulumatua, ioe, na usiusitai i lona
tama, ae i lalo ifo o lena usiusitai sa
loloto ai le ita ma le fia amiontu
patino ma le uiga o le faamasino
atu, manao, ma le leai o se alofa.
E lei atagia i *lona* olaga ia fua o le
Agaga, aua e na te lei maua se toa-
filemu, nai lo lena na matua mafatia
lava i le tulaga na ia mafaufaunia o
le le tutusa o le faiga o i la'ua. ■

*Mai se saunoaga i se sauniga lotu a le Iunivesite
a Poliga laga na faia i le aso 9 Februaru, 2010;
ua faalaugatasia le faailoga. Mo le anotusi atoa
o le saunoaga i le faaPeretania, asiati ane i le
<http://speeches.byu.edu>.*

FAAMOLEMOLE AUINA MAI SE TASI

Sa manaomia i le taimi o se mai taga faigata i la'u tama lona lua, lo'u inuina o ni fualaau e taofia ai le faaletonu o lo'u ma'itaga. O fualaau na faateleina ai lo'u lagona lēlava ma le faafaufau [tulou].

Na atili le lelei lea tulaga, ona sa galue lo'u toalua i le 15-itula i le aso, i se taumafaiga e tausisia le tulaga manuia ua i ai lana pisinisi fou; e le'i leva ona matou siitia atu i se aai fou; ma e 400 maila (640 km) e nonofo

mamao ese atu ai o'u matua. Ou te le iloa se tasi, ma na faataotolia a'u, ma tausi se tamaitiiti. Sa ou lagona le fefe ma le tuuatoatasi.

I lenei tulaga sa ou liliu atu ai i le Tasi na ou iloa e le mafai ona tuulafoaiina a'u—o lo'u Tama Faalelagi. Sa ou tootuli ifo i autafa o lo'u moega ma tatalo, "Tama Faalelagi, ou te iloa sa ou folafola atu mo le tele o tausaga o le a ou toe foi i le lotu, ma e ou te manatu ua ou saunia nei. Ae ou te le

maua le to'a e faatino ai na o a'u. Faamolemole lava pe mafai ona E auina mai se tasi e valaaulia a'u i le lotu."

O le aso na sosoo ai na tatagi ai le logo o le faitotoa. Na ou taoto i luga o le nofoa i le potu malolo e le'i tapenaina, i o'u ofu moe ma sa lagona le faafaufau, ma o lea ou te le'i tu ai i luga e tatala le faitotoa. I ni nai minute mulimuli ane na oo mai ai ia te a'u: a e a pe a faapea o le tatagi o le faitotoa o se tali i a'u tatalo ma o loo i ai se tasi na auina mai e valaaulia a'u i le lotu?

Na ou toe foi i lo'u potu, toe too-tuli, ma tatalo, "Tama Faalelagi, ou te



Na galue lo'u
toalua i le 15
itula i le aso, ma e
nonofo mamao ese
atu o'u matua. Ou
te le iloa se tasi,
ma na faataotolia
a'u, ma tausi se
tamaitiiti. Sa ou
lagona le fefe ma
le tuuatoatasi.

matua faamalie atu i lo'u le tatalaina o le faitotoa. Ae afai E te auina mai se tasi e talanoa mai ia te a'u, ou te folafola atu o le a ou saunia mo i latou i le aso a taeao pe afai E te toe auina mai i latou."

O le aso na sosoo ai na ou tu i luga, taele, ma fai o'u ofu e faatali ai se malo, ma faaaoga le aso e tapena ai lo'u fale. Ona ou faatalitali lea ma le onosai mo le toe tatagi o le logo o le faitotoa. Na tatagi. Ina ua ou tatalaina, na ou vaai i ni tamaitai se toalua o tutu i lo'u faasitepu.

"O i maua o au faiaoga asiisi," o le la tala lea. "E te iloa le mea e ta'u o le faiaoga asiisi?"

"Ioe, ou te iloaina," na ou tali atu ma le fiafia ua la toe foi mai. "Susū mai totonu."

O se tasi o na faiaoga asiisi, o le peresitene o le Peraimeri, na amata ona tu soo mai e faamautinoa ua ou malosi. Na oo lava i le ofo mai e na te aveina la'u tama laitiiti i le lotu ma faatulaga ni asiasiga mai faifeautalai faamisiona. Na faamalosia la'u molimau e asiasiga ma aumai ai ia te au le lototele e toe foi ai i le lotu.

Ou te le talitonu na ou ola i le tele o tausaga e aunoa ma le tatalo i le Tama Faalelagi ma mauaina Lana puipuiga ma le taitaiga. O se matua faamanuiaiga le mauaina o le fesoasoani a le Faaola e tauaveina a'u avega faatasi ai ma Lona alofa ma le agalelei. Ua avea au ma se tagata sili atu ona lelei ona o Lona alofa, ma ua ou lagonaina lo'u avea atili ai lava ma le tagata lea na ou i ai a o o'u auai i le lotu i lo'u talavou.

Ua faamaonia mai e le Tama Faalelagi ia te a'u e mafai mea uma ia te Ia. Pau lava le mea ua la poloai mai ai, ia tatou faatuatua i Lona malosi e tali mai ai a tatou tatalo. ■

Wendy Walkowiak, Iuta, ISA

FAATIGA E LA'U UO

S a i ai sa'u uo i la'u paranesi i le Ekalesia i Rusia o le sa ma faifai mea faatasi i gaoioiga uma a le Ekalesia. E tele mea na ma tutusa ai, sa tele ni mea fiafia na ma faia faatasi, ma e sa ou fiafia e maua sea ituaiga uo lelei.

Peitai na tupu se mea uiga ese. Ma, i le leai o se mafuaaga na mafai ona ou mafaufauna, na matua faatiga lava o ia te au. E na te le'i talosaga mai mo se faamagaloga, ma na ou le toe fesootai atu ia te ia. Ou te le faatalofa lava ia te ia i Aso Sa. Na alualu pea faapena mo le lua masina. Sa ou tiga ma lē fiafia, ae leai ma sana tala na fai mai.

Ona ou iloaina lea o le a ia tuua lo matou nuu. Ou te le'i manatu e tatau ona tumau ai pea faapea le ma faigauo; sa ou mafaufa e tatau ona ma faalelei. I lena lava taimi sa ou manatua ai se mau mai le Tusi a Mamona: "Ina alu ia oe i lou uso, ia muai faalelei ma lou uso, i le e sau ai ia te au ma lou loto atoa, ona ou talia ai lea o oe" (3 Nifae 12:24).

Sa faigata ona ou lotomaulalo ma faia le laasaga muamua, ae na ou tatalo ona ou valaau atu lea ia te ia. Ou te le iloa po o le a sana tali, ae na ou sauni lava. O le mea na ou faalogo i ai na ou te'i ai.

Na ia aioi mai ia te a'u ma le faamaoni mo se faamagaloga, ma na ou iloa mai lona leo na sili atu lona mafatia sa i ai ona o lana amio—e pei foi na ou i ai. Ae o le mea sili lava, na ou manatuaina i se fuaiupu e tasi na ia fai maia faatolu: "Natal'ya, faafetai mo le valaau mai!"



Sa ou matua fiafia lava! Na ia siitia ese atu i se taimi puupuu mulimuli ane, peitai na ma valavalava o ni uo sili atu.

O le aoao e alofa ma faamagalo le tasi i le isi, o se tasi lea o a tatou galuega e sili ona faigata. O le faamagalo atu—aemaise lava pe a fai e le o i tatou lea e sese—e manaomia ai lo tatou loto maualalo ma faatoilalo le faamaualuga. Sa ou iloa o le faia o le laasaga muamua ina ia faamagalo atu ma toe faaleleia e aoga tele. ■

Natal'ya Fyodorovna Frolova,
Netherlands

OU TE LE FIA ILOAINA OULUA!

Faatasi ai ma se tatalo faamaoni i lo'u loto ma la'u soa e 14 tausaga le matua i o'u autafa, na ou tuitui ai i le faitotoa o Andy. O le ma asiasiga muamua lea i lona aiga i le avea ai ma ona faiaoga o aiga. Na ma taliaina talu ai nei lava le tiutetauave o le asia o ia e ui i lona tulaga o le avea ma se tagata faigata. Na matala le faitotoa, ma tu ai iina, o ofu i se kimona faa-Iapani.

"Ioe?"

"Talofa, o a'u o Irvin, ma o la'u soa lea. O i maua o au faiaoga o aiga ma e ma te fia asiiasi atu ia te oe."

Sa saofai mai lona toalua i le laulau i tua atu o ia, i le ituaiga ofu lava lea. O loo faia se la tausamiga faa-Iapani.

"Ou te manatu ua oulua iloa o lea

e fai le ma meaai ma e leai se taimi mo oulua," o lana tala mai lea.

"E mafai ona ma toe o mai i se isi taimi?" o la'u fesili lea.

"Aisea?"

"Ina ia mafai ona tatou faamasani," o la'u tali lea.

"Aisea lua te fia iloa ai a'u?" na ia fesili mai ai. "Ou te le fia iloaina oulua!"

Ou te iloa na mafai lava ona ma faamavae i le avea ai ma ana faiaoga o aiga i lena lava taimi, ae ma te le'i faia. Ina ua ma toe foi atu i le masina na sosoo ai, na faataga moni lava i maua e Andy i totolu. Na ma nonofo faasaga i se puipui o loo laina ai ni atigifagu pia sa faatulagaina i foliga o taavale anamua. Na puupuu la matou feiloaiga ma Andy, ae na ma iloaina mai ai o ia o se taitai ua litaea mai le ea fosi. O a ma asiasiga na sosoo ai na pupuu foi ma itiiti lava ni tau-nuuga na maua mai ai.

I se tasi o po a o ou alu ese mai se fonotaga a le Ekalesia, sa ou lagonaina se leo i totolu o fai mai ou te alu e asi Andy. "Leai, faafetai," o lo'u mafaufau lea. "E le o le po nei."

Ina ua ou tu i le moli mumu, na toe oo mai le musumusuga e asi ia Andy. Na ou mafaufau, "Faamole-mole, e le o i ai so'u lagona mo Andy i lenei po."

Peitai, a o faia le mimiloga mulimuli e agai atu ai i le fale, na toe oo mai i le taimi lona tolu le musumusuga lava lea e tasi, ma faamautinoa mai ai ia te au le mea e tatau ona fai.

Sa ou tietie atu i lona fale ma pakalau'u taavale ma tatalo mo se taitaiga. Ona ou agai atu lea i le faitotoa ma tuitui. Ina ua avatu a'u e Andy i totolu, sa ou iloa atu i luga o le

laulau se Tusi a Mamona ma se tusi o gafa. Sa ou lagona se agaga ese i lona fale; na i ai foi se mea e ese e uiga ia Andy. Na ia talanoa lemu mai i lona alofa mo lona tina ma lona tuafafine, o ē na tuufatasia le gafa.

O se taimi muamua lea, ua tatala mai ai lana talanoa. Na ia ta'u maia se tiga o loo ia lagonaina i lona tua, ma fai mai ai o le a alu i le falemai a le March Air Force Base e lata ane i Riverside, Kaledonia, i le aso e sosoo ai. Sa ou fesili pe na te fia manao i se faamanuiaga faaleperisitua. Na ia tali mai i se leo lemu e aunoa ma se toe faatali, "Ou te manao ai." Sa ou valaau i lo matou peresitene o le korama a toeaina, o lē na sau e fesoasoani e tuuina atu le faamanuiaga.


O le aso na sosoo ai na ta'u atu ai e fomai ia Andy e maua o ia i le kanesa o le mama ma e le toe foi i se lelei. Ina ua uma ona maua le tala, sa alu o ia e vaai le epikopo. I totolu o ni nai masina, na faataotolia o ia i lona moega.

I se tasi o afiafi ina ua ou taunu i lona aiga mo se isi asiasiga, na taitai atu a'u e lona toalua i lona potumoe, lea na ia taoto ai ua vaivai lava. Na ou tootuli i talaane o lona moega ma opoina o ia i o'u lima. Na ou musumusu atu, "Ou te alofa ia te oe, Andy." I lona malosi atoa, na tuu mai ai lona lima i lo'u tauau ma, i se tau-mafaiga tele, na ia ta'u mai ai e alofa foi ia te a'u. E lua aso na sosoo ai ae maliu loa o ia.

Na valaaulia a'u e lona toalua i le malii. E ese mai tagata e toafa o lona aiga, e na o a'u lava le tagata e toatasi na auai.

Ou te matuai faafetai na ou faalogo i musumusuga a le Agaga e asiiasi ia Andy. ■

Irvin Fager, luta, ISA



E LE MAFAI ONA FAATALI LA'U SEFULUAI

Le tau faaiuiu o o'u tausaga talavou, a o amata ona ou faaluina le taimi e faatasi ai ma faifeatalai, sa ou iloaina le taua o le i ai o se molimau i mataupu faavae e le o toe mamao ona ou aoaoina atu lea o se faifeatalai. Sa ou filifili o se tasi o mataupu faavae ou te fia malamalama atili i ai o le sefuluai.

E maua e le toatele o tagata se molimau e uiga i le sefuluai i le taimi faigata o mea tau tupe. Peitai i lo'u tuputupu ae, e masani lava ona sili atu [tupe] na ou maua nai lo le tulaga manaomia. Afai lava e i ai so'u manoga tau tupe, e taulimaina lava e o'u matua. Sa ou faafetai mo lena tulaga, peitai e ui ina ou iloa o le a la totogiina la'u misiona, ae na ou filifili ou te fia totogiina e au lava ia le afa o la'u misiona e ala i la'u galuega le tumau o se faiaoga.

Pe a ma le taimi lava lea e tasi, sa ou iloaina ai ou te le'i totogiina atoa se sefuluai 10 pasene mai la'u siaki mulimuli. Na ou filifili loa i la'u siaki o le a sosoo ai, o le a ou totogiina ai le eseesege ina ia avea ai a'u ma se tagata e totogi atoa le sefuluai.

Peitai, ina ua totogiina a'u mo se masina, na laitiiti ifo le aofai nai lo le mea na ou faamoemoeina. O le galuega sa ou faia e fesuisuia'i, o lea sa eseese ai lo'u totogi mai lea masina i lea masina. Na vave na ou iloaina o le a le mafai ona totogi au aitalafu i la'u siaki *ma* faatagaina a'u e totogi le paleni o le tupe o le sefuluai na ou aitalafu ai i le Alii mai la'u siaki lea ua te'a.

Sa ou mafaufau i a'u filifiliga ona manatu ai lea, "O le a taumafai pea



ia e faatumu le sefuluai i le masina e sosoo ai." Ae na ou manatua ai lea o se lesona faalelotu a le inisitituti i le sefuluai. Na faapitoa lava ona ou manatua le mea na fetalai mai ai le Alii i le Feagaiga Tuai: "Tofotofo mai ia te au i lenei mea" (Malaki 3:10). O se avanoa lenei mo au e tuu ai i le suega lenei mataupu faavae ma ina ia maua ai se molimau malosi atu o mea o le a le o toe mamao ona ou aoaoina atu lea i isi.

Ina ua totogi la'u sefuluai, sa lelei o'u lagona e uiga i le faatumuina. Peitai o le avanoa e "tofotofo" ai i le Alii na oo mai i le aso tonu lava na sosoo ai—ua sili atu ona vave oo mai ma e sili atu le maoae o le auala na i lo le mea sa ou mafaufauina—ina ua ofo mai se galuega tumau ia te

a'u e avea ma se faiaoga o le vasega tau amata. O le a mafai ona ou galue seja oo atu lava i le taimi ou te alu ai i la'u misiona, ma o le tupe o le a ou mauaina o le a sili atu nai lo mea na ou manaomia e totogi ai le afa o tupe e manaomia i la'u misiona. O lenei faamanuiaga na matua iloa gofie ai lava le faateleina o la'u molimau i le sefuluai. Na toe faamalosia pea lava pea lena molimau a o ou faasoaina atu i tagata na ou auauna atu i ai i le Misiona a Siamani Munich/Oseteria i le lua tausaga na sosoo ai.

Ou te iloa e moni le mataupu faavae o le sefuluai ma e "toina [ia i tatou] pupuni o le lagi" e le Alii "ma sasaa mai le manuia ina seja silisili ona tele" (Malaki 3:10). ■

David Erland Isaksen, Nouei

Na vave ona
ou iloaina
o le a le mafai
ona totogiina au
aitalafu i la'u siaki
ma faatagaina a'u
e totogi le paleni o
le tupe o le sefuluai
na ou aitalafu ai i
le Alii.


Autalavou Matutua ma Afiafi Faaleaiga

Faaavanoa e tagata o le Ekalesia i le salafa o le lalolagi ia po o Aso Gafua mo afiafi faaleaiga. E pei ona aoao mai e perofeta o nei ona po, o le afiafi faaleaiga o se taimi lea "mo gaoioiga tuufaatasi, mo le faatulagaina, mo le faaalia o le alofa, mo le tuuina atu o se molimau, mo le aoaoina o mataupu faavae o le talalelei, mo gaoioiga malie ma faafafia faaleaiga, ma le mea aupito sili i mea uma lava, mo le lotogatasi ma le tuufaatasia o le aiga."¹

Mo le autalavou matutua, o le afiafi faaleaiga e ave i ai le faamumua. E le o i latou uma e nonofo faatasi ma matua po o ni o latou tei. O nisi e auai i afiafi faaleaiga ma e latou te potu faatasi po o tagata o le uarota po o ni uo mai le inisitituti. Ae e i ai lava pea isi e faavanoaina se taimi mo se faigalotu patino. Peitai latou te iloa uma lava ia faamanuiaga i o latou olaga i le taimi nei ma le lumanai i le mulimuli i apoapoaga a perofeta e auai i afiafi faaleaiga.

O Se Faamanuiaga i Vaega Uma o le Olaga

Ile avea ai ma se tagata liliu mai ma na o le pau ai lea o le tagata o le Ekalesia i lo'u aiga, ou te auai i le afiafi faaleaiga i le nofoaga autu a le autalavou matutua i lo'u nuu. O le





auai ai la i le afiafi faaleaiga ua taua lea ia te au aua ua ou aoaoina ai auala e aoao atu ai i se vaega toalaiti, ua sili atu ai lo'u malamalamai i mataupu faavae o le talalelei lea na aoaoina ai a'u a o o'u sailiili i le Ekalesia, ma ua ou vaaia ai le tuputupu ae o isi a o latou aoao atu pe faasoaa atu a latou molimau.

Ou te iloa o tomai taua nei mo lo'u lumanai. Pe a fai so'u lava aiga, o le a ou iloa le auala e faatulaga ai se afiafi faaleaiga mamana ma le fiafia ona o faataitaiga lelei ua ou vaaia.

Ae peitai o le afiafi faaleaiga o se vaega taua foi o le tulaga o lo'u olaga o i ai nei . O nisi o taimi e faigofie atu le nofo i le fale i se po o le Aso Gafua, ae-maise lava pe a leaga le tau pe a fai foi e tele ni a'u suesuega e fai. Ae toeititi lava o taimi uma ou te oo ai i lenei faafitauli, ou te alu lava i le afiafi faaleaiga aua ou te iloa e taua le i ai faatasi ma isi talavou matutua nofovua e talatalanoa ai e uiga i le talalelei ma fiafia ai faatasi. E tusa lava pe na o sina vaega e auai, e avea lava pea o se aafiaga maoae.

O le mea e lelei ai le fai o le afiafi faaleaiga i le nofoaga autu o





talavou matutua ona e mafai ai ona matou vave mai pe nonofo umi ina ia suesue, aoao le ta piano, taaalo i ni taaloga, pe na o le malolo foi—e i ai lava se mea e fai.

Ou te iloa pe a ou usitai ma mulimuli i apoapoaiga faaperofeta e auai atu i se afiafi faaleaiga, e faamanuiaina a'u. Ua ou vaaia se faamaoniga o lenei mea i a'u suesuega, i la'u galuega, i le faamanuiaina i le malosi mo le vaiaso o lumana'i, ma le lagona masani o le faagaeetia.

Lenneke Rodermond, Netherlands

O Se Faavae lea e Fausia Ai

Sa ou ola ae i se aiga lea sa matou faia ai i le tele o taimi ia afiafi faaleaiga. Ou te manatua a o o'u laitiiti, na avea ai ia afiafi faaleaiga o se tasi o mea e sili ona taua i lo'u olaga, ma e ou te ala fiafia i luga i taeao o Aso Gafua taitasi ma faamanatu atu i o'u matua o le afiafi faaleaiga e faia i lena po. I le avea ai ma se talavou matua i lenei vaitaimi, o loo ou nofo faatasi ai ma o'u matua ma faaauau pea le faaaogaina o lenei taimi faapitoa e faatasi ai ma lo'u aiga i vaiaso taitasi.

Ona e faia pea lava pea e lo matou aiga ia afiafi faaleaiga mai le taimi a o ou laitiiti lava, o lea ua ou malamalama ai lava i lona taua. I Korea, o le nofoaga e matua pisi ai lava le toatele o matua ma fanau ma tau le maua ai se taimi faaleaiga, o

le afiafi faaleaiga la o se avanoa matagofie lea e faatasia ai ma fefaamalosiau ai le tasi i le isi.



O le isi faamanuiaga ua oo mai ona o taumafaiga a o'u matua o lo'u mauaina lea o se faavae mausali e fausia ai la'u molimau ia Iesu Keriso. E ui na ou aoaoina le talalelei i le lotu, ae o lesona i afiafi faaleaiga lea na matuai ou malamalamai lava i ona mataupu faavae. O se taunuuga la, ua mafai ai ona ou alu i le lotu ma tuputupu ae i le talalelei i le faavae lea i lo'u lava faatuatua a e le o le faatuatua o'u matua.

Hye Ri Lee, Korea

O Se Avanoa e Faasoa Atu ai Lo'u Faatuatua

Oau o se alii talavou e 24 tausaga le matua, o lē na mauaina se molimau malosi i le talalelei a Iesu Keriso e ala i le mulimuli i apoapoaiga faaperofeta ina ia faia afiafi faaleaiga. E ui e na o a'u le tagata o le Ekalesia i lo'u aiga, ae na ou iloaina ina ua uma ona ou papatiso, o afiafi faaleaiga e mafai ona faamalosia ai i tatou, ma na ou fuafua loa e faailoa i le aiga.

Ua iloaina nei e le aiga atoa o Aso Gafua o ni aso faapitoa lea matou te faapotopoto ai o se aiga e aoaoina ia upu moni o le talalelei. O nisi o taimi matou te foia ai faafitauli o le aiga pe talanoaina ni luitau, manaoga, po o ni mea e fiafia ai tagata taitoatasi o le aiga. Ua ou iloaina le auala e matua fesootai atu ai i lo'u Tama Faalelagi ma fefautuai ma le alofa ma tagata o lo'u aiga. O se taunuuga la, ua sili atu ona matou lotogatasi, lea ua avea o se faamanuiaga maoae.

E le gata i lea, ua faataatia e le afiafi faaleaiga se faavae malosi mo lo'u aiga i le talalelei a Iesu Keriso, ma o loo avea nei i latou ma tagata sailili o le Ekalesia. O le mea moni lava, matou te fai afiafi faaleaiga faatasi ma faifeautalai i nisi o taimi.



O LE AFIAFI FAALEAIGA E MO TAGATA UMA

"E mo aiga o i ai matua ma fanau, e mo aiga e na o le toatas i le matua o i ai, ma e mo matua e le o i ai ni fanau i le tale. E mo afiafi mo vaega o tagata matutua nofofua ma i latou o loo nonofo na o i latou po o nisi latou te tale faatasi. . . . O le auai e le aunoa i afiafi faaleaiga o le aatiina ae ai le tauaogaina o le tagata lava ia, lotogatasi o le aiga, alofa mo o tatou uso a tagata, ma le faatuatua i lo tatuou Tama o i le Lagi."

Peresitene Spencer W. Kimball (1895–1985), Peresitene N. Eldon Tanner (1898–1982), ma Peresitene Marion G. Romney (1897–1988), *Family Home Evening: Happiness through Faith in Jesus Christ* (1976), 3.


Ou te iloa pe a ou faaipoipo, o le a faamanuiaina lo'u aiga e ala i afiafi faaleaiga, ae ou te faafetai foi sa mafai lava ona ou avea ia afiafi faaleaiga o se vaega taua i lo'u olaga i le taimi nei. Ou te iloa e moni Le Ekalesia a Iesu Keriso o le Au Paia o Aso e Gata Ai ma o le afiafi faaleaiga o se polokalama musuia e le Atua.

Lebani Butawo, Zimbabwe

O Se Faamuamua ua Faatulagaina

Sa ou ola ae i se aiga na avea le afiafi faaleaiga ma se mea e faamuamua. Ina ia mafai ona taunu i le taimi sa'o i le aiga i Aso Gafua, matou te o sa'o lava i le tale mai le aoga e aunoa ma le faia o ni fuafaga e faatasi ai ma ni uo. O galuega patino, e pei o meaaoga, na faameaineina pe a uma le afiafi faaleaiga. Sa leai lava se mea na suitulaga i lenei taimi faapitoa mo lo matou aiga ina ia faatasia.

Na i ai se aafiaga na faia e afiafi faaleaiga i lo matou tuputupu ae, e le na ona faapea sa matou tuuina i ai le faamuamua ae ona sa matou galulue faatasi foi ina ia faataunuina. Sa matou feauauai po o ai o le a faia le lesona, o ai o le a saunia ni mea'ai mama, ma po



o ai o le a faia le tatalo amata po o le tatalo faaiu. E le na o lo matou faalogo i lesona ae na matou maua foi ni avanoa e avea ai ma ni faiaoga. O se taunuuga la, ua faamanuiaina a'u i le mauaina o se malamalamana ma se molimau i le talalelei ma ua faamalosia ai sootaga faaleaiga.

Ona sa avea le afiafi faaleaiga ma se mausa i lo'u olaga, ou te tulimatai atu ai i faamanuiaga o le a aumaia pe a fai so'u lava aiga.

Chieko Kobe, Japonia

O Se Vaifofo mo le Misia o le Aiga

Sa ou ola ae i se aiga lea na avea ai o'u matua ma se faataitaiga susulu i o'u tuagane, lo'u uso, ma a'u, ma ua maua ai e lo matou aiga le tele o faamanuiaga ona o a la taumafaiga. Mo se faataitaiga, sa matou tutupu faatasi ae e avea ma se aiga fealofani ma vavalalata, faamalosiau atu le tasi i le isi i taimi e manaomia ai po o tofotofoga. Ma e ui lava e le toaaga nisi o lo'u aiga i le lotu, ae latou te auai lava i le afiafi faaleaiga.

Sa i ai se taimi sa ou nofo ai i Sini, Ausetalia, ma e sa ou matua misia lava lo'u aiga i le nofo mamao ai mai Aialani. O le mea e laki ai, sa ou nofo latalata i se falelotu o le Ekalesia lea na ou auai ai i se afiafi faaleaiga ma isi talavou matutua. Sa avea lea ma se faamanuiaga maoae ia te au, sa ou le toe lagonaina le misia o lo'u aiga. Sa manaia le feoeoeai faatasi ma tagata o le ekalesia i se nofoaga toofilemu lea na i ai le Agaga.

Linda Ryan, Aialani

O Se Mea Ou Te Le Faanoanoa Ai

Na ou liliu mai i le Ekalesia ia Me 2009. Talu mai lena taimi na vave lava ona ou faatauaina ia faamanuiaga lea e oo mai i le auai soo i afiafi faaleaiga. O se tasi o aafiaga e manatua pea lea na tupu ina o taaaalo "nofoa soka"

le matou uarota a le autalavou nofoua matutua i totonu o le fale faafafia o se falelotu i le lotoifale, o se suiga mai le soka e fai i totonu o le fale. O le faamoe-moe o le puipuia lea o lou nofoa a o osofaia nofoa o isi tagata i se polo pa'u. Sa ou faia se feagaiga ma isi tagata taaalo se toalua; ma na oo i le faaiuga sa na o i matou lava e toatolu o totoe i le taaloga, ma na vave ona liliu atu le tasi i le isi. Nai lo le le fafia, na le mafai ona taofia lo matou talie! Sa avea o se mea na sili ona ou fafia i ai talu mai le tele o tausaga, ma na ou iloa o le a matua sili ona faigata ona maua sea aa-fia i faapea i soo se nofoaga i fafo atu o le Eklesia. Sa fafia tagata uma, e tusa lava pe le'i

manumalo, ae e le o le tulaga lena na mafua ai ona taua lea aafiaga ia te a'u. O le mea na sili ona le gal



ai lena aafiaga o le agaga o le fefaauoai sa ou lagonaina i le gaoioiga.

O taimi faapenei e fesoasoani lea ia te a'u i le faamāmāina o le mamafatu o le popole i aoga e faauu ai. E tusa lava pe na a le aluga o le vaiso, ou te iloa lava o le a lelei o'u lagona pe a ou alu i le afiafi faaleaiga. Atonu o le a le faagaeetia pea au i gaoioiga i taimi uma ma e atonu foi ou te le fia faaluina ai le taimi, ae ou te le faanoanoa lava i lo'u alu i afiafi faaleaiga.

Matt Adams, Nebraska, ISA

O Se Faamuamua mo i Tatou Uma

Etele auala e mafai ona ou faaluina ai po o Aso Gafua, mai le auai atu i faatasiga faamasani a le iunivesite i isi gaoioiga o taaloga ma faafafia. Peitai o i latou o e matou te nonofo faatasi i le fale o tamaiti aoga—o tagata uma o le Au Paia o Aso e Gata Ai—ma ua faamautinoa le taua ona faia o afiafi faaleaiga, ma ua avea ma a matou faamuamua. Ua matou filifilia lenei faamuamua e fefaamalosiau ai le tasi i le isi i le taimi o le olaga o le a vaaia ai le faigata o le ola ai i le talalelei. O le fefaaosoai o molimau ma aafiaga o le tasi i le isi ua matou vavalalata ai o ni talavou matutua ma ni uo.

O afiafi faaleaiga o se taimi lea o le vaiso ou te faamoemoe ai mo le mauaina o se meaai faaleagaga. I le tele lava o taimi ou te sau ai i le afiafi faaleaiga ma ni fesili i lo'u mafaufau ae mauaina ia tali i lesona po o mafaufuga faaleagaga lea e faasoaina mai. O se taimi foi lea e faatulaga ma toe mafaufau ai i sini ia e fesoasoani e atiina ae ai a'u lava ia.

Ou te le manatu o se ositaulaga, le faia o se faaiuga e fai i taimi uma ia afiafi faaleaiga. Ou te iloa o se nofoaga lea e tatau ona ou i ai; ma e o se nofoaga foi o'u te *fia* i ai. ■

Luc Rasmussen, Uelese

FAAMATALAGA

- Iosefa Filitia Samita, Harold B. Lee, ma N. Eldon Tanner, *Family Home Evenings*, 1970–71 (1970), v.



“E lagona lava le tuua na o a’u i le lotu. E faapefea ona ou aoao ia lagona lo’u aofia ai?”

Ao e taumafai e saili ma le agaga tatalo se tali i lau fesili, ia manatua lenei aoaoga mai tusitusiga paia: pe a tatou auai i le Ekalesia, “e le toe tagata ese outou, po o e ua aumau, a ua nuu faatasi ma le au paia” (Efeso 2:19). O lona uiga e tatau ona tatou fefaauoai ma tagata uma i le lotu. O i tatou uma o fanau a le Atua o loo taumafai e tapuai atu ia te Ia i le alofa ma le lotogatasi.

O nisi nei o auala ina ia lagona le faaaofia ai:

Ia faamasani atu i tagata i vaitausaga uma. Mo se faataitiga, i le sauniga faamanatuga, e mafai ona e nofo i talaane o se tina nofofua ma se fanau laiti. Atonu e na te fiafia i le fesoasoani. Pe mafai foi ona e faafeiloaia ma faamasani atu i tagata fou i lau uarota po o paranesi. Pe a o mai le au ta’i 12 tausaga i Alii Talavou po o Tamaitai Talavou, e mafai ona outou nonofo faatasi. E ese le manaia o le i ai o ni uo o lau lava tupulaga, ae pe a e aapa atu i isi e ese o latou tausaga ma mea e fiafia ai, o le a sili atu ou avanoa e atiina ae ai le tulaga o le faauo.

Auai i gaoioiga a lau uarota po o paranesi. E faigata le alu na o oe, ae o le a e fiafia ai ni uo i le auai atu. Nonofo faatasi ma se tasi o loo nofo na o ia. Faatalofa i ai ma fesili atu i ai e uiga i mea e fiafia i ai. Masalo o se amataga lena o se faauoga lelei.

Auai



I le tele o masina ua mavae atu na ou tuua ai lo’u atunuu ae alu atu i se atunuu na o lo’u uso ma lana uo tama na ou iloa. I le lotu sa ou lagona le pei o se tagata ese. Ua mavae atu le lua pe tolu masina, ae o loo o’u lagonaina pea le lagona lava lea e tasi pe ana ou le filifili e ataata atu i isi ma fesili atu i ai, “O a mai oe?” O Aso Sa taitasi e mavae atu, ua sili atu upu latou te tautala mai ai ia te au nai lo faaupuga faigofie “Lea ou te manuia.” Na fesoasoani foi le auai atu i le seminare ma le Mutuale ma le galue ai i le polokalama o Le Alualu i Luma o le Tagata Lava Ia faatasi ai ma isi tamaitai talavou. O lea la ua ou lagona le fiafia i le lotu, e pei lava o loo i lo’u aiga.

Vanessa B., 17 tausaga, La Vega, Dominican Republic

Faamasani Atu i Isi

Sa ia te au se faafitauli faapea i le tele o tau-saga. O lea sa ou filifili ai o le a ou taumafai ina ia avea ma se tasi o i latou ma faaali atu i tagata lo’u tagata moni. I le taimi lava na ou talanoa atu ai ia i latou, na latou talanoa mai ai foi ia te au, ma na avea lea tulaga ma se faatagaga e fausia ai se faauoga malosi i tagata uma o la’u korama.

MacCoy S., 17 tausaga, Iuta, ISA

Fesoasoani i Isi



Ia manatua o tagata uma o fanau a le Tama Faalelagi. Taumafai e ataata ma faauo i tagata uma. Fesoasoani i isi. Aapa atu ia i latou o e lagona ina foi le tuuatoatasi. Pe a ou auauna atu i isi, ou te lagonaina le olioli ma e ou te le lagonaina le tuuatoatasi. E matua tatau lava le auai atu i le seminare po o le inisitituti. Tatou te lagona le mafanafana ma le lelei iina. Aua le fefe e faasoa atu ou faafitauli po o popolega. O i tatou uma o uso ma tuafafine, ma e tutusa uma lava o tatou faafitauli ma tofotofoga.

Igor P., 19 tausaga, Kyiv, Ukraine

Fai ni Uo i Isi Vaitausaga



Ua sili atu le lelei o a matou faauoga ma tagata ma taitai i le tupulaga laiti, nai lo i latou i la’u tupulaga. Ou te iloa o le a i ai se aso o le a e faauo atu ai ia i latou e i le Ekalesia, ma afai e lelei, e le afaina aua o le a e aoao pea lava i punaoa a le Ekalesia.

Susanna Z., 18 tausaga, Kalefonia, ISA

Amata le Talanoaga



I le tele o tausaga ua mavae atu na siitia ese ai lo matou aiga. O nai vайaso muamua lava na ou auai atu ai i le lotu ma le Mutuale, na ou lagonaina le tuuatoatasi. Peitai sa ou tatalo i aso uma ina ia faia ni a'u uo fou ma lagona le avea ma se tasi o la'u uarota fou. Na auaua'i mai lo'u alofa ma lo'u fiafia i lenei uarota. *E* tatau ona avea au ma se tasi e uunaia le faauoga. *E* tatau ona ou amataina le talanoaga. *E* tatau ona ou auai atoa i vasega ma faalogo i mea e fai mai ai isi. Faatasi ai ma le fesoasoani a le Tama Faalelagi, ua mafana nei la matou faauoga ma tagata ou te le'i mafaufaufina e faauo i ai.

Leah V., 16 tausaga, Colorado, ISA

Faauo ma Ou Taitai



Na ou lagonaina le tuuatoatasi i le lotu mo le tele o masina. Na ou fiafia i sauniga ma gaoioiga, ae ou te le'i lagona matou te tutusa ma isi teneiti. Ona amata loa lea ona ou talatalanoa atili i o'u taitai nai lo le mea sa ou masani ai. O le malie ia o o'u taitai. Ina ua amata ona talatalanoa ia i latou, na amata ona ou lagonaina le avea ma se vaega o le polokalama ma ua maua ni a'u uo i le Mutuale.

Kimberly G., 14 tausaga, Arisona, ISA

Tatalo ina ia Maua ni Uo Lelei

Ou te fesili ia te au lava ia i taimi o gaoioiga a le Ekalesia, "Aisea e leai ai ni a'u uo?" Sa ou lagona le faanoanoa ma le tuuatoatasi ma ou alu atu ai i le Atua i le tatalo. Na ou aioi

atu i le Tama Faalelagi e auina mai ni a'u uo lelei. E le'i faigofie, ae i le aluga o taimi ua ou faia ai le tele o ni uo maoae. Ou te le o toe fefe e talanoa ma fegalegaleai ma ni vaega o teineiti. Ua ou iloa ua taliina e le Tama Faalelagi a'u tatalo ma e le o tuua lava na o a'u.

Daiana I., 16 tausaga, Corrientes, Atenitina

Saili le Faauoga



Ina ua ou faatoa ulufale atu lava i Tamaitai Talavou, sa ou lagona le tuuatoatasi aua ua tuua a'u uo i le vasega a le Valiana. Ae peitai, sa ou taumafai e lagolago i tamaitai talavou, ma sa latou lagolagoina foi a'u, ma mafai ai ona maua ni a'u uo fou ma fesootai ma i latou. Ou te le toe lagona le tuuatoatasi, ma ua ou fiafia ai lava. Ua avea nei a'u ma peresitene o le Ofagapi, ma e a ou vaai i se uso fou o lē e le o maua se lagona lelei e faatasi ai ma i matou, ou te talanoa ia te ia, faamalamalama

i ai mea matou te faia i le vasega, ma faaaofia o ia ina ia lagona le avea o ia ma se vaega o i matou.

Gredy G., 14 tausaga, Lima, Peru

FOAI ATU I ISI I LE ALOFA MA LE AUAUNA ATU

"O le lagona tuuatoatasi i le malo o le Atua e masani o se tulaga faaāunuua e faia e le tagata lava ia.

"Matou te faamoemoe ia tofu lagona e outou taitoatasi le tulaga manaomia e soofatasi ai ma le aiga faale-uarota po o le faale-paranesi ma faaaoga a outou meaalofa ma taleni tulaga ese e pa'i atu ai i olaga o o tatou uso ma tuafafine uma. O avanoa tatou te maua e tauasia ai ma faaaumea i le uarota po o le paranesi e leai se tuaoi pe afai tatou te naunau e tuuina atu i tatou lava i le alofa ma le auauanga.

Elder Robert D. Hales o le Korama a Apostolo e Toasefululu, "O Le Avea ma se Vaega o le Aiga Faale-Uarota," Liahona, Mat. 1999, 12.

O LE ISI FESILI

**"Ua tetea o'u matua.
O nisi o taimi ou te
maua ai se fautuaga
ma le tasi o i laua ma e
feteenai ma le fautuaga
mai le isi. O le a le mea
ou te faia?"**

Auina mai lau tali a o lei oo i le aso 15 o Mati, 2011, i le:

*Liahona, Questions & Answers 3/11
50 E. North Temple St., Rm. 2420
Salt Lake City, UT 84150-0024, USA
Po o le i-meli: liahona@ldschurch.org*

E ono faapupuuina tali mo le uumi po o le manino.

O le faamatalaga ma le faatagaga o loo i lalo e tatau ona aofia mai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) lau faatagaga tusitusia, ma, afai e itiiti ifo i le 18 ou tausaga, o le faatagaga tusitusia a ou matua (e talia foi le i-meli) e lolomiina ai lau tali ma lou ata.

Sa Manaia le Tofo o le Savali

Ou te le'i saili lava mo le Atua, ae ina ua fesili mai ni alii talavou se toalua pe mafai ona la faasoa mai ia te au se savali, na ou filifili loa e faalogo.

Saunia e Anthony X. Diaz

Eui ina sa ou papatiso a o pepe i se tasi o lotu ae auai i se isi mai lea taimi i lea taimi i lo'u laitiit, sa le'i avea lava tulaga faalelotu ma se vaega tele o lo'u olaga. A o o'u tuputupu ae ma avea ma tagata matua, sa fesiita'i soo lo'u aiga, ma na matou le toe auai ai i sauniga tapuai. Na ou talitonu i le Atua, ae ou te le'i matua mafau-fau tele ia te Ia po o se lotu.

Na suia uma na mea i le 2006, a o 14 o'u tausaga. Na maliu Pili le tuagane o lo'u tina; o se mea o le 30 ma ona tupu ona tausaga. O le maliu o ia a'o le'i taitai, na ou iloa ai lo'u alofa tele ia te ia ma mafua ai ona ou tuufesili ia te au lava. O fea na ia alu i ai ina ua maliu? Pe na faaaauau ona ia ola pea ma maua se lumana? O le a se tulaga e oo i lana fanau ma isi tagata o le aiga na ia tuua? O le a se uiga o lona olaga? O le a se uiga o *lo'u* olaga?


Na feoai solo nei manatu i lo'u mafau-fau mo le tele o masina na sosoo ai. I se tasi afiafi ia Setema 2007, na matou tuua ai ma lo'u tina, ma nai o'u tei laiti e toatolu se tamai fale-aiga i lo matou nuu o Haverhill, Massachusetts, ISA, ma tutu e saofafai i se nofoa laupapa. Na


**Ou te manatua
le faitauina o le
Alema e 32 e
uiga i le atiina
ae o le fatu o le
faatuatua ma
lona tofo lelei.
O lena faamala-
malamaga o le
tulaga tonu lava
lea na foliga
mai ai le Tusi
a Mamona
ia te au.**

o mai ni alii talavou se toalua e suti uli, ofutino papae, ma fusiua ma faafeiloai i matou. Na fai mai se tasi o i laua, "Ou te iloa e foliga faigata le talanoa i ni tagata se toalua tou te le iloa, ae e mafai ona ma faasoa atu se savali ia te outou?"

Na matou ioeina. Na ou iloa o le a la talanoa mai ia i matou e uiga i le lotu, ma na faagaeetia

au i lo la tuu faamalosi mai o se kata po o se tamaitusi ia i matou ma savали ese atu. Nai lo lena, na foliga mai na faamaoni lava lo la fiafia mai ia i matou ma nau-nau mai e uiga i le la savali. I le faaiuga o le la savali, na la fesili mai ai pe mafai ona la asiasi mai i lo matou aiga. Na ioe i ai lo'u tina ma faatulagaina loa se taimi, ma o lea ou te faafetai ai ia te ia





mo lena tulaga ua avea ma se suiga maoae mo le lelei i lo'u olaga.

Na amata ona matou aoaoina le talalelei. Ina ua mavae sina taimi na amata ona pisi ia Tina i le tele o isi mea ma sa le toe faaaauai ai ona feiloi ma faifeatalai, ae na ou faia pea.

Sa faigofie lava ona matou fesootai ma Elder Kelsey ma Elder Hancock. Masalo o se isi vaega o le mafuaaga ona e matutua teisi atu



O LOU LIUAINA

"O le a e iloa ua tusia le talalelei i lou looto, ua tupu lou liua, a o faasolo ina atili suamalie le upu a le Alii mai Ana perofeta, i aso ua mavae ma ona po nei, i lou looto."

Elder D. Todd Christofferson o le Korama a Aposetolo e Toasefululua, "Pe A Liua Mai Oe," *Liahona*, Me 2004, 11.

manatua le faitauina o le Alema 32 e uiga i le atiina ae o le fatu o le faatuitua ma lona tofo lelei (tagai i le fuaiupu e 28). O lena faamalamalamaga o le tulaga tonu lava lea na foliga mai ai le Tusi a Mamona ia te a'u. O mea na ou faitauina ma mea na aoaoina mai e faifeatalai ia te au na logo lelei, lagona lelei, ma na tofo lelei.

Na ula lo'u tina ia te au ma fai mai o lo'u "taimi o se uga" ona ou te sola i lo'u potu ma faaalu le tele o itula i le faitauina o le Tusi a Mamona. E ui ou te le'i iloaina o'u lagona o le Agaga Paia i lena taimi, ae na ou lagona o le ala sa'o lea.

Ina ua fesiligia au e faifeatalai ina papatiso, sa la fautuina a'u e tatalo e uiga i la'u faaiuga. Ina ua ou tatalo ia iloa pe o le auai i Le Ekalesia a Iesu Keriso o Aso e Gata Ai o se mea lea e tatau ona ou faia, sa ou mauaina se tali tuusa'o mai lava, ma na faateia ai a'u. Sa manino le faatonuga: fai lou papatisoga.

Ou te manatuina lelei lava le aso na ou papatiso ai—aso 15 o Tesema, 2007. A o ma tutu i le vai malulu ma Elder Kelsey ma siiina lona lima i le sikuea, sa faatumulia a'u e le Agaga; ma sa foliga mai o le a pulea lo'u tagata atoa. E mafai ona ou faapea atu sa ou ataata mai le isi taliga i le isi taliga, ae e le taitai latalata lena faamatлага i le tulaga na ou lagonaina.

Ina ua uma lo'u papatisoga sa faaaauai pea ona ou lagonaina le Agaga. Sa ou lagona le mama. Na ou iloa ua

lava nai lo a'u. Sa ou lagona le alofa maoae mai ia i laua ma mo i laua. E le'i leva ae ou lagonaina lena lava alofa mai tagata o le uarota ma mai isi talavou i la'u siteki.

Na aoaoina a'u e faifeatalai i le ata o le faaoalataga, lea na taliina a'u fesili e uiga i le tuagane o lo'u tina ma e uiga i lo'u lava faamoemoega i le olaga. Na faailoa mai foi ia te au e faifeatalai le Tusi a Mamona. Na ou

magalo a'u agasala. Sa ou lagona le faamaoniga mai a le Tama Faalelagi, e moni lava, o le ala lava lea na tatau ona ou ui ai.


I nisi o taimi, pe a oso ae ni nai faaletonu, ou te toe foi i tua i lena aafiaga ma manatua ou lagona i lena aso. O le manatuaina o lena lagona na ou maua o le a tafiesea ai soo se masalosalo atonu ma te fetaia'i.

E ui lava e leai se tasi o i tatou e mafai ona toe uia le vai o le papatisoga ina ia toe maua ai ni lagona mamana, ae mafai ona tatou manatua lena lagona pe a faafou a tatou feaiga ga e ala i le salamo ma le faamantuga. O taimi taitasi ou te salamo ai, ou te toe mauaina ai lena lagona—o le faamamaina ma le alofagia.

O le lagonaina o lena alofa e fesoasoani lea ia te au ia iloa le mea na aoaoina mai e Iosefa Samita: "O se tagata e faatumulia i le alofa o le Atua, e le faamalieina i le faamanuiaina na o lona lava aiga, a e ia faasalalau atu i le lalolagi atoa, na naunautai e faamunuia tagata uma lava."¹ E fesoasoani ia te au le iloaina o le taua o le agaga ina ia fiafia ai i avanoa matou te o ai ma faifeautalai ma aoao atu i la'u eria. Ou te tulimatai atu foi i le aso o le a mafai ai ona ou auaua atu i se misiona faafafeautalai ma faasoat atu le auaua fiafia na faia mo au e le talalelei a Iesu Keriso. ■

FAAMATALAGA

1. *Aoaoga a Peresitene o le Ekalesia: Iosefa Samita* (2007), 353.



FAAAUAU PEA ONA OLA AI I LE TALALELEI

Eui na maua e Atonio le agaga faafetai mo aafiaga mamana faaleagaga na ia maua ina ua ia auai i le Ekalesia, ae na ia iloa e le lava le malamalama o se aafiaga taua se tasi e ola ai. "E manaomia lo tatou faamumuina pea o a tatou molimau, o lana tala lea. "Ma ua tatou iloa le auala e faia ai lena mea. Faitau tusitusiga paia. Alu i le Lotu. Ituaiga o mea faapena."

E matauina e Atonio lona lagonaina o le eseesega pe a ia faia soo nei faataitaiga ma pe a leai foi. Ma ua ia mauaina le auala e tausia ai ia "fou" le faagasologa o le ola ai i le talalelei.

"Ou te manatua le aoaoina i le vasega o le Mataupu Faavae o le Talalelei, le tala i le atalii faamaumau oa (tagai i le Luka 15:11–32). A o ou faitau e uiga i le taulealea na tuua le fale o lona tama, na ou manatu ai, 'E mafai ona avea a'u o lena atalii.' Na mamana le molimau mai o le Agaga ia te au e faapei o lena atalii, e mafai foi ona ou toe foi i lo'u Tama. O le lagona na pei o fetalai mai le Tama Faalelagi, 'Ou te alofa ia te oe.' Sa mamana le lagona e pei ona ou lagonaina i le aso o lo'u papatisoga."

Na ia iloa foi le taua o le faia o fesili i ana tatalo ma suesuega i tusitusiga paia. "Pe a ou faitau i tusitusiga paia," na ia fai mai ai, "ou te vaai mo tali o mea o loo ou mafaufau ma manatunatu ai. Ou te fesili i le Tama Faalelagi po o a mea Na te finagalo ou te aoaoina mai mea ou te faiatua. Ou te faia foi lena mea e tasi pe a ou alu i le lotu."

"Pe a ou faia ni fesili, pe faatatau i se mea patino e tatau ona ou faia i lo'u olaga po o le uiga o se mea o loo ou suesueina, ua faigofie ona ou lagonaina atili le taitaiga a le Agaga Paia. Ou te iloa o loo i ai moni lava le Tama Faalelagi iina ma e o le a la tali mai pea lava pea ia i tatou."

O SE SEFULUAI FAAMAONI, **O SE FAAMANUIAGA MAOAE**

Saunia e Oscar Alfredo Benavides

Ina ua toeitiiti lava atoa lo'u 17, sa papatisoina a'u i Le Ekalesia a Iesu Keriso o le Au Paia o Aso e Gata Ai ma lagona se naunautaiga e auaua i le Alii i se misiona. Ina ua taunu mai lo'u valaauga o le misiona i ni nai tausaga mulimuli ane, sa valaaufina au e tuua Peru ma tala'i le talalelei toefuataiina i le Aai o Sate Leki.

E oo lava a o o'u mafaufau i faamanuiaga maoae o le auaua atu i se misiona, na mamafatu i lo'u mafaufau le tele o mea ou te manaomia: pepa o faamatalaga, tusifolau, visa, lavalava, ma tupe. Sa ou faigaluega ae sa le lava. Sa ou lagona le popole! I le masina e tasi ma le afa lea e totoe ona ou alu lea, sa ou iloa ai ua na o se vaega itiiti o le tupe e manaomia sa ou maua. Pau lava le mea na mafai ona ou faia o le alu i le Alii i le tatalo.

Ona e le tele sa'u tupe e maua, o le sefuluai la sa ou totogiina i masina taitasi e matua laitiiti lava. Peitai na vave ona ou iloaina e le popole le Alii e uiga i le aofaiga laitiiti: E popole o Ia ia tatou totogiina le 10 pasene na Ia poloai mai ai. Sa ou lagona le faamautuina ma le faamautinoaga mai, pe a fai ou te faaauau pea ona totogiina le sefuluai, o le a saunia e le Alii mea na ou manaomia.

Na amata ona sologa lelei mea uma. Na maua nisi a'u galuega faaopoopo se lua ma maua a'u pepa o faamatalaga. O le toatele o tagata o la'u uarota, aemaise lava ia tuafafine o le Aualofa, na fesoasoani mai i isi mea na manaomia. Ma na ofoina mai foi le fesoasoani a tagata o la'u siteki. Na ou alu i la'u misiona ma mea na manaomia.

I le avea ai ma se faifeatalai, sa ou aoaoina atu le tulafono o le sefuluai ma ona folafolaga (tagai i le Malaki 3:10) faatasi ai ma le agaga faafetai ma le molimau. ■



Aua ua silafia e lo outou Tama o i le Lagi e aoga ia mea uma ia te outou. A ia outou muai saili le malo o le Atua ma lana amiontu; ona faaopoopoina atu lea o ia mea uma ia te outou” (Mataio 6:32–33).

O FEA O LE A AVE I AI OE E AUUO?

Saunia e John Bytheway

Pe na tupu lenei mea ia te oe? O loo e saofai i le lotu ma faalogo i le failauga ae faafuasei lava ona e faalogoina ni pisapisao leotetele mai luga o le taualuga. Na e te'i, ina ua matala le taualuga, ae iloa atu ai le lagi lanumoana, ma iloa atu ai foliga o ni tamaloloa se toa fa o loo tilotilo mai i lalo i le aulotu. O le isi mea na e iloa na sosoo ai, o loo latou tuuina mai i lalo se isi tamaloa i se fata i luga o le fola o le falesa.

Pe na tupu ea sea mea ia te oe? Atonu e leai. Ae na tupu le mea faapea i le taimi o le galuega talai a le Faaola.

O Se Faamalologa Faavavega

“O tagata o loo fata mai i le moega le tagata ua ma’i i le supa” o le amataga lea o le tala i le Luka 5:18, “ua latou mananao ina ia au mai ia te ia, ma tuu ifo i ona luma [Iesu].” Pau lava le faafitauli o le le mafai lea ona latou aumaia o la latou uo ma’i i totonu ona o le tumu o le fale! E oo lava i le faitotoa na poloka i le motu o tagata, ma e leai se auala e sao atu ai i totonu.

Semanu e mafai lava ona faavaivai

ma toe foi i le fale nei uo. Ae latou te le’i fo’i. Atonu e mafai ona e mafaufau i le talanoaga: “O le a se mea a faia?” o le tala lea a le tasi. “E i ai sa’u aitia,” o le tala lea a le isi. “Tatou o i luga o le fale, tatala le taualuga, ma tuutuu ifo ai o ia i lalo i le fola!” E mafai foi ona e mafaufau i le tagata mai i lena taimi o loo faalogo atu i nei fuafuaga e le masani ai ma faapea atu, “O le a lau toe mea lena o le a fai?”

Na faaaauau pea le tala:


Ona o ae lea o i latou i luga o le fale, ua tuutuu ifo ia te ia ma lona moega i maa omea o le fale i totonu i luma o Iesu.

“Ua silafia e ia lo latou faatuatua, ona fetalai atu lea o ia ia te ia, Sole, ua faamagaloina au agasala” (Luka 5:19–20).

Na manatu le au tusiupu ma le au Faresaio o se upuleaga i le Atua lea mea, o lea na tali atu ai Iesu:

“Po o le fea e faigofie, po o le fai atu, Ua faamagaloina au agasala; po o le fai atu, Tulai ia, ina savali?

“Ae peitai ina ia iloa ai e outou o i le Atalii o le tagata le pule i le lalolagi e faamagalo ai agasala, (ua fetalai atu ia i le supa,) Ou te fai atu



la avea ma se uo e aveina tagata ia Keriso.

ia te oe, Tulai ia, ina ave lou moega, ma e alu i lou fale” (Luka 5:23–24).

E matagofie le iuga o le tala:

“Ona tulai loa lea o ia i o latou luma, ua ave le mea na taoto ai o ia, ona alu ai lea i lona fale, ua

O SE TAGATA E MALAI ILE MA’I SUBA NA TUUINA IFOLATO MALE TAUALUGA IAIESU SAUNIA E FRANK ADAMS FAALOGOAGA A LE FALEMARAGA O TAIAFAASOLOPI O LE KALEFESIA



vivii atu i le Atua.

“Ua matua ofo i latou uma, ma vivii atu i le Atua, ua latou matua fefefe foi, ua faapea ane, Ua fai ese na mea ua tatou iloa i le aso nei” (Luka 5:25–26).

Afai E te Lagona le Vaivai Faaleagaga

Masalo e te le'i molimauina sea ituaiga o mea na tupu, ae e tele lava auala eseese e faaaoga ai lenei tala i lou olaga. E mafai ona e tuuina oe

lava i le tulaga o le tamaloa ma’i. Faapea la sa e vaivai—e le o le faale-tino ae faaleagaga. O fea o le a ave i ai oe e au uo? Atonu e i ai se pati po o se ata tifaga po o se isi gaoioiga, ma e le tele sa'u faamatalaga i lea tulaga—o fea o le a latou aveina i ai oe? E aoao mai e lenei tala se lesona matagofie: Atonu o le a i ai se aso o le a e le malosi ai e pei ona tatau ai. O le a taua i lena tulaga le filifiliga o au uo. Filifili ni uo o le a aveina oe ia Keriso. O le i ai o ni uo o e o le a aveina pea oe i nofoaga maualuluga o se faamanuiaga lea e le lau maua.

O Le a le Ituaiga Uo e I Ai Oe?

Ae e i ai le isi auala e tilotilo ai i le mau lenei. Tuu oe lava i tulaga o uo. O le a le ituaiga uo e i ai oe? E ui o le Faaola na faamaloloina ma faamagalo i le tamaloa, ae e taua foi le ta'uina o uo. Na latou alolofa i la latou uo ma mananao e fesoasoani ia te ia. Latou te faavaivai ma o i le fale ina ua faigata le tulaga. Mafaufau i le fiafia na latou lagonaina ina ua tilotilo mai i lalo mai le taualuga ma iloa mai la latou uo ua tu i luga ma ave lona moega ma savali! O le isi na lesona: Ia avea ma se uo e aveina tagata ia Keriso. O nei uo na lotote-tele, faatauanau, e oo lava i le soga-soga o le mafaufau. I soo se upu, i soo se gaoioiga, i soo se filifiliga, e mafai ona e taitaiina tagata i le Faa-ola, o le na te mafai ona faamalolo-inia i tatou e le na o le faaletino ae faapea foi le faaleagaga. ■



Saunia e Elder
Carlos A. Godoy
O Le Fitugafulu



OLE TALALELEI E MO TAGATA UMA

*Sa masani lava ona ou mafaufau po o fea e sau ai le fiafia moni.
Ona ou mauaina lea i totonu “o se pusa lapo’ā”.*

Ao 16 o'u tausaga ma nofo ai i Porto Alegre, Pasila, sa i ai se uo a lo'u uso matua e masani ona asiasi mai i lo matou aiga. I se tasi aso na ta'u mai ai e lenei uo ia i matou ua ia mauaina se lotu ma e fiafia o ia i le auala e ola ai ona tagata.

Na ia ta'u mai ia i matou sina mea itiiti e uiga i sona aafiaga i le auai i Le Eklesia a Iesu Keriso o le Au Paia o Aso e Gata Ai, ae na te le o mautinoa po o ma'ua ma lo'u uso o ni “meatotino faalelotu.” Na ia iloa o o ma olaga na aofia ai le ulaula ma le inupia ma faafiafiaga faalelalolagi, ma na ia manatu o tulaga faatonuina o le Eklesia o le a faigata tele mo maua ma lo'u uso ona taliaina, ma o le a faigata tele ia i ma'ua ona faia se suiga.

Peitai, o lo ma tuafafine, e le ulaula pe inupia. Sa ia ola i se olaga mama ma o se teine lelei ma agaalofa. Ona o nei uiga, na manatu ai le ma uo atonu e fiafia o ia i tulaga o le Au Paia o Aso e Gata Ai, o lea na ia fesili ai i lo matou tina pe mafai ona la o ma lo'u tuafafine i se gaoioiga a le Eklesia.

Na ioe i ai lo matou tina ae pe a faapea la e alu lo'u uso po o a'u foi. Na vave atu le oso atu o lo'u uso nai lo a'u ma faapea atu, “Leai a'u!” O lea na tofi ai a'u e o i le gaoioiga ma lo'u tuafafine.

Ou te le'i popole tele i ai. Sa ou fia iloa lava sina mea



Sa le'i mautinoa e le uo a lo'u uso po o ma'ua ma lo'u uso (luga) o ni “meatotino faalelotu”.

Ae na ou fia iloa.

e uiga i le Eklesia talu ona ou vaai i le falesa tele, ma faatafafa e faafesagai ma la'u aoga. Sa ou vaai soi i tagata o o mai ma o i le lotu, ma na ou iloaina e ofutino papae ma fusiu ia alii. Ou te fia iloa lava po o le a se mea o tupu i totonu “o le pusa lapo’ā,” o lo'u mafaufau lena i na vaitaimi e uiga i le falesa.

O La'u Gaoioiga Muamua

Na matou taunu i le falesa ma lo'u tuafafine ma la matou uo. I totonu, i le ogatotonu o le fale faafafia tele na i ai se vaega toalaiti o tagata: faifeautalai tamaitai e toalua ma e masalo e toaono isi. Na latou taaalo i se taaloga faigoifie ma ‘ai a latou popukoni ma le vaiinu. Sa talitalie ma fiafia tagata uma.

“O ai nei tagata,” o lo'u mafaufau lea, “aisea ua matua fiafia ai?” Ou te iloa e lē ona o le taaloga lea latou te taaalo ai po o le siosiomaga faaletino po o le auala latou te fefasoaai ai. E matua faigofie uma na mea. Na foliga mai o le fiafia na sau mai i totonu ia i latou.

Sa masani lava ona ou mafaufau po o fea e sau ai le fiafia moni ma o le a se mea ou te faia e maua ai. Na ou manatu atonu e sau mai gaoioiga faagaeetia po o le faia o ni tafaoga e le masani ai, po o le saili i mea uma o loo ofoina mai e le lalolagi. Sa ou faia nisi o na mea, ae e le'i

faatumuina le gaogao sa ou lagonaina. Ona ou alu lea i lena falelotu, lea na i ai nei tagata na matua fiafia e aunoa ma nisi o na mea. Na tēlē se aafiaga ia te au.

Ina ua uma le gaoioiga sa tutu faifeautalai i le faitotoa ma faatalofa ma tagata uma. Ina ua oo lo'u tuafafine i le faitotoa, sa la fesili ia te ia pe na te fia malamalama atili i le Ekalesia. Fai mai o ia, "Leai, faafe-tai." Peitai sa ou popole pea. Sa ou lagona se "naunau ina ia talitonu" (Alema 32:27), o lea la ina ua la valaaulaina a'u e aoao atili e uiga i le talalelei, na ou tali atu ioe.

E le'i fiafia o'u matua i lesona a faifeautalai po o le faia i lo matou fale, o lea na ou faatulagaina ai e fai lesona i le falelotu. I le faagasologa o le masina na sosoo ai sa ou aoao e uiga i le talalelei toefuataiina a Iesu Keriso—e uiga i mea na matua fiafia ai na tagata i lena fale faafafia. Na ou iloa o le fiafia e oo mai i le faia o le finagalo o le Alii mo a'u, lea e sau mai totonu, ma e mafai ona ou fiafia e tusa lava po o a mea o loo siomia ai a'u. O lena aoaoga faavae e "suamalie ia te a'u" (Alema 32:28). Sa ou manao i ai i lo'u olaga.

Ua mavae le masina talu lena gaoioiga muamua, na ou fuafua ai e auai i le Ekalesia. I tausaga na mulimuli mai, na auai ai foi ma o'u matua i le Ekalesia.

Tofotofoga ina ua mavae le Papatisoga

Sa ou feagai ma le tele o luitau ina ua uma ona ou papatiso. O suiga na manao-mia ou te faia i lo'u olaga na taua. E ese mai lena mea, o nisi taimi sa ou lagona le leai o ni a'u uo i le Ekalesia, ma sa faaososoosina a'u ou te toe foi i a'u uo tuai. Na tetea o'u matua mulimuli ane, ma sa faigata foi lea mea mo a'u. Ae o



O Elder Godoy a o faifeautalai i Pasila, i le 1982.

O lo'u aafiaga i le liuaina—o a'u lava faatasi ai ma isi—ua aoaoina ai au e mafai ona pa'i mai le Agaga i soo se tasi, i soo se nofoaga ma e leai lava se mamanu talafeagai mo se tagata ua faamoemoeina e avea ma se tasi o le Ekalesia. Tatou te manaomia uma lava le talalelei a Iesu Keriso.



O SE VALAAULIA E FAASOA ATU LE TALALELEI FIAFIA

"I alii talavou o le Perisitua Arona ma outou na alii talavou

ua avea ma toeaina: ou te toe fai atu i mea ua loa ona aoao mai e perofeta—o alii talavou agavau uma lava, malolosi e tatau ona saunia e auauna atu i se misiona. O le galuega faafaifeautalai o se tiute faaleperisitua—o se matafaiou ua faamoemoe le Alii mai ia i tatou ua tele naua mea ua tuuina mai i ai."

Perisitene Thomas S. Monson,
"A O Tatou Toe Potopoto Faatasi Ai,"
Liahona, Nov. 2010, 5–6.

lo'u naunau ina ia lagona le fiafia—ma lo'u malamalama e mafai lava ona tatou maua le fiafia e ui i tulaga faaletino—na fesoasoani lea ou te toe sau ai pea i le lotu. Na ou iloa e le mafai ona "tuu ese [lo'u] faatuatua" (Alema 32:36). I le aluga o le taimi na ou faia ai ni uo i totonus o le Ekalesia o e na fesoasoani ia te au i le taimi o le suiga. Ma a o faaauau pea ona ou ola ai i le talalelei, na tuputupu ae la'u molimau ma lo'u fiafia (tagai i le Alema 32:37).

O lo'u aafiaga i le liuaina—o a'u lava faatasi ai ma isi—ua aoaoina ai au e mafai ona pa'i mai le Agaga i soo se tasi, i soo se nofoaga ma e leai lava se mamanu talafeagai mo se tagata ua faamoemoeina e avea ma se tasi o le Ekalesia. Tatou te manaomia uma lava le talalelei a Iesu Keriso. O loo tatou i ai uma lava i le faagasologa o le avea atili faapei o Ia.

Na fesoasoani lena malamalama ia te au i le avea ai ma se faifeautalai i São Paulo, Pasila; i le avea ai ma se peresitene o le misiona i Belem, Pasila; ma i le avea ai ma se tagata o le Ekalesia. Na fesoasoani lena ia te au a o ma tapenaina ma lo'u toalua le ma fanau mo le galuega faafaifeautalai. E toalua le ma fanau ua uma ona auauna atu faafaifeautalai, ma a o le'i o ese atu i laua, na ou toe faamanatu atu ia i laua e aua ne'i faamasinoina tagata i o latou foliga po o auala o ola ai. "Aua ne'i tuulafoaiina nisi ona e te faapea e ese lava i latou," na ou ta'u atu ia i laua. "Taumafai e vaai i totonus. Atonu o loo i ai se isi Carlos iina."


Ou te faafetai i le iloaina o i tatou uma o fanau a le Atua, ma ua ou iloa o tagata uma—e le na o ni nai tagata—o se sui mo le mauaina o le fiafia lea e oo mai i le ola ai i le talalelei a Iesu Keriso. ■

MAFAUFAU I LE **FAAVAVAU**



Tagai i le MFF 131:1-4; 132:1-20.

INA UA LE VAAIA A'U



Taofia le igoa

Ele'i leva lava ona matou taunu i lo matou potu i le faletalimalo ae tatagi loa le telefoni. Na ou iloa lava o le a avea ma se tala le lelei e uiga ia Jodi, o lo'u uso e iva masina le matua. Sa koma talu lona fanau mai ma e manaomia le vaavaaia i le taimi atoa ma le fafagaina faapitoa i le faagaau. Sa matou tuuina Jodi mo sina taimi le tumau i le nofoaga autu e tausi ai ina ia mafai e lo matou aiga ona o i se tafaoga ua matua manaomia lava.

Na ou taliina le telefoni. O lo'u tama matua sa i luga o le laina. Sa mausali lona leo: "Tuuifo i lou tama."

Sa vave ona uma le la talanoaga. Na faamautinoa mai o'u popolega. Ua maliu Jodi.



O le aso na sosoo ai, ina ua matou taunu i le fale, sa ou mapuea. Sa i luga o le auala le pasi. O le a o mai a'u uo. O le a ou maua se tasi ma te tupulaga e faasoia i ai o'u tiga.

Peitai, a o ou tu i le auala taavale e faatali mo a'u uo, na ese se mea na tupu. Na toeitiiti lava pei ou te le o i ai iina. Sa ou vaai atu a o kolosiina e a'u uo le isi itu o le auala ma faauau ai pea ona talatalanoa le tasi i le isi. Latou te le'i tilotilo mai lava ia te a'u.

E le'i pikiina a'u e a'u uo i le taeao na sosoo ai e pei ona latou masani ai. "E malamalama lena tulaga," o lo'u manatu lea. Masalo latou te iloa ou te le alu i le aoga ona o sauni-uniga mo le maliu. Ae latou te le'i o mai i le aso na sosoo ai po o le isi ma le isi. Latou te le'i faatali foi mo

a'u ina ua tuua le aoga.

O le taimi lea sa maua e lo'u aiga le tele o fesoasoani mai le Aualofa ma isi tagata o le uarota. Ae peitai, e le'i faatoofilemuina e le supo moa le tiga matuitui o lo'u fatu e 13 tausaga. Ina ua ou toe foi i le Mutualie, na fai e le faufautua se lesona e uiga i le olaga pe a mavae le oti. Na amata ona ou tagi. Na tilotilo i lalo le faufautua ma faauau pea ona faitau. Na sioa la'u vasega. Na ou masūsū. Oka so'u manao i se tasi e ma te fetagisi faatasi po o le opoina o a'u i ona lima.

O le toe tepa i tua i na mea na tutupu, na ou iloa ai e le'i faapea na agaleaga pe le'i popole a'u uo. Sa

faamafanafana e faatatau i le faia o mea e masani ai.

Aua e te mafaufau faapea e tatau ona tuuina atu se lauga e uiga i le olaga pe a mavae le oti. Pe a tuuina atu lea ituaiga lesona, fai e pei ona fautuina mai e Alema: "Faanoanoa faatasi ma e faanoanoa; ioe, ma faamafanafana i e ua tatau i ai le faamafanafanaga" (Mosaea 18:9). Masalo ua leva ona iloa e lau uo o le a ia toe vaai i se pele ia te ia, ma e afai e leai, o le a oo mai lava le autu i se auala e masani ai a o ia faaalia ona manatu ma popolega. O le taimi lena e tuuina atu ai lau molimau i le ata o le faaolataga.

latou le iloa le auala latou te tali ai o'u tiga. Sa latou manatu sa ou manao e tuua na o au ou te faanoanoa ma, talu ai ona sa ou faanoanoa, sa ou le'i manao e faia se mea faafafia.

O mea nei ou te momoo i ai maimau pe a na iloa e a'u uo ma le faufautua:

Ia i ai iina mo lau uo. Avatu ia te ia se tusi po o se fugalaau, ae o le mea sili ona taua, ave oe lava. Tuu atu ou lima e opoina mai o ia ma faailoa atu ia te ia lou popole. Ma pe a mafai ai, o i le maimoaina o le tino maliu po o le sauniga o le maliu.

Faaaoafia lau uo i mea e masani ona oulua faia. Ua uma ona masani lau uo i le toesea o sē ē pele. Aua foi le toe tau faamasani o ia i le motusia o le lua faigaou. E i ai se tulaga


Ua mavae le tausaga talu ona maliu lo'u uso, ae maliu loa le tina o la'u uo. Sa ou lagona le faanoanoa ofoofogia. Na ou manatu, "O le isi taimi ou te vaai ai ia te ia, o le a ou ta'u i ai lo'u faanoanoa mo ia." Ona ou manatua-in lea o lo'u foi aafiaga, na ou iloa ai sa manaoia a'u e la'u uo i le taimi lava lena. Sa ou lagona le fefe, a o o'u savali atu i lona fale. Ae a pe a ia le fia vaai mai ia te au? Atonu e le mananao lona aiga ou te i ai iina. Pe tatau ona ou faatali sei ma talanoa i se taimi mulimuli ane? Ae ina ua ia tatalaina le faitotoa, sa ou iloa ai lona fafia ina ua ou sau. Sa pisi lona tama ma ona tei matutua i le tapenaina o le maliu. Sa ma savalivali. Ou te le'i popole i se mea e talanoa ai. Na talanoa lava o ia i le tele o taimi. ■

E Tatau ona Fefaaasoaaai ia Uso

Saunia e Adam C. Olson

Mekasini a le Ekalesia

Epei o le tele o au uso o e e na o le 18 masina e va ai, o Marilia ma Nicole P. o Cuzco, Peru, e tele mea e tutusa ai. E la te fiafia uma i le *ceviche*, o se meaai faaleatunuu a Peru e faia i le i'a ua uma ona sokaina i le sua o le tipolo. La te fai mai foi o le miti a Liae o le la tala faaletusipaia lea e sili ona la fiafia ai. Ma pe ana faapea o le pese "Ua Sili Oe" ua na o le pau lea o le pese i le tusi pese, la te fiafia uma e usuina pea lava pea.



O Mea e Sili ona Fiafia i ai Marilia

O le meaai e sili ona fiafia i ai: Ceviche
Mau e sili ona fiafia i ai: Miti a Liae (tagai i le1 Nifae 8)
Pese e sili ona fiafia i ai: "Ua Sili Oe" (Viiga, nu. 46, 47)
Mataupu e sili ona fiafia ai i le aoga: Saeinisi
Mea sili e faapasi ai le taimi: Pese, siva, ma le tietie uila



Mea e sili ona fiafia i ai Nicole

Meaai e sili ona fiafia i ai: Ceviche
Mau e sili ona fiafia i ai: Miti a Liae (tagai i le1 Nifae 8)
Pese e sili ona fiafia i ai: "Ua Sili Oe" (Viiga, no. 46, 47)
Mataupu e sili ona fiafia ai i le aoga: Numera
Mea sili e faapasi ai le taimi: Volipolo



O Le Faasoaina atu o se Molimau i le Tatalo

O le isi mea la te tutusa ai o se molimau malosi lea e taliina e le Tama Faalelagi ia tatalo.

"Ou te iloa e moni le Ekalesia aua pe a ou tatalo, e Na te taliina mai," o le tala lea a Nicole, lea e 10 tausaga. "Pe a ou fesili atu ia te Ia mo se fesoasoani, e Na te fesoasoani mai ia te a'u."

Na faamatala e Nicole se taimi na ma'i tigaina ai sana uo ma fuafua ai e fomai e ave o ia i Lima o le laumua o Peru, ona latou te le iloa se togafiti mo ia. "Ou te le'i manao e alu o ia ona o ia o la'u uo mamae," o le tala lea a Nicole. "Sa ou aioi atu i le Tama Faalelagi ina ia faamanuia o ia. Na Ia faafofoga i la'u tatalo, ma faamalolo ia te ia."

O Marilia, e 11 tausaga, na fai mai o le mafuaaga e fiafia ai o ia i le tala i le miti a Liae ona ua i ai na o ia lava i le pogisa, na ia tatalo "ma na tali mai e le Alii".

"Ou te iloa e moni le Ekalesia ona ou te lagonaina i totonu o lo'u loto pe a ou tatalo," o lana tala lea. "E faafofogaina a'u e le Atua ma e pe a ou aioi atu i se mea, e Na te tali mai."

O le isi mafuaaga la te fiafia uma ai i lena tala faatusi paia ona sa usiusitai ia Nifae ma Sama.

O Le Fetufaai o Eseesega e Fesoasoani ai i le Aiga

E ui o mea uma e tutusa ai i laua, e i ai foi i lenei auuso ni eseesega. I le aoga, e fiafia ia Marilia i le saenisi, a o Nicole e fiafia i le numera. E fiafia Marilia e siva, pese, ma tietie i lana uila. O Nicole e fiafia e taalo volipolo ma fiafia i meaola.

E matua fiafia lava Marilia i le kuka. E fiafia o ia e matamata i ata kuka i le televise. O Nicole e faaaogaina le taimi e auauna atu ai i isi, ma e vave foi lona loto faamagalo.

E faaaoga e teneiti o la'ua lava



Pe a ma le 11,000 futu (3.4 km) e maualuga ai mai le sami, o Cuzco o se tasi o nuu pito i maualuga i le lalolagi. O le nuu e pe a ma le 900 tausaga le matua, ma e avea ai ma se tasi o nuu e sili ona matua i Amerika.

uiga ma taleni e fesoasoani ai i lo la aiga.

E nonofo Marilia ma Nicole i luga o Mauga o Andes ma o la matua, o la uso laiti e toalua, ma lo la tuagane laitiiti. O le alofa mo lo la aiga o se tasi lea o mea e sili ona taua e fefaasoai ai le auuso e toalua. Ma e faapei ona fefaasoai Nifae ma Sama i se naunauga ina ia usiusitai ma fesoasoani i lo la aiga, e faamoemoe foi Marilia ma Nicole o la uiga tutusa *ma* o la eseесега о le a faamanuiaina ai lo la aiga. ■





Saunia e Peresitene
Thomas S. Monson

O Le a Matou Fafaina Oe!

Ao ou sau i la'u taavale i le ofisa i se tasi taeao, sa ou pasia se faailoilo. E faitauina, "O Le Galuega e Taulia." Sa le mafai ona alu ese ma lo'u mafaufau lena savali. O le mea moni lava o le galuega e taulia—o le galuega a le Alii.

I le tele o tausaga ua mavae sa ou maua ai le avanoa e tuu atu ai se faamanuiaga i se tamaitai talavou lalelei e 12 tausaga le matua, o Jami Palmer. E lei leva ona maua o ia i le kanesa. Sa ia iloaina ai o lona vae sa i ai le kanesa o le a moomia ni taotoga se tele. O se savaliga sopo ua leva ona fuafuaina faatasi ma lana vasega a Tamaitai Talavou i luga o le auala gaoa sa le fesilgia, o lona mafaufau lea.

Sa ta'u atu e Jami i ana uo o le a alu le latou sopo e aunoa ma ia. Ou te mautinoa sa pei e gau lona leo ma sa faanoanoa lona loto.

Ae peitai sa tali faamalosi atu isi tamaitai talavou, "E leai, Jami, tatou te o ma oe!"

"Ae le mafai ona ou savali," o lana tali atu lea.

"O lona uiga la o le a matou fafaina oe i luga!" Ma sa latou faia lava.

E leai se tasi o na tamaitai talavou peleina o le a faagaloina lena aso galo gata ina ua silasila ifo ai se Tama Faalelagi alofa ma soisoi ifo ma le fiafia ma le faamalieina o lona finagalo i lena mea.

I le Tusi a Mamona tatou te faitau ai i le tupu mamalu o Peniamina. Na ia folafola atu, "Faauta foi, ou te fai atu nei mea ia te outou ina ia outou a'oa'o i le poto; ina ia outou iloa lenei mea, pe a i ai outou i le galuega a o outou

uso ua na ona i ai outou i le galuega a le Atua" (Mosaea 2:17).

O le galuega lenei e taulia, le galuega ua valaauna ai i tatou uma: le galuega a le Alii o Iesu Keriso. ■

Mai se lauga o le konafesi aoao ia Oketopa 2006.



TATOU TE AUAUNA ATU FOI

Tagai i le auala na filifili ai e nei fanau e auauna atu ai i isi.

Auauna atu i le Su'isu'i

Ina ua faalogo Sara, e 9 tausaga, mai Oklahoma, ISA, e uiga i le mafuie i Haiti i le tausaga lea ua te'a, sa ia mafaufau i teneiti na leai ni o latou fale. E le'i leva ona maua sana laau suisui i lona aso fanau, ma sa ia fuafua loa e fai ni sakete faigofie mo nai teneiti. Sa manaomia le onosa'i a o toe talaina e Sara mea na suiina ina ia faasa'o mea na sese. Peitai e lei umi ae ua ia suiina sakete fou e 18. Na ia auina atu [sakete] i le Nofoaga Autu mo Fesoasoaniga Alofa a le Ekalesia mo teneiti i Haiti.



Auaunaga i Ato Faafafa

Na tuufaatasi e Alesi, e 9 tausaga, ma Noa, e 6 tausaga, mai Oregon, ISA, ni ato faafafa se 15 e tumu i mea e faaaoga i le aoga mo tamaiti na manaomiaina. Na la aoina mai ni foai mai uo ma tagata o aiga o e na mananao e fesoasoani. "O le tuufaatasia o ato faafafa na ou maua ai se lagona lelei i totonu," o le tala lea a Alesi.



Lima Naunautai

Na manaomia e le paranesi a Rikki i Kalefonia, ISA, se tasi e na te taina le piano. Sa na o le iva o ona tausaga, ae na ia Rikki ni lima fesoasoani. E lima tausaga na a'o ai lana ta piano, ae na i ai nisi o viiga na faigata ona taina. O le taimi nei e na te filifilia ma taina viiga mo le sauniga faamanatuga i vaiaso taitasi. "E ui lava ina sa ou fefe, ae na ou iloa e taua le auauna atu i la'u paranesi," o lana tala lea. "Ou te lagonaina le toofilemu pe a ou taina viiga."




Keke mo Fasimoli

O Eliana, e 7 tausaga, na faalogo o loo manaomia e lana siteki i luta, ISA, le 300 fasimoli mo tamai ato e tuu ai mea mo le tumama mo tagata na aafia i le mafuie. Sa la fuafua ma lona tina e taoina ni kuki se tele ma fesuiai pe faatau atu mo fasimoli. E le itiiti ifo ma le ta'i tasene na okaina e o latou tuaoi uma. Sa mafai ona faatau mai fasimoli e 172, i le faaaogaina o se pepa talaoa. "Ou te iloa ua faamanuiaina a'u ma lo'u aiga e le Tama Faalelagi ona o le faia o la matou vaega," o le tala lea a Eliana.



TAALO I SE TAALOGA FAATUSATUSA

Vase se laina i le va o le ata a le tamaiti po o tamaiti ma se aitema o i lalo o loo talanoaina i le tala. O nisi o tala o le a sili atu ma le tasi se aitema.



Faasoa Mai Ni Ou Manatu


Afafai ua e mauaina se auala lelei e fesoasoani atu ai i se tasi e i ai se manaoga, matou te fia faalogo i ai. Tagai i le itulau e 3 e iloa ai le auala e auina mai ai ia i matou ou manatu.

*E mafai ona e faaaogaina lenei lesona
ma le gaoioiga e aoao atili ai e uiga i
le autu a le Peraimeri mo lenei masina.*

Ua Aoao Mai e Tusitusiga Paia le Fuafuaga a le Tama Faalelagi

*"Faauta, o la'u galuega ma lo'u mamalu lenei—ia faataunu le faafuina
o le tagata i le tino ola pea ma le ola faavavau" (Mose 1:39).*

Saunia e Ana Maria Coburn
ma Cristina Franco



Amatou o i se taulaga e fou ia i matou pe o foi i se malaga, e i ai a matou faafanua e fesoasoani ina ia matou taunu ai iina. O nei faafanua e mafai ona taialaina ma fesoasoani ia i matou ia lē sē.

Na saunia e le Tama Faalelagi ni "faafanua" e taialaina i tatou i le olaga. O nei "faafanua" o tusitusiga paia. O ni tusi e paia ma e mafai ona fesoasoani ia tatou malamalamai i le mafuaaga ua tatou i ai i le lalolagi ma le auala tatou te toe foi atu ai i le afioaga o le Tama Faalelagi.

Ua aoao mai e tusitusiga paia, o i tatou o ni atalii po o ni afafine o le Tama Faalelagi ma sa tatou nonofo faatasi ma Ia ae tatou te le'i fananau mai. Na ia faia le lalolagi mo i tatou e nonofo ai. Na Ia auina mai Lona Alo, o lo tatou Faaola o Iesu Keriso, ina ia maliu mo i tatou ma fesoasoani ia i tatou pe a tatou sese, pe tatou te faanoanoa foi ma tuuatoatasi.

Na tuu mai ia i tatou e le Tama Faalelagi ia poloaiga e fesoasoani ia i tatou ina ia avea faapei o Iesu Keriso. Ina ia mulimuli i le fuafuaga a le Atua, tatou te manaomia le

salamo pe a tatou faia se mea sese, ia papatiso, ma maua le meaalofa o le Agaga Paia e taitaiina i tatou i aso uma. O le fuafuaga a le Tama Faalelagi o le ala sili o le fiafia. E finagalo o Ia ia tatou toe foi atu ma o tatou aiga e mau faatasi ma Ia ma Lona Alo o, Iesu Keriso.

Gaoioiga

Faitau mau faasino taitasi i le itulau e 65 ma vase se laina i le ata e tutusa. E mafai ona faaaoga e lou aiga nei ata e talanoa ai e uiga i le ata o le faaolataga i le afiafi faaleaiga. ■

Mamalu Selesitila



MFF 93:29



KENESE 1:1



MOSE 5:4

3 NIFAE 17:18–24

3 NIFAE 22:13

ALEMA 11:42

MFF 76:92–96



Muai Olaga




O La Tatou Itulau



I se tasi aso a o matou agai atu i le fale mai le lotu, na ou lagonaina se mea i lo'u lotu na ou matua lagona ai lava le fiafia. Sa lagona le faatasi mai o le Agaga Paia, ma na ou manao e tala'i atu le talalelei i tagata uma lava o e le'i iloa lenei galuega matagofie lea ua suia ai lo'u olaga ma lo'u aiga. Ina ua matou taunu i le fale, sa ou alu i lo'u potu ma faitau le Tusi a Mamona. O la'u mau ou te fiafia lava i ai o le Mosaea 2:17, lea e ta'u mai ai pe a ou auauna atu i isi, ua ou auauna atu i le Tama Faalelagi.

**Roberto C., 10
tausaga, Bolivia**



Elena Z., 9 tausaga, Belarus

Ole a le gallo lava ia te au le lagona fiafia na ou faalogoina a o papatisoina a'u. Na papatiso a'u e lo'u tama, ma na usu le pese a nai o'u tei mo au. Na fesili mai lo'u tina pe ou te fia molimau, ae na ou fai atu ou te fia usuina se pese Peraimeri na aoaoina e faaaliai ai lo'u lagona. Na ou usuina le pese, "Ou te fiafia i nuanua pe a timu mai. Ma mafaufau i le manaia o le lalolagi toe mama" ("Pe A Ou Papatiso," *Tusipepe a Tamaiti*, 53). Ao ou usuina le pese, sa ou lagona e pei o le a oso mai i fafo lo'u fatu! O le a le gallo lava ia te au foliga o lo'u aiga ma le lagona na ou maua i lena aso. O le aso sili lea ona taua o lo'u olaga.

Esther F., 8 tausaga, Costa Rica



O Marcelo B., e 9 ona tausaga, e nofo i Pasila. Ua ia faasoaina mai se molimau i le Faaola. Ua ia iloa o loo soifua lesu, ma e na te iloa e mafai ona ia toe foi i le afioaga o le Tama Faalelagi pe afai e usitai o ia i poloaiga. E fiafia o ia e faitau i itulau a tamaiti i le Liahona.



Oloo auina atu e tamaiti o le Peraimeri a le Uarota a Cabudare i le siteki a Barquisimeto Venezuela o latou alofaaga i tamaiti uma o le Peraimeri i le lalolagi. Latou te fiafia e usuina pese, ma e latou te tatalo mo a latou uo Peraimeri ma le perofeta o Peresitene Thomas S. Monson, ma Sister Monson.




Na papatiso ou matua ae ou te lei fanau mai, o lea la sa ou i ai i le Ekalesia i lo'u olaga atoa. Na faaigoa a'u e lo'u tama ia losefa ona o le tele o mea maoae na faia e le Perofeta o losefa Samita ma e faapea foi ma losefa lea na faatauina i Aikupito. Na faasaoina e losefa i Aikupito le toatele mai le oge, ae na toefuatai mai e le Perofeta o losefa Samita le Ekalesia moni i le lalolagi. E uunaia au e nei losefa maoae e toalua ina ia ou ola ai i le talalelei.

Ou te fiafia i le Peraimeri, ma e ou te fiafia i tala o le Tusi a Mamona. O le tala ou te fiafia ai lava o loo i le Alema e 8, lea e usitai ai Alema i le Alli ma toe foi e aoao atu le talalelei i tagata o Amonaea faatasi ma Amoleka. Ou te fia avea ma se faifeatalai ma se loto mausali faapei o Alema.

Joseph O., 11 years old, from Kenya

Joshua A., 12 years old, from the Philippines



Afai e fia fai sou sao i La Tatou Itulau, i-meli au tusiga i le liahona@ldschurch.org, ma ta le "La Tatou Itulau" i le laina o le mataupu.

O tusiga taitasi e auina mai **e tatau** ona i ai le igoa atoa o le tamaiti, itupa, ma ona tausaga faatasi ai ma igoa o matua, uarota po o le paranesi, ma le siteki po o le itu, ma le faatagaga tusia a matua (e taliaina i-meli) e faaaogaina ai le ata o le tamaiti ma le tusiga na auina mai. E ono faasa'o-inia tusiga e auina mai mo le manino po o le uumi.

O Le Apogaleveleve

ma le Leo Lemu, ma le Itiiti

"O le leo itiiti ma le malie lava ia, e peiseai o se musumusu" (Helamana 5:30).

Saunia e Joshua W. Hawkins

E faavae i se tala moni

Faafetai mo le valaauliaina o a'u, "Jake," o le tala lea a Britton a o ia alu ese mai le fale o lana uo. "E tatau ona ou alu i le fale i le taimi lenei mo le 'aiga o le aoauli."

Na talotalo faatofa nei uo a o agai atu Britton i le auala pefu lea e masani lava ona ia uia e alu atu ai ma toe foi mai ai mai le fale o Jake. Ona faasolo lea o lana vaai i le malae lea na te faaigoaina "o le Togavao." E le'i i ai ni laau po o ni manu feai, na o se tamai auala e ui atu i se vaega o mutia maululuga ma vao mamago. O se auala sili ona vave e alu ai i le fale.

Na mafaufau Britton mo sina taimi ma faatopetope ona faafiofi atu i le va o pou o le pa o loo siomia ai le malae.

Patia! Patia! Na gapāpā laau mamago ma mutia ao taalili atu Britton i luga o le ala. Na ia lagona le pipii o lona ofutino i lona papatua i le vevela o le la. Ona oso ae lea o si tamai savili, ma fuafua ai loa Britton e taututuu ma le matagi malu i le fale.

Na faaititia le auala. Na iloa e Britton o loo i ai se alia i luma atu, ma sa ia tamoe tele vave ai. I le pioga mai i le tulimanu, ma o le a ia oso i le isi itu o le





alia ae faafusei loa ona faalogo-inia se upu **Tu!**

Na tu faafusei Britton ma faa-logo. Pau lava le mea na ia lagona o le uu o le mutia i le savili. Na faanunumi le muaulu o Britton. Na matua manino lava le leo ae lemu, e pei o loo musumusu mai se tasi i lona taliga. Ae e leai se tasi na vaaia.

Na faamimigi tauau o Britton ma faliu e puna i luga o le alia. Ona ia tu lea ua le minoi. I ona luma tonu lava sa iila mai ai se faamoega lapoa o se apogaleveleve e pei o se upega



Una o se tatalo tatou te va ai ma lo tatou Tama Faalelagi, a o le Agaga Paia ua na o se musumusu."

Elaine S. Dalton,

peresitene aoao o Tamaitai Talavou, "I Aso Uma, i Mea Uma, ma Nuu Uma," *Liahona*, Me 2008, 118.

o loo alu i luga o le alia. I le ogatotonu o le faamoega o loo faatalitali mai ai se apogaleveleve lapoa.

Na sioa ia Britton i le apoga-leveleve mo sina taimi. Ona ia tote tamoe lea i tua i le auala e alu ese mai ai i le togavaao. Ma ia filifili ai e ui i le auala pefu i le fale.

"Tina! Tina! E te iloaina?" Na tamoe atu Britton i le faitotoa ma pisi e sue ia Tina. Na tau le manava o ia i le faamatalaina o lona alu atu i le Togavao, o le leo, ma le la feilo-aiga faafesagai ma le apogaleveleve. "Sa faapea lo'u latalata i ai, Tina!"

Na tuu i luga ona tamai lima ma faaali atu ia te ia.

"Oka! Se taufafefe o lena mea," o le tala lea a Tina. "O fea na e manatu na sau ai le leo lea na e faalogoina?"

"Ou te le iloa," o le tala lea a Britton. "E le'i i ai se isi iina. Pe e te manatu sa na o se savili?"

"E te manatua le mea na tatou aoaoina i le afiafi faaleaiga e uiga le leo lemu, ma le itiiti?"

O le fesili lea a tina.

"Ioe. O le auala lena o loo talanoa mai ai le Tama Faalelagi ia i tatou, e sa'o?"

Na toso ese mai e Tina ia tusi-tusiga paia mai le fatatusi e sosoo ma le laulau 'ai ma susu'e i le tusi a Helamana.

"O le auala lea na faalogoina ai e sa Nifae le siufofoga o le Alii," o lana tala lea. "Ua iloa e le o le leo o le faititili, po o le leo o le pisapisao tele, a e faauta, o le leo itiiti ma le malie lava ia, e peiseai o le musu-musuga" (Helamana 5:30).

"Ei! O le mea lena na foliga i ai—o se musumusu! Sa ou faalogo i le leo lemu, ma le itiiti!"

Na ataata Tina. "Ioe, na e faalogo i ai. Ma na e faalogo e pei lava ona tatau ai. Ua ou matua mitamita lava ia te oe."

Na fusi atu Britton ia Tina. O le mitamita o lona tina ia te ia, na lelei ai ona lagona. A o le iloaina na ia faalogo i le leo lemu, ma le itiiti na atili ai ona ia fiafia. ■

E Mafai Foi Ona Avea Au ma Faifeautalai

Saunia e Estherlynn Kindred Lee

E faavae i se tala moni

“O le mea lea, afai o ia te outou le manao e auauana atu i le Atua ua valaauiua outou i le galuega”
(MFF 4:3).


1. E le'i nofo lelei Brett. Faatoa maua mai sana tusi mai lona uso matua o Tony. O Tony o se faifeautalai. Ae le'i alu Tony, na folafola atu e Brett o le a ia faia foi ni galuega faafaifeautalai.



3. Tina, ou te fia auauana atu i isi ina ia ou faia foi se galuega faafaifeautalai e pei o Tony. O le a se mea e mafai ona ou faia?



2. Brett, e te iloaina pe a e auauana atu i isi, o loo e faia se galuega faafaifeautalai? Ua matua le mafai lava ona ou faatali i le fia faalogo atu i galuega faafaifeautalai o loo e faia. Alofa atu, o Tony.



4.

Ou te iloa e mafai ona faaaaoga e Mrs Hampton se fesoasoani i le saluina o ana laulaau i le Aso Toonai. O se auala lelei lena e faia ai se galuega faafafeautalai?



5. O le Aso Toonai na sosoo ai, na nofo ai Brett i lalo ma tusi se tusi ia Tony.


Lau pele o Tony, ou te faamoemoe o loo e fiafia e pei o au i le faia o galuega faafafeautalai. Na matou fesoasoani i le aso i le fanua o Mrs Hampton. Na ia aumaia se ipu kuki mo i matou. Na fesili i ai Tama pe fia sau matou te o i le lotu, ma sa fai mai ua lelei.
Alofa atu, o Brett.



6. Na gaugau e Brett le pepa ma tuu le tusi ma se laulaau mai le fanua o Mrs Hampton i totonu o le teutusi.


FESOASOANI MO MATUA

- Faaali i lau fanau se ata o Amona o loo puipua mamoe a le Tupu o Lamonaue (tagai i le Alema 17–18). Faamatala atu o auaunaga a Amona na tatalaina ai lona avanoa e faasoa atu ai lana molimau, pei lava foi ona fesoasoani le auau-naga a Brett i le tala e faasoa atu ai le talalelei. Fai le gaoioiga o le "Sailia o Mamoe a le Tupu o Lamonaue" i le itulau e 72.
- Fai faatasi ma lau fanau se lisi o mea e mafai ona latou faia e avea ai ma se faifeautalai. Fesoasoani ia i latou e faatutu ni sini e ausia ai nisi o nei mea i le lisi.



Sailia o Mamoe a le Tupu o Lamonae

Saunia e Arie Van De Graaff



**Na Faia e Iesu Keriso le Lalolagi mo Au**

“Faauta, o la’u galuega ma lo’u mamalu lenei—
ia faataunuu le faafuina o le tagata i le tino
ola pea ma le ola faavavaau”

(Mose 1:39).

Tala Fou o le Ekalesia

Ua Faamamafa i le Aoaoga Faamasani le Taua o Aufono

Saunia e Adam C. Olson

Mekasini a le Eklesia

le fonotaga o le aoaoga faamasani faaleautaitai i le lalolagi atoa ia Novema 2010, lea na faalauiloa mai ai tusitaulima fou a le Eklesia, sa faamamafaina ai e taitai o le Eklesia le taua o aufono faamanuiaina a uarota¹ i le lagolagoina o epikopo ua mamafatu o latou tiute ma i le faia o le galuega o le faaolataga.

Na saunoa Elder Dallin H. Oaks, “O le *Tusitaulima 2* ua taumafai ai e tuuitiitia tiute o le epikopo e ala i le faaleleia atili o le matafaioi a le aufono a le uarota ma ona sui auai.” O lenei matafaioi e aofia ai le lagolagosua i le epikopo “i mea e taua i le uarota atoa” ma “fesoasoani i le matafaioi laveai o le faatoagaina ma le faatumauina.”

O Le Taua o Aufono

I le aoaoga ia Novema, sa faamalamalama mai ai e Elder Quentin L. Cook o le Korama a Apostolo e Toasefululu e faapea “o le Eklesia e puleaina e ala i aufono i tulaga aoao, eria, siteki, ma uarota,” ma “o tusitaulima fou ua matuai faaleleia ai le matafaioi o aufono i le Eklesia.”

Sa talanoaina e Elder Cook ia aufono taua e tolu i le tulaga faaleuarota e taua mo le epikopo e faafoe ai fuafuaga a le Eklesia, ma le auala e aafia ai nei aufono i faamatalaga o loo i tusitaulima fou. E aofia ai le aufono a le au epikopo, le komiti o taitai perisitua, ma le aufono a le uarota.

O le aufono a le au epikopo o le a tele lava ina faagaoioia e pei ona sa i ai i le taimi ua mavae. Ae o le KTP [PEC] o le a faaauau pea ona fono e le aunoa ma o le a latou taulimaina nisi o mataupu sa taulimaina muamua e le komiti uelefea a le uarota, sa fautuaina e Elder Cook atonu o le a faaititia le umi o fonotaga a le KTP aua o

le a ono faateleina taimi e fono ai le aufono a le uarota.

O le tusitaulima fou “ua siitia ai le matafaioi o le aufono a le uarota i le tautuaina o le uarota i lalo o ki o loo i le epikopo,” na saunoa ai Elder Cook.

Siitia o Aufono a le Uarota

Ua siitia e tusitaulima le aufono a le uarota e ala i le fautuaina atu o mea e mafai ona faasafua atu e le epikopo ma le faalauteleina o matafaioi a tagata o le aufono e lagolagosua ai ia te ia.

Na saunoa Elder Cook, “O le taumafaiga autu lava o le aufono a le uarota o le galuega lea o le faaolataga i totolu o le uarota. O le tele o mataupu e sau sa’o lava i le epikopo. E faamoemoe lava o le a suia lenei mea a o faasafua atu e epikopo nisi mataupu i fonotaga a le aufono a le uarota ma/pe faamatuu atu i se tulaga e le faalauteleina i tagata taitoatas, e aofia ai mataupu e pei o le uelefea, faatumauina, faatoagaina mai” ma isi.

Sa faamalamalama mai e Elder Cook a o faaauau pea ona taulima e le epikopo ia “faafitauli e manaomia ai se faamasino masani o Israuelu,” e mafai ona ia, faatasi ai ma le maliega a le tagata o loo sailia le salamo, faamatuu atu i isi “le fautuaina tele e ono talafeagai ai” e fesoasoani ai i tagata o le eklesia o loo toe tau faaleleia olaga mai amioga sa fai ma mausa, po o manaomia le fesoasoani i mataupu tautupe, mataupu i va faaleaiga, po o isi faafitauli.

Na saunoa Elder Cook, “e fai e tagata o le aufono a le uarota le tele o a latou galuega i fafo atu o fonotaga a le aufono o le uarota. Latou te galulue faatasi ma o latou fesoasoani faapea ma faiaoga o aiga, faiaoga asiasi, faapea ma isi i le aapa atu ma auauna atu ia i latou . . . e manaomia le fesoasoani.”

Sa ia uunaia taitai perisitua ma taitai o ausilali ia iloa ma foia ni atugaluga e mafai ona taulimaina lelei i totolu o korama po o faalapotopotoga e tuumamaina ai le avega a le epikopo ma le aufono a le uarota.

“O le taumafaiga autu lava o le aufono a le uarota o le galuega lea o le faaolataga i totolu o le uarota.”

Elder Quentin L. Cook o le Korama a Apostolo e Toasefululu

E Faitaulia Sui Auai Uma

I le taimi o le faasalalauga, sa faamamafaina ai le taua o saofaga mai tagata uma e i ai i le aufono e ala i se talanoaga faavaega sa aofia ai Elder M. Russell Ballard, Elder Jeffrey R. Holland, ma Elder David A. Bednar o le Korama a Aposetolo e Toasefululu; Elder Walter F. González o le Au Peresitene o Fitugafulu; ma Julie B. Beck, o le peresitene aoao o le Aualofa.

Na saunoa Elder Bednar, “Ou te manatu ua sese lo tatou manatu faapea o elemene uma o faaliga e sau i le uarota e ui mai i le Epikopo. E ala i ki ua ia te ia, na te faailoa ma faamautu ai, ae le faapea na o ia le ala e oo mai ai.”

Sa faamamafa mai e Elder Bednar le taua o le lotogatasi i le taimi lava e fai ai e le taitai pulefaamalumalu se faaiuga ina ia mafai e le aufono ona galulue i lalo o le uunaiga a le Agaga Paia.

Sa lapatai mai Elder Holland e uiga i se aganuu masani o le le amanaia o le taua o tamaitai i aufono. Fai mai a ia, “O isi taimi sa tatou le valaaulia,

O le a faia se faasalalauga lona lua faaleaoaoga a taitai i le lalolagi atoa i le aso 12 o Fepuari, 2011, e taulai atu ai i tiute-tauave o peresitene o siteki ma epikopo, o le galuega a korama ma ausilali, ma luitau faapitoa a iunite e le lava ia tagata o le au paia ma taitai e tauaveina ai ia polokalama uma a le Ekalesia.

pe uunaia . . . tamaitai i le saofaiga a le aufono e pei ona sa tatau ai. E tatau lava ona fesoasoani mai tamaitai.”

Sa faamamafaina mai e le vaega, o taitai atamamai e faalogo.

Sa saunoa Elder Bednar, “E sili atu le lelei o le faaaogaina o le meaalofa o le iloatino pe a tatou faalogo ae le o le tautala.”

Sa faaopoopo mai Elder Ballard, o le mataupu faavae o le faalogo e aoga i tagata uma lava o le aufono ma e le tatau i se tagata se toatasii ona pulepuletutuina le talanoaga.

“A galue [le] Agaga i le faiga o aufono a le Ekalesia, o le a agai i luma le galuega, ma o le a toatele atu fanau a lo tatou Tama tatou te laveaiina,” na saunoa ai Elder Ballard. “O se galuega maoae e tasi tatou te taufai tuu i ai o tatou tauau.” ■

FAAMATALAGA

1. O faaupuga *uarota, epikopo*, ma le *au epikopo* e faatau foi i le *paranesi, peresitene o le paranesi*, ma le *au peresitene o le paranesi*. O faaupuga *siteki, peresitene o le siteki*, ma le *au peresitene o le siteki* e faatatau foi i le *itu, peresitene o le itu*, ma le *au peresitene o le itu*.

AUFONO FAAMANUIAINA A LE UAROTA

O fautuaga faapitoa nei mo le faafoeina o fonotaga faamanuiaina na tuuina mai i le fonotaga o aoaoga faaleautaitai i le lalolagi atoa ia Novema 2010.

O aufono faamanuiaina:

- E faaalu se taimi itiiti o fonotaga i le faakalenaina, fuafuaina o gaoioiga, ma isi pisinisi faaleautaitai.
- E taulai atu i mataupu o le a faamalosia ai tagata taitoatasii ma aiga.
- E valaaulia le faaalia atoatoa o manatu mai sui auai uma o le aufono, ona latou aufaatasii lea

e lagolago faaiuga a le epikopo.

- E tuufaatasia taumafaiga a le faalapotopotoga e tali atu i manaoga o tagata taitoatasii, aiga, ma faalapotopotoga.
- E fono soo, ma atonu foi e faatele

atu nai lo le faatulagaga a tusa-taulima sa i ai muamua, peitai e masani lava ona le sili atu ma le 60 i le 90 minute.

- E puipuia faamatalaga e lē faalauaiteleina. ■



Ua Maua Nei i le Initoneti le Polokalama Fou o le LDS.org

Saunia e Breanna Olaveson

Mekasini a le Eklesia

Ua tusa ma le lima tausaga talu ona faalau-iloaina le LDS.org o loo i ai nei, ua aumaia tonu ai punaoa uma o faamatalaga i tagata o Le Eklesia a Iesu Keriso o le Au Paia o Aso e Gata Ai. Peitai ua tele nua le suiga o le Initoneti talu mai lena taimi, ma a o faateleina le malosi o tekinolosi, ua faapena ai foi le faamoemoega o le LDS.org.

O le LDS.org fou, ua ta'ua foi o le LDS.org 3.0, ua mamanuina ia maua ai nisi o malosiaga o le Initoneti, ua atili ai le manaia i le vaai, atili aoga i tagata o le eklesia, ma faigofie atu ona mulimuli ai.

E ui o loo i ai lava nisi vaega o le saite o loo galueaiina pea, ae o le fatuina o le saite fou o se taimi lelei foi lea mo taitai o le Eklesia e toe sui ai le fuafuaina o le saite.


“Ua tele tausasga o i ai la tatou LDS.org, ae o le faatulagaga o ona anotusi sa tele ina faaosofia i mea sa mananao matagaluega o le Eklesia e faailoa atu nai lo manaoga o i latou e faaaogaina,” o le saunoaga lea a Elder Craig C. Christensen o le Fitugafulu. “O le mamanuina o lenei saite, matou te fesili ai, ‘O a mea o loo manaomia e tagata o le Eklesia, ma e mafai faapefea ona fesoasoani le Eklesia ia i latou?’”

O le LDS.org 3.0 ua taulai atu i le faamamafina o aoaoga a perofeta soifua, fafaigofieina o le suesueina o le talalelei i le initoneti, tuuina mai o auala e faasoan atu ai le talalelei, fafaigofie ona maua mea e faaaoga, ma le tuuina mai o faasino mataupu i nisi o gagana.

Aoaoga a Perofeta Soifua

Faatasi ai ma le anoano o leo i le Initoneti ua tausinio mai mo le gauai atu, o le LDS.org fou ua taulai atu i le aumaia o le leo e tasi i le atualuma—o le siufofoga faaperofeta.

Na saunoa Lee Gibbons, o le faatonu o le



**O le LDS.org
fou e taulai
atu i aoaoga a
perofeta o aso
nei, aumai ai
ni meafaigalu-
ega e lelei atu
mo suesuega
i le initoneti,
e aofia ai le
mafai ona faia
o ni sailiga e
tele atu.**

LDS.org, o le faamoemoega ia tuuina atu le faataua i aoaoga a perofeta ma aposetolo o ona po nei e ala i le fatuina o se “faitotoa” e taulai atu ai i a latou galuega ma mea ua latou aoaoina mai i aso nei.

O le vaega o le saite, Ua Saunoa Mai Perofeta ma Aposetolo i le Aso, ua faaalia ai savali lata mai nei ma tuuina mai ai aoaoga patino mai soifuaga ma auauanga a sui o le Au Peresitene Sili ma le Korama a Aposetolo e Toasefululu.

Meafaigaluega mo le Suesueina o le Talalelei i le Initoneti

O le vaega sa i ai muamua o le LDS.org sa mafai ai ona maua tusitusiga paia ma isi tusi ma mea e faaaoga a le Eklesia, ae peitai, o le saite fou lenei ua maua ai meafaigaluega mo le faia o suesuega i luga o le initoneti.

O lou saini mo le faaaogaina o le saite, e mafai ai e tagata e faaaogaina ona valivali ma vasevase fasifuaita, tusi ni faamatalaga, tausia se api talaaga o suesuega, ma faatulaga mea e faaaoga i faila mo le toe faaaogaina i se taimi mulimuli mai. O

loo maua nei vaega mo faasino mataupu uma i le itu o Suesuega o le saite, lea e aofia ai tusitusiga paia, konafesi aoao, tusi lesona, mekasini a le Ekalesia, ma isi lava mea.

Faasoaina atu o le Talalelei

O vaega o loo i le saite fou e tamaoaiga i ala o faasalalauga, faaaogaina o vitio, leo, ata pue, faatufugaga o le talalelei, ma isi vaaiga e faailoa atu ai savali o le talalelei. Peitai e le'i tuuina ai iina ia na o tagata lava o le Ekalesia e aoga i ai. E tatau ona faasoa atu, e pei foi o le talalelei. O le tele o vaega o le saite ua i ai faatasi ma saite iloga o fegalegaleaiga faalauaitele ma i-meli ina ia faigofie ai ona faasoa atu e tagata e faaaogaina ia mea o i ai ma faasino atu a latou uo ia aoao atili i le talalelei.

“Ua le gata ina i ai se avanoa, ae atonu foi o se valaau ia faatino, e tatau i tagata o le ekalesia ona faasoa atili atu le talalelei,” o le saunoaga lea a Brother Gibbons. “O loo matou taumafai ina ia mafai ona fai lena mea.”

Auala Fou mo Sailiga

O le isi vaega taua ua faaleia atili o auala e faia ai e le saite ia sailiga. O le poloka e saili ai, o loo maua i le pito i luga o le toetoe o itulau uma o le saite, e toe aumaia ai se lisi puupuu o taunuuga fautuaina, sa filifilia faapitoa mo le tele o autu e masani ona sailia. E maua foi se lisi atoa o mea uma e fetaui ma upu sa sailia.

O le itulau o taunuuga e fautuaina mai ai foi upu e uiga tutusa ia atonu e aumaia ai ni tau-nuuga e lelei atu, ma aumai ai ni avanoa mo ni sailiga e fetaui tonu ai.

Gagana

O le New.LDS.org o se Uepi saite mo le Ekalesia i le lalolagi atoa, ma o lea o le a faalauiloa atu ai i laasaga i gagana eseese e 11 pe a mae'a ma faamonia mai faaliliuga. E tusa ma le 90 pasene o tagata o le Ekalesia e tautatala i se gagana se tasi o nei gagana e 11: Kenitonisia, Igilisi, Farani, Siamani, Italia, Sapani, Korea, Meniterini, Potukale, Rusia, ma le Sipaniolo. ■

Ua Amata Auaunaga a Peresitene Fou o Malumalu

E amata atu i le aso 1 o Novema, 2010, e 53 peresitene fou o malumalu ma o latou faletua ua amata a latou auaunaga i malumalu i le lalolagi. O le taimi nei e 134 malumalu o loo faagaoioia i le lalolagi ma le isi 23 na fofogaina mai pe o loo fausiaina.

Aba Nigeria	Alexander A. ma Theresa A. Odume*
Anchorage Alaska	Melvin R. ma Sharon V. Perkins
Birmingham Alabama	Kent R. ma Geniel R. Van Kampen
Campinas Brazil	George A. ma Jeannette N. Oakes
Caracas Venezuela	Luis M. ma Juana P. Petit
Chicago Illinois	Paul W. ma Ann P. Castleton
Ciudad Juárez Mekisiko	Manuel ma Elsa M. Araiz
Cochabamba Polivia	Lee W. ma Connie C. Crayk
Columbia River Uosigitone	T. Dean ma Patrice A. Moody
Columbus Ohaio	Edward J. ma Carol B. Brandt
Copenhagen Tenimaka	H. Hjort Nielsen ma Ellen Haibrock
Curitiba Brazil	José M. ma Aida C. Arias
Dallas Texas	Robert C. ma Talmadge M. Packard
Detroit Michigan	Phillip G. ma Margaret K. Pulsipher
Draper Utah	Russell E. ma Christine C. Tueller*
Edmonton Alberta	Bryce D. ma Kathryn Card
Fresno Kalefonia	Paul B. ma Judith H. Hansen
Guadalajara Mekisiko	Jaime F. ma M. Teresa Herrera
Halifax Nova Scotia	Douglas M. ma Carol Ann Robinson
Hamilton Niu Sila	James ma Frances M. Dunlop
Hong Kong Saina	John M. ma Lydia C. Aki
Johannesburg Aferika i Saute	Kenneth S. ma Muriel D. Armstrong
Kyiv Ukraine	B. John ma Carol Galbraith*
Lima Peru	Robert W. ma Kay Lees
Lonetona Egelani	C. Raymond ma Irene M. Lowry
Manhattan Niu Ioka	W. Blair ma Suzanne J. Garff
Medford Oregon	David J. ma Pauline Davis
Melepone Ausetalia	Malcolm R. ma Ruthje M. Mullis
Memphis Tennessee	T. Evan ma Lou Anne W. Nebeker

*O uligalii nei na amata a latou auaunaga i le amataga o le tausaga.



O le Malumalu o Twin Falls Idaho o le tasi o malumalu e 53 sa mauaina se peresitene fou i le aso 1 o Novema, 2010.

Mérida Mekisiko	Zeniff ma Elizabeth Mejía
Monterrey Mekisiko	C. Juan Antonio ma Isabel S. Machuca
Nashville Tennessee	R. Lloyd ma Judy R. Smith
Navu Ilinoi	Spencer J. ma Dorothea S. Condie
Nuku'alofa Tonga	Pita F. ma Lani A. Hopoate
Orlando Florida	David T. ma Lana W. Halversen
Panama City Panama	D. Chad ma Elizabeth B. Richardson
Perth Ausetalia	Geoffrey J. ma Lesley M. Liddicoat
Portland Oregon	Myron G. ma Gearldine T. Child
Provo Utah	Robert H. ma Janet L. Daines
Raleigh North Carolina	J. Mitchel ma Z. Sue Scott
Reno Nevada	Franklin B. ma Joyce C. Wadsworth
Rexburg Idaho	Clair O. ma Anne Thueson
Santiago Chile	Julio E. ma Elena Otay
Santo Domingo Dominican Republic	Larry K. ma Joann W. Bair
Seattle Uosigitone	Donald E. ma Jane H. Pugh
Seoul Korea	Song Pyung-Jong ma Yang Gye-Young
Spokane Uosigitone	Charles H. ma Elizabeth M. Recht
St. George Iuta	Bruce C. ma Marie K. Hafen
St. Paul Minnesota	C. Kent ma Karen J. Hugh
Tampico Mekisiko	Barry R. ma Risa L. Udall
Tuxtla Gutiérrez Mekisiko	Jorge D. ma Irma Del Toro Arrevillaga
Twin Falls Idaho	Karl E. ma Beverly C. Nelson
Winter Quarters Nebraska	Maury W. ma Joan Schooff ■

I TALA FOU

FAAMATALAGA

Taumafai ia Avea ma se Faataitaiga

Ou te fia tau atu ou te fiafia e faitau le mekasini o le *Liahona*, ma ou te iloa o loo i ai tuleiga a perofeta. E i ai sa'u molimau i le moni o le Tusi a Mamona ma le tatalo. Ou te faafe-tai mo le talalelei i lo'u olaga, ma ou te taumafai e avea ma se faataitaiga i isi tagata talavou o e le i iloa le afioga a le Alii.

Tatiana G., 15 tausaga, Iurukuei

Ua Ootia Lo'u Agaga i le Filemu

E le'i avea a'u ma se tagata o la outou ekalesia, ae ua tumu a'u i le olioli, alofa, ma le filemu ona o lenei faatoa ou maua le upu moni. Satuu mai ia te a'u e sa'u uo se kopio le *Liahona* ma le Tusi a Mamona e faitau, ma e ui lava sa ou maua ai le upumoni iina, ae sa ou tau musu ona fai mai nisi o tagata e le lelei le ekalesia lenei.

Peitai, talu ona ou lagonaina upumoni a Keriso, sa amata loa ona ou toe faitau, ma o lenei ua ootia ai lo'u agaga i se lagona maoae o le filemu. O aoaoga e manino ma aoga—ma o le i ai lena o le Agaga i le galuega. E leai ni iunite o le Ekalesia i le mea o loo o'u nofo ai, ae ou te tatalo ia tatala e le Alii fai-tootoa ina ia mafai ona oo mai le talalelei toefuatai-ina i lo'u nuu ma mafai ai ona ou papatiso.

Konan Alphrede, Côte d'Ivoire

Faamolemole auina mai sou finagalo faaalia po o fautuaga i le liahona@ldschurch.org. E ono faapupuuina tala mo le uumi po o le manino. ■

E faailoa atu e tagata e asia le saite o latou atunu. A maua i luga o le initonetia ia faleoloa e faapitoa i atunu taitasi, o le a faaalia ai oloa o loo maua i le gagana autu a lena atunu faapea ma o latou tau i le tupe a le atunu lava ia. E mafai ona sii sa'o mai i le saite ia nisi o mea e leai ni totogi.

O le saite fou ua sui ai le ldscatalog.com ma ua faalauiloa-ina muamua i le gagana Peretania, Sipaniolo, ma le Rusia. O le a maua isi gagana i masina a sau, e aofia ai le gagana Potukale, Farani, Siamani, Italia, Sapani, Korea, ma Saina, i le faasologa lava lena. ■

Maua i le Initoneti le Tusi Fusitolu i le gagana Iapani

Ua maua nei i le initoneti i le scriptures.lds.org/jpn le lomiga i le gagana Sapani o le tusi fusitolu, ua tuuafaatasi ai i se voluma e tasi le Tusi a Mamona, Mataupu Faavae ma Feagaiga, ma le Penina Tau Tele. O loo maua foi i le saite lava lea le kopi i le leo ma o le a le toe mamao ae maua i le tisiketi. O le saite o tusitusiga paia o loo i ai vaefaaamatalaga, faafanua, ma ata, ma e mafai e le au faitau ona faailoga ia mau ma faatino le sueina o upu autu. Ua 19 nei gagana ua aofia ai i le saite o tusitusiga paia.

Maua DVD Fou mo le Suesueina o le MFF

O se seti fou o DVD e fa e fesoasoani i suesuega o le Mataupu Faavae ma Feagaiga ma le talafaasolopito o le Ekalesia. O le seti o loo aofia ai nei siata fesootai, upusii mai perofeta ma apersetolo o aso e gata ai, ata vali, ma gaoioiga e aoao ai. O loo i ai foi vitio e pei o le *Measina, Mauga o le Alii*, ma le *Iosefa Samita: O Le Perofeta o le Toefuataiga*, lea sa faaali i le Maota Faamanatu o Iosefa Samita talu mai Tesema 2005. E maua foi *DVD o le Mataupu Faavae ma Feagaiga ma Punaoa Vaaia o le Talafaasolopito o le Ekalesia* i le gagana Peretania, Potukale, ma le Sipanipo. Oka i luga o le Initoneti i le store.lds.org pe telefoni i le 1-800-537-5971. Siaki i faletusi i le lotoifale pe ua maua ai.

Fesoasoani Taiala o Punaoa a le Autalavou mo Faiaoga

O taiala fou o punaoa ua faaopoopo atu i tusi lesona a le Perisitua Arona ma Tamaitai Talavou, *Perisitua Arona Tusi Lesona 3* ma le *Tusi Lesona 3 Tamaitai Talavou*, mo le 2011. O le taiala ua tuuina atu ai i faiaoga autu e faatatau i konafesi aoao lata mai nei, fesili e talanoaina, mau faaopoopo, ma manatu mo gaoioiga e faatatau ma faamanatu ai lesona o loo i ai, ia atili ai ona talafeauga ma faafauli o loo feagai ma le autalavou i aso nei. O loo maua nei taiala i gagana e 27 i faletusi autu a le Ekalesia po o le initoneti foi i le resourceguides.lds.org.

Ua Filifilia Nei e le Ekalesia ni Tagata e Faatinoina le Galuega Faatino o le Feagaiga Fou

I se taumafaiga e faatosina mai tagata auai mai le lalolagi atoa mo le galuega faatino o le ata tifaga a le LDS Motion Picture Studio's New Testament, ua fatuina ai e le Ekalesia se Uepi saite, casting.lds.org, lea e mafai ai e tagata o le Ekalesia e fia auai ona talosaga e fai ma tagata faatino po o le faia o vaega laiti i le gaosiga o ata tifaga ma vitio uma a le Ekalesia, e aofia ai le galuega faatino o le Feagaiga Fou. O le a amata pueina le ata tifaga i le amataga o le tautotogo o le 2011 i le Aai o Sate Leki, Iuta, ISA, ma o le a faaauau atu i le taumafanafana. ■

MANATU MO AFIAFI FAALEAIGA

O lenei lomiga e aofia ai tusiga ma gaoioiga e mafai ona faaaoga mo afiafi faaleaiga. O ni nai faataitaiga nei.

"Aoao e Faalogo ma Malamalama i le Agaga," i. 24; ma le **"O Le Apogaleveleve ma le Leo Lemu ma le Itiiti,"** i. 68: O nei tusiga ua aoao mai ai ia i tatou le taua o le usitai i musumusuga a le Agaga. A o le'i faitauina leotele se tasi o tusiga, ia fai atu i tagata o le aiga e faalogo mo auala e mafai ona latou iloa ai le Agaga. A uma ona faitau le tusiga, atonu e te fia faamatalaina se taimi sa e lagonaina ai le Agaga Paia ma valaaulia foi tagata o le aiga e faapena foi ona fai.



"Faataoto i Mea na Leiloa ma Toe Maua," i. 32: Ina ia aoao atu i tagata o le aiga le taua o le saili mo i latou ua leiloloa faaleagaga, e mafai ona e faia se taaloga o le iga-ve'a. A uma le taaloga, ona faitau lea o se tala se tasi pe lua mai le tusiga ma faasoat mea ua e aoaoina e uiga i le sailia o i latou ua leiloloa. Atonu e te manao e faailoa atu tuaoi po o uo e mafai ona e faaaumeaina. Ona talanoa lea i ni auala e mafai ona e valaaulia ai i latou e toe foi mai i le Ekalesia.

"O Le Talalelei E mo Tagata Uma," i. 54: O loo aoao mai i lenei tusiga "e leai se mamanu talafeagai mo se tagata ua faamoemoe e avea ma se tasi o le Ekalesia." Ina ia aoao atu lenei aoaoga, ia mafaufau e fesuia'i pepa o igoa o apa meaai pe tuu le suka i totonus o le fagu masima. Valaaulia tagata o le aiga e filifili se apa meaai e taumafa ai pe tofo le "masima." A uma le gaoioiga lenei, ona faitau lea o le tusiga a Elder Godoy. la mafaufau, o se aiga, ia i latou e mafai ona e faasoat atu i ai le talalelei—e oo lava ia i latou e le fetau i ai le "mamanu talafeagai" o se tagata e mafai ona avea i le lumanai ma se tasi o le Ekalesia.

"O Le A Matou Fafaina Oe!" i. 62: E mafai ona outou faitauina o se aiga le tusiga lenei ma talanoa e uiga i se taimi na fesoasoani atu ai tagata o le aiga i isi pe maua mai foi se auaunaga. Ona mafaufau lea i auala e auauna atu ai. E mafai ona outou faatinoina la outou fuafuaga o se gaoioiga i se afiafi faaleaiga i le lumanai. ■

O SE NOFOA I LE TAUSAMAAGA A LE FAATOAFIAVA

Saunia e Melissa Merrill

Mekasini a le Ekalesia

Ele faapea e faigofie pea le alu na o oe i se 'aiga o se faaipoipoga. Ae ina ua valaaulia a'u e se uo ua leva i se 'aiga o lana faaipoipoga, sa ou iloa ou te le fia misia le avanoa matou te fafia faatasi ai ma ia ma si ona toalua.

I le aso o le faaipoipoga, na ou taunuu atu ae faatoa amata lava le taumafataga. Sa ou iloa atu se nofoa na gaogao ma fesili atu i se tasi o tina i le laulau pe o avanoa.

"E tatau *ona* e i ai iiinei?" na ia fesili mai ai ia te au, ma le masalosalo.

Ou te le iloa po o le a se mea na mafua ai le fesili—po o le tulaga na ia fesili ai. E le'i i ai se tasi na siakiina se lisi o le au valaaulia. E le'i faatulagaina ni nofoa. Sa fetau lo'u taimi ma sa lelei ou ofu. O le a la se faafitauli?

Sa ou ataata ma le popole. "O a'u o se uo a le tama faaipoipo," na ou faamautinoa atu ia te ia. Na luelue mai lona ulu, ma ou nofo ai loa i lalo ma taumafai e amata se talanoaga faaleuo ma ulugalii e toaono sa i le laulau. Po o le a lava se lagona faaletonu na ou lagonaina muamua a ua faalauteleina lea e le "faafeiloai" na ou mauaina. Sa ou matua taumafai lava e saili mo se tasi i le potu—soo se tasi—ou te iloa, e ese mai le tama faaipoipo, ae na leai ma se tasi na ou masani ai.

Ona tupu lea o se mea. Na tu i luga la'u uo, lea na nofo i autafa o lona toalua i le pito i luma o le fale faafafia lea ua faatumulua. A o ia tu i luga, na ia iloa mai au i le isi itu o le potu. Na tu o ia, soisoi, ma tuu lona lima i luma o lona fatu e pei o fai mai, "Faafetai tele ua e sau. Ou te iloa na e ositaulaga ina ia e i ai iiinei. E matua taua tele lo tatou faatasi ai."



*O se lagona
o le toofilemu
ma le fafia
na ufitia
ai au. Po o
le a lava se
manatu o soo
se tasi, a o le
tama faaipo-
ipo lava ia,
ou te aofia
ai foi.*

Na ufitia au e se lagona o le toofilemu ma le fafia. Po o le a lava se manatu o soo se tasi, a o le tama faaipoipo lava ia, ou te aofia ai foi. Sa ou ataata a o ou mafaufau i lenei mea. Talosia na iloa e la'u uo lo'u naunau e faamanatu ma fafia faatasi ma ia ma lona toalua. Po o le a lava se

lagona le mautonu na ou lagonaina ua mou ese atu i lena fesootaiga e 10 sekone, ma na faatumulua au i le toofilemu i le taimi atoa o lena po.

I ni nai aso mulimuli ane, i le saunia ai e aoao atu se lesona i le Aualofa, sa ou suesue ai i le Mataio 22 ma faitau ai i se tupu o loo sauniuni se 'aiga o le faaipoipoga a lona atalii, lea e faatatau i le Faaola. Na aoao mai le Perofeta o Iosefa Samita e uiga i nei fuaiupu o tusitusiga paia: "O i latou o e tausia polo- aiga a le alii ma savavali i Ona ala i le iuga, ua na o i latou ia ua faatulagaina e nonofo i lena tausamaaga mamalu. . . . O i latou o e sa tausia le faatuatua o le a faapaleina i le palealii o le amiontonu; faaofuina i ofu papae sisina; e faatulagaina i le tausamaaga o le faaipoipoga, e saoloto mai mafatiaga uma, ma nofotupu ma Keriso i le lalolagi."¹ O lena folafolaga e matua mamana lava i soo se taimi, aemaise lava i lena taimi ona o lo'u aafia i le vaiaso na muamua atu.

A o ou aoaoina atu le lesona, sa ou iloaina o le usiusitai ua na o le pau lava lea o le tulaga manaomia mo le taliaina o se valaaulia mai ia Iesu Keriso ina ia fafia faatasi ma Ia, ina ia maua se nofoa i Lona tausamaaga. Ma o lena tausamaaga e le manaomia ai e le au valaaulia le lagona o le le mautonu ona latou *te aofia* ai uma lava. E ui e mamao lava le tulaga atoatoa o lo'u usiusitai, ae ou te faamoemoe o le a ou agavaa i se aso e feiloai atu ai i le Faatoafiaava ma tuu atu i ai lo'u loto —o se loto ua tuuina atu atoa i Lona finagalo—ma faapea atu, "Ua ou matua fafia lava i lo'u i ai iiinei." ■

FAAMATALAGA

1. *Aoaoga a Peresitene o le Ekalesia: Iosefa Samita* (2007), 64.



AFIOGA A KERISO

*Tamaiti o loo Taaalo i talane o se Pa Laupapa,
saunia e Anne Marie Oborn*

“Se a foi le mea tou te popole ai i ofu? Ia outou
mafaufau i lautalatalo o le vao, pe faapefea ona tupu;
latou te le galulue, latou te le milo foi:
“A ou te fai atu ia te outou, o Solomona ma lona

matagofie tele na le ofu o ia pei o le tasi o na mea.

“Afai e faapea ona faafuina e le Atua le vao o le
fanua, o ola mai i le aso, a e lafaina a taeao i le ogaumu,
e le sili ea ona faafuina o outou?” (Mataio 6:28–30).



Faataoto i le Luka 15, o mamoe ua se, o le tupe iti ua leiloa, ma le atalii ua faamaimauina oa o lona tofi. Ae peitai na saili e le leoleo mamoe le vao, na tafitafī e le fafine le fale, ma na tulimatai atu le tamā faamagalo i le toe foi mai o lona atalii. E faapena foi, i tatou, ona faalogo i le valaau mai ia Peresitene Thomas S. Monson ina ia “aapa atu ma laveai i latou ua pauu ese mai le alā, ina ia lei se agaga faapelepele e tasi e leiloa.” Faitau tala e fa e uiga i le laveai o loo i le “Faataoto o le Leiloa ma Toe Maua,” itulau e 32